




Llywodraeth Cymru
Welsh Government

Cyfrifon Cyfunol Blynyddol Llywodraeth Cymru 2017-2018



Trosolwg gan yr Ysgrifennydd Parhaol



Shan Morgan

Mae'n bleser gennyf gyflwyno fy ail gyfrifon cyfunol ar ran Llywodraeth Cymru. Gan i mi ymuno â'r sefydliad tua diwedd blwyddyn ariannol

2016-17, dyma fy mlwyddyn gyntaf lawn yn y swydd ac wrth edrych yn ôl, mae wedi bod yn flwyddyn brysur a heriol gyda llawer i adrodd arno.

Ein blaenoriaethau

Fy mhrif flaenoriaeth yn ystod y cyfnod adrodd hwn yw sicrhau bod y sefydliad yn gallu ymateb yn gyflym ac effeithiol i flaenoriaethau Llywodraeth Cymru yn ogystal â pharhau i gyflawni'n rhwymedigaethau statudol yn effeithiol ac o fewn y gyllideb.

Ym mis Medi 2017, cyhoeddodd y Prif Weinidog Ffyniant i Bawb: y strategaeth genedlaethol ynghyd â'n hamcanion diwygiedig o dan Ddeddf Llesiant Cenedlaethau'r Dyfodol. Am y tro cyntaf, mae gweledigaeth a phwrpas ein Llywodraeth, a'n prif flaenoriaethau a'n ffyrdd o weithio i'w gweithredu, wedi'u nodi'n glir a chyson mewn un ddogfen. Mae'n golygu bod gan y sefydliad lasbrint i ysgogi'n gwaith am weddill y weinyddiaeth. Bu hyn o gymorth i mi egluro beth rwy'n ei ddisgwyl gan bawb sy'n gweithio

yn Llywodraeth Cymru – mae angen i ni i gyd berfformio i safon uchel, gydag awydd cryf i wella, dysgu a datblygu. Sefydlaais fenter Diogelu'r Dyfodol i'n cynorthwyo ni i gyflawni hyn ac mae eisoes yn sicrhau gwelliannau.

Mae Brexit yn parhau i fynd â llawer o sylw Llywodraeth Cymru ac mae nifer o gyhoeddiadau wedi'u cynhyrchu i fynd i'r afael â'r prif faterion. Gallwch ddarllen mwy am y rhain yn yr adroddiad blynyddol. Rwyf hefyd wedi cynnwys manylion am flaenoriaeth arall, yr Awdurdod Cyllid Cymru newydd, a gafodd ei lansio'n llwyddiannus ym mis Ebrill. Roedd y lansiad hwn yn garreg filltir bwysig yn hanes datganoli yng Nghymru, gyda chyflwyno'r trethi cartref cyntaf yng Nghymru ers 800 o flynyddoedd.

Ein pobl

Yn ogystal â chynnal ymgyrch recriwtio lwyddiannus i lenwi dwy swydd Cyfarwyddwr Cyffredinol gyfredol, rwyf hefyd wedi atgyfnerthu ein strwythur uwch arweinwyr drwy greu swydd Cyfarwyddwr Cyffredinol ychwanegol i ganolbwyntio ar yr heriau strategol a chyfansoddiadol mawr a wynebwn. Bydd y tîm arwain cryfach hwn yn fy helpu i arwain y sefydliad drwy'r heriau y byddwn ni'n eu hwynebu'n ddi-os dros y blynyddoedd nesaf.

Cefais gyfle i ymweld â llawer o'n swyddfeydd i siarad yn uniongyrchol â phobl am 'Diogelu'r Dyfodol' ac i glywed eu hawgrymiadau am sut gallwn ni wella'n perfformiad. Yn ogystal â chael adborth wyneb yn wyneb, roedd canlyniadau'r Arolwg Pobl blynyddol yn ddefnyddiol iawn. Rwy'n falch iawn fod ein sgôr ymgysylltu yn parhau i fod yn uwch na'r meincnod ar gyfer y Gwasanaeth Sifil cyfan, ond rwy'n cydnabod bod lle i wella o hyd a byddwn yn gweithio ar hyn gydol y flwyddyn sydd i ddod.

Mae ein sgorau cynhwysiant a thriniaeth deg hefyd yn llawer uwch na meincnod y DU ond serch hynny mae yna ormod o bobl o hyd heb gael eu darbwyllo bod modd herio ymddygiad amhriodol neu fynd i'r afael ag ef yn effeithiol. Sefydlaeth adolygiad i sicrhau bod gennym weithle cynhwysol lle mae pawb yn teimlo ei fod yn cael ei gefnogi i wneud ei orau – mae hyn yn bwysig iawn i mi.

Rwy'n falch o'r hyn a gyflawnwyd gan Wasanaeth Sifil Llywodraeth Cymru. Rwy'n ddiolchgar i'm holl gydweithwyr am eu gwaith caled a'u proffesiynoldeb dros y 12 mis diwethaf. Rwy'n hyderus y gallwn barhau i adeiladu ar hyn yn ystod y cyfnod adrodd nesaf a thu hwnt.

Trosolwg gan yr Ysgrifennydd Parhaol	ii
Cipolwg ar Lywodraeth Cymru	1

Adroddiad Atebolrwydd

Datganiad o Gyfrifoldebau'r Swyddog Cyfrifyddu	29
Datganiad Llywodraethiant	30
Adroddiad Staff a Thaliadau Cydnabyddiaeth	49
Datganiad Colledion	63
Crynodeb o'r Alldro Adnoddau	64
Tystysgrif ac adroddiad archwilydd annibynnol	67
Archwilydd Cenedlaethol Cymru i Gynulliad	
Cenedlaethol Cymru	

Adroddiad Ariannol


Datganiadau Ariannol	70
Nodiadau ar y cyfrifon	74
Atodiad A – Polisiâu Cyfrifyddu	99

Deddf Llywodraeth Cymru 2006

Caiff cyfrifon Llywodraeth Cymru eu paratoi yn unol ag Adran 131 o Ddeddf Llywodraeth Cymru 2006 ar gyfer y flwyddyn hyd at 31 Mawrth 2018, ynghyd â Thystysgrif ac Adroddiad Archwilydd Cyffredinol Cymru mewn perthynas â hwy.

Gosodwyd hwy gerbron y Cynulliad yn unol ag Adran 131 o Ddeddf Llywodraeth Cymru.

Llywodraeth Cymru mewn rhifau



Llwyddiannau Allweddol

12fed

(allan o **434** o gwmnïau) –
Mynegai Stonewall o 100 Cyflogwr
Gorau'r DU (wedi codi **13 safle**)



Statws aur

yng ngwobrau a:gender

Lefel 3 'Arweinydd'

Hyderus o ran Anabledd

Cipolwg ar Lywodraeth Cymru

Trosolwg

Llywodraeth Cymru yw llywodraeth ddatganoledig Cymru sy'n gweithio ar draws meysydd allweddol bywyd cyhoeddus fel iechyd, addysg, yr economi, amaethyddiaeth a'r amgylchedd. Cafodd ei sefydlu'n ffurfiol yn 2007 o dan Ddeddf Llywodraeth Cymru, a oedd yn rhannu swyddogaethau rhwng Cynulliad Cenedlaethol Cymru (y ddeddfwrfa) a Llywodraeth Cynulliad Cymru (y weithrediaeth). Ers hynny, mae Deddf Cymru 2014 wedi newid yr enw'n gyfreithiol i Lywodraeth Cymru. Mae setliad datganoli Cymru wedi esblygu'n ddramatig ers sefydlu'r Cynulliad ym 1999 ac mae'n parhau i ehangu wrth i bwerau newydd gael eu datganoli.

Dan arweiniad y Prif Weinidog, mae Llywodraeth Cymru'n gwneud penderfyniadau ac yn gyfrifol am gyflawni yn y meysydd a ddatganolwyd iddi, fel y nodir yn Neddf Llywodraeth Cymru 2006 a Deddfau Cymru 2014 a 2017. Mae hyn yn cynnwys datblygu a gweithredu polisïau;

sefydlu a chyfeirio gwaith cyflawni a llywodraethu; cynnig Deddfau Cymru (Biliau Cynulliad); a llunio is-ddeddfwriaeth, fel rheoliadau a chanllawiau statudol. Mae hefyd yn ariannu Cyrff a Noddir gan Lywodraeth Cymru yn uniongyrchol.

Ar 1 Ebrill 2018, daeth model datganoli cadw pwerau i rym yng Nghymru, gan roi mwy o benderfyniadau yn nwylo Gweinidogion Cymru. Mae'r model newydd yn nodi'n glir beth sydd wedi'i ddatganoli, ac yn gyfrifoldeb ar Gynulliad Cenedlaethol Cymru, a beth sydd wedi'i gadw – ac yn gyfrifoldeb ar Senedd San Steffan.

Mae'r rheoliadau hefyd yn gweithredu llawer o'r pwerau pellach a ddatganolwyd i'r Cynulliad a Gweinidogion Cymru o dan Ddeddf Cymru 2017, yn cynnwys pwerau dros etholiadau, trafndiaeth a'r amgylchedd.

Ffyniant i Bawb

Mae strategaeth genedlaethol drawsbynciol Llywodraeth Cymru, 'Ffyniant i Bawb', a gyhoeddwyd ar 19 Medi 2017 yn nodi blaenoriaethau Llywodraeth Cymru ar gyfer y tymor llywodraeth hwn, ac yn gosod y sylfeini ar gyfer gweithredu pellach dros y tymor hirach.

Mae'r strategaeth yn seiliedig ar ddeuddeg amcan llywodraeth gyfan o dan bedair thema: ffyniannus a diogel, iach ac egnïol, uchelgeisiol ac yn dysgu, ac unedig a chysylltiedig. Y deuddeg amcan hyn sy'n ganolog i'r strategaeth yw amcanion llesiant diwygiedig y Llywodraeth, sy'n nodi ei chyfraniad at y nodau llesiant yn Neddf Llesiant Cenedlaethau'r Dyfodol.

Mae'r strategaeth hefyd yn nodi pum maes blaenoriaeth: y blynyddoedd cynnar, tai,iechyd meddwl, sgiliau a gofal cymdeithasol,

fel meysydd lle y gallai dull Llywodraeth gyfan sicrhau'r cyfraniad mwyaf at ffyniant a llesiant hirdymor pobl.

Mae'r Prif Weinidog wedi datgan yn glir bod angen dull gwahanol yn ystod y weinyddiaeth hon, i wneud gwahaniaeth gwirioneddol i fywydau pobl yng Nghymru. I sicrhau llwyddiant, rhaid i holl rannau'r llywodraeth gydweithio a chanolbwyntio ar y meysydd lle gall llywodraeth wneud gwahaniaeth.

Bydd adroddiad blynyddol ar y cynnydd tuag at gyflawni amcanion y Llywodraeth, fel mater i Weinidogion Cymru, yn cael ei gyhoeddi ar wahân ac yn unol â gofynion Deddf Llesiant Cenedlaethau'r Dyfodol. Bydd yr Adroddiad Blynyddol yn cael ei gyhoeddi yn hydref 2018.

Llesiant Cenedlaethau'r Dyfodol

Pasiwyd Deddf Llesiant Cenedlaethau'r Dyfodol yn 2015 a daeth i rym ym mis Ebrill 2016. Yn ystod cyfnod yr adroddiad hwn, mae llawer wedi'i wneud ar weithredu gan Lywodraeth Cymru mewn partneriaeth â chyrrff eraill a thrwy weithio gyda Chomisiynydd Cenedlaethau'r Dyfodol ac Archwilydd Cyffredinol Cymru. Mae Llywodraeth Cymru wedi bod yn arwain ledled Cymru a thu hwnt.

Cymerwyd camau yn y meysydd canlynol:

- Yng ngwasanaeth sifil Llywodraeth Cymru, mae pob maes polisi a phortffolio'n gyfrifol am ymgorffori'r Ddeddf yn ei weithgareddau, polisïau a rhaglenni. Mae hyn hefyd yn golygu cydweithio ar draws portffolios er mwyn cyflawni amcanion niferus y saith Nod Llesiant a'r pum Ffordd o Weithio o Egwyddor Datblygu Cynaliadwy'r Ddeddf.
- Mae'r strategaeth genedlaethol, Ffyniant i Bawb, hefyd yn nodi pum maes blaenoriaeth. Wrth ddatblygu'r Strategaeth, daeth y blynyddoedd cynnar, tai, iechyd meddwl, sgiliau a gofal cymdeithasol i'r amlwg mewn sawl cyddestun fel meysydd lle gallai dull Llywodraeth gyfan sicrhau'r cyfraniad gorau at ffyniant a llesiant hirdymor pobl. Drwy gyflawni'r meysydd blaenoriaeth hyn rydym yn ystyried y ffordd orau o weithio ar draws y llywodraeth i wella sut rydym yn uno gwasanaethau, yn canolbwyntio'n hymdrechion ar y pethau pwysig ac yn gweithio'n wahanol gyda'n partneriaid i gael mwy o effaith.
- Penodwyd Hyrwyddwr Llesiant Cenedlaethau'r Dyfodol i arwain ystyriaethau Llesiant Cenedlaethau'r Dyfodol ar Fwrdd Llywodraeth Cymru. Mae'r Hyrwyddwr hefyd yn arwain Grŵp Sicrwydd Llesiant Cenedlaethau'r Dyfodol, grŵp trawslywodraeth sy'n cynnwys y rhai sy'n gyfrifol am elfennau statudol neu weithredol bwysig o ddyletswyddau a chyfrifoldebau Llywodraeth Cymru o dan y Ddeddf. Bydd y grŵp hwn yn gyfrwng ar gyfer integreiddio, cydweithio, newid a monitro cynnydd ar draws y llywodraeth yn ogystal â sbarduno newid mewn meysydd eraill fel datblygu ac integreiddio polisi. Bellach mae tîm canolog bychan yn cefnogi gwaith y sefydliad ar lesiant cenedlaethau'r dyfodol.
- Mae'r sefydliad wedi gweithio gyda Chomisiynydd Cenedlaethau'r Dyfodol i ddatblygu a mabwysiadu proses sicrwydd gryfach. Cyflwynwyd proses ar gyfer papurau allweddol y Cabinet gyda "sesiynau herio" yn cael eu cynnal gyda swyddogion Llywodraeth Cymru wrth i bapurau gael eu datblygu i sicrhau dull trawslywodraeth o lunio polisïau.
- Mae darn mawr o waith wedi'i gyflawni i ddatblygu Fframwaith Asesu Effaith Integredig newydd a chanllawiau sy'n ystyried gofynion llesiant cenedlaethau'r dyfodol ynghyd â dull symlach o asesu effaith ar gyfer rhwymedigaethau statudol eraill fel Cydraddoldeb a dyletswyddau Hawliau'r Plentyn y Cenhedloedd Unedig.
- Darparwyd pecyn cymorth i'r Cyrff Gwasanaethau Cyhoeddus hefyd, a sefydlwyd o dan y Ddeddf i gydweithio i wella llesiant ardal awdurdod lleol. Mae'r cymorth yn 2018-19 yn canolbwyntio ar gefnogi Byrddau Gwasanaethau Cyhoeddus i gwblhau eu cynllun llesiant ac yna cyflawni yn ei erbyn.
- Mae Llywodraeth Cymru'n cymryd rhan yng Ngrŵp Rhannu Cyrff Cyhoeddus Llesiant Cenedlaethau'r Dyfodol. Mae'r Grŵp yn galluogi cyrff cyhoeddus sy'n destun y dyletswyddau i ddod ynghyd i drafod dulliau gweithredu cyffredin, cyfleoedd cydweithio

a rhannu arferion gorau yn achos cyflawni rhwymedigaethau. Mae hyn yn cynnwys meysydd strategaeth sefydliadol; ystyried synergeddau ar draws cyrff cyhoeddus ac amcanion llesiant; hyfforddiant a llywodraethu; cyd-gynhyrchu a gweithio gyda'r trydydd sector; cynlluniau caffael peilot; gweithio gyda Swyddfa Archwilio Cymru ar ddull cyffredin o gyflawni gwaith peilot y Swyddfa; rhannu astudiaethau achos; ac anghenion ymchwil cyffredin a bylchau tystiolaeth.

- Darparwyd cymorth uniongyrchol i bob Corff Gwasanaethau Cyhoeddus a sefydlwyd o dan y Ddeddf i edrych ar amcanion llesiant a chyflawni yn lleol.
- Mae Llywodraeth Cymru wedi gweithio'n agos gyda Chomisiynydd Cenedlaethau'r Dyfodol ac Archwilydd Cyffredinol Cymru gydol y flwyddyn ar waith fel datblygu dull archwilio a methodoleg cyffredin ar gyfer archwiliadau llesiant cenedlaethau'r dyfodol ar draws cyrff gwasanaethau cyhoeddus, a chyflwyno "Flwyddyn yn Ddiweddarach" i Archwilydd Cyffredinol Cymru fel rhan o'r broses adrodd ar gynnydd hyd yn hyn.
- Cyhoeddwyd yr adroddiad Llesiant Cymru cyntaf gan y Prif Ystadegydd ym Medi 2017, gan ddefnyddio'r 46 dangosydd cenedlaethol statudol fel sail. Nid yw'r adroddiad blynyddol cyntaf hwn yn ymwneud â pherfformiad unrhyw sefydliad. Yn hytrach, mae'n adlewyrchu'r newidiadau cyfunol yng Nghymru gyfan.
- Cyhoeddwyd Adroddiad Tueddiadau'r Dyfodol ym Mai 2017 ac mae Grŵp Llywio Tueddiadau'r Dyfodol dan arweiniad Llywodraeth Cymru yn cyfarfod yn rheolaidd. Mae'n cynnwys cynrychiolwyr o swyddfa Comisiynydd Cenedlaethau'r Dyfodol a Chymdeithas Llywodraeth Leol Cymru. Mae'r adroddiad yn ceisio newid y ffordd o feddwl am gynllunio

hirdymor ac yn cymryd golwg ehangach ar draws portffolios y llywodraeth, gan ddod â thueddiadau amrywiol ynghyd ac ystyried y rhyng-gysylltiadau rhyngddynt.

- Mae cyfres o weithdai llesiant cenedlaethau'r dyfodol wedi'u datblygu a'u darparu ar y cyd gan Lywodraeth Cymru a WWF Cymru, rhan o brif sefydliad cadwraeth annibynnol y byd. Roedd y gweithdai'n dod ag uwch swyddogion Llywodraeth Cymru ac uwch gynrychiolwyr y trydydd sector a sefydliadau anllwydoraethol ynghyd. Roeddent yn nodi nifer o feysydd allweddol ar gyfer cynnydd yn cynnwys caffael, meithrin gallu a datblygu ac amrywiaeth o ffactorau eraill sy'n allweddol i sut y gellid cyflawni newid "Llywodraeth gyfan" systemig mewn ymateb i'r Ddeddf. Mae adroddiad yn cael ei gynhyrchu yn cwmpasu canlyniadau'r gweithdai hyn i fod yn sail ar gyfer gweithredu pellach.
- Mae Ysgrifennydd y Cabinet dros Gyllid wedi bod yn hyrwyddo dull mwy cydweithredol o gyflawni llesiant cenedlaethau'r dyfodol drwy'r broses gyllidebu a blaenoriaethu strategol ac wedi cynnal cyfarfodydd gyda chydweithwyr yn y cabinet i bwysleisio ei bwysigrwydd ar draws y llywodraeth. Mae hyn yn helpu i gryfhau cydweithio, ymgysylltu a chyfranogiad ar draws meysydd portffolio.
- Mae'r fersiwn ddrafft newydd o Bolisi Cynllunio Cymru'n rhoi'r cysyniad o 'greu lleoedd' yn ganolog i bolisi cynllunio cenedlaethol ac yn canolbwyntio ar sut y gall y system gynllunio helpu i wella llesiant pobl yng Nghymru a chyflawni ethos llesiant cenedlaethau'r dyfodol o fewn yr amgylchedd adeiledig. Yn ogystal, bydd y Fframwaith Datblygu Cenedlaethol yn gynllun defnydd tir cenedlaethol ac yn gwneud cyfraniad pwysig at gyflawni nodau llesiant dros gyfnod o 20 mlynedd.

Y Cabinet



Cyn Tachwedd 2017, y Cabinet a'r Gweinidogion oedd:

Y Gwir Anrhydeddus Carwyn Jones	Y Prif Weinidog
Jane Hutt	Arweinydd y Tŷ a'r Prif Chwip
Mark Drakeford	Ysgrifennydd y Cabinet dros Gyllid a Llywodraeth Leol
Vaughan Gething	Ysgrifennydd y Cabinet dros Iechyd, Llesiant a Chwaraeon
Lesley Griffiths	Ysgrifennydd y Cabinet dros yr Amgylchedd a Materion Gwledig
Carl Sargeant	Ysgrifennydd y Cabinet dros Gymunedau a Phlant
Ken Skates	Ysgrifennydd y Cabinet dros yr Economi a'r Seilwaith
Kirsty Williams	Ysgrifennydd y Cabinet dros Addysg
Alun Davies	Gweinidog y Gymraeg a Dysgu Gydol Oes
Rebecca Evans	Gweinidog Iechyd y Cyhoedd a Gwasanaethau Cymdeithasol
Julie James	Gweinidog Sgiliau a Gwyddoniaeth
Mick Antoniw	Y Cwnsler Cyffredinol

O fis Tachwedd 2017 y Cabinet a'r Gweinidogion yw:


Y Gwir Anrhydeddus Carwyn Jones	Y Prif Weinidog
Julie James	Arweinydd y Tŷ a'r Prif Chwip
Alun Davies	Ysgrifennydd y Cabinet dros Lywodraeth Leol a Gwasanaethau Cyhoeddus
Mark Drakeford	Ysgrifennydd y Cabinet dros Gyllid
Vaughan Gething	Ysgrifennydd y Cabinet dros Iechyd a Gwasanaethau Cymdeithasol
Lesley Griffiths	Ysgrifennydd y Cabinet dros Ynni, Cynllunio a Materion Gwledig
Ken Skates	Ysgrifennydd y Cabinet dros yr Economi a Thrafnidiaeth
Kirsty Williams	Ysgrifennydd y Cabinet dros Addysg
Hannah Blythyn	Gweinidog yr Amgylchedd
Huw Irranca-Davies	Y Gweinidog Plant, Gofal Cymdeithasol a Phobl Hŷn
Rebecca Evans	Y Gweinidog Tai ac Adfywio
Eluned Morgan	Gweinidog y Gymraeg a Dysgu Gydol Oes
Dafydd Elis Thomas	Y Gweinidog Diwylliant, Twristiaeth a Chwaraeon
Jeremy Miles	Y Cwnsler Cyffredinol

Gwariant Llywodraeth Cymru

Mae lefel y cyllid sydd ar gael ar gyfer gwariant cyhoeddus datganoledig yng Nghymru'n cael ei bennu drwy Adolygiadau Gwariant Llywodraeth y DU. Proses dan arweiniad y Trysorlys yw hon i ddyrannu adnoddau ar draws holl Adrannau

Llywodraeth y DU a'r Gweinyddiaethau Datganoledig. Mae addasiadau i lefel cyllid Cymru – rhai negyddol neu gadarnhaol – yn cael eu pennu drwy Fformiwla Barnett.


Gwariant Net yn 2017-18



Ffiniau Cyfrifyddu Llywodraeth Cymru 2017-18

O ystyried cwmpas y cyfrifoldebau datganoledig, mae Cyfrifon Llywodraeth Cymru ar gyfer 2017-18 yn cynnwys craidd Llywodraeth Cymru (Llywodraeth Cymru ei hun) a Grŵp Llywodraeth Cymru (cyfuno gyda Byrddau Iechyd Lleol GIG Cymru, Cyllid Cymru, Partneriaeth

Atebolrwydd Cyfyngedig Cronfa Buddsoddi Cymru mewn Adfywio, WG Holdco Ltd a Dewisiadau Gyrfa). Er bod Llywodraeth Cymru'n ariannu Ymddiriedolaethau GIG Cymru, Cyrff a Noddir gan Lywodraeth Cymru a Chyrff Comisiynwyr, nid ydynt wedi'u cyfuno yn y Cyfrifon Blynyddol.



Mantolen Llywodraeth Cymru

Mae Mantolen Llywodraeth Cymru, a ddisgrifir fel 'Datganiad o Sefyllfa Ariannol' yn y Cyfrifon, yn cynnwys tair prif eitem:

- Eiddo, peiriannau a chyfarpar – prisiad cyfredol yr ased Rhwydwaith Ffyrdd yn bennaf (£16 biliwn).
- Portffolio eiddo'r Byrddau Iechyd Lleol (£3 biliwn).
- Asedau ariannol – prisiad cyfredol llyfr Benthyciadau Myfyrwyr Cymru yn bennaf (£3 biliwn).

Rhwydwaith Ffyrdd

Fel yr awdurdod priffyrdd ar gyfer cefnffyrdd a thraffyrdd yng Nghymru, mae Llywodraeth Cymru'n uniongyrchol gyfrifol am gynnal a chadw, gweithredu a rheoli'r ased hwn sy'n werth £16 biliwn. Mae yna dros 75 milltir o draffordd a thros 1,000 milltir o gefnffordd. Mae elfennau

allweddol y rhwydwaith yn cynnwys pontydd, twneli, waliau cynnal a nenbontydd. Mae yna dros 3,700 o strwythurau o'r fath ar y rhwydwaith traffyrdd a chefnffyrdd ledled Cymru gyda gwerth amcangyfrifedig o tua £4.8 biliwn. Mae yna bum twnnel ffordd ar y rhwydwaith yng Nghymru.

Portffolio eiddo'r Byrddau Iechyd Lleol

Mae seilwaith y GIG yn cynnwys tir ac adeiladau, ac asedau ffisegol arwyddocaol eraill hefyd yn cynnwys cerbydau, cyfarpar meddygol, cyfarpar a seilwaith Technoleg Rheoli Gwybodaeth. Mae'r ased cyfunol yn werth £3.1 biliwn, ac mae hyn yn cwmpasu pob lleoliad gofal iechyd yn cynnwys gofal aciwt, gofal sylfaenol a gofal cymunedol. Mae gan y GIG 22 o brif safleoedd

ysbytai ledled Cymru sy'n cael eu gweithredu gan y byrddau iechyd lleol er bod tua 22 o safleoedd ysbytai llai. Mae ystad y Byrddau Iechyd Lleol yn cynnwys yn bennaf adeiladau sy'n werth dros £2.3 biliwn, tir sy'n werth £0.3 biliwn, cyfarpar sy'n werth £0.3 biliwn ac asedau sydd wrthi'n cael eu hadeiladu gwerth £0.2 biliwn.

Llyfr Benthyciadau Myfyrwyr

Mae gan Weinidogion Cymru ddyletswydd gyfreithiol i ddarparu cymorth ariannol i fyfyrwyr o Gymru sy'n astudio cyrsiau addysg uwch yn y DU. Mae costau'n dibynnu ar alw ac yn gallu amrywio. At ddibenion cyllidebu, amcangyfrifir cost darparu benthyciadau myfyrwyr drwy

ddefnyddio model rhagweld. Bydd dadansoddiad sensitifrwydd yn cael ei gynnal i fesur effaith newidiadau mewn rhagdybiaethau modelu allweddol (er enghraifft, niferoedd myfyrwyr). Mae hyn yn unol â chanllawiau safonol Trysorlys EM.

Y Trefniadau Pontio Ewropeaidd

Mae tîm y Trefniadau Pontio Ewropeaidd yn arwain y gwaith o ddatblygu polisi strategol ac yn cydgysylltu gwaith Llywodraeth Cymru ar ymadawiad y DU â'r UE. Mae'r tîm yn parhau i weithio'n agos â thîm Llywodraeth Cymru ym Mrwsel a chydag adrannau Whitehall.

- Mae'r Grŵp Cyngori Ewropeaidd allanol yn cyngori Llywodraeth Cymru ar sut bydd ymadawiad y DU â'r UE yn effeithio ar Gymru.
- Mae Is-bwyllgor y Cabinet ar y Trefniadau Pontio Ewropeaidd yn darparu cyfeiriad strategol ac yn sicrhau bod penderfyniadau

polisi allweddol yn cael eu cymryd i sicrhau'r canlyniad gorau i bobl Cymru wrth i'r DU adael yr UE.

- Mae Grŵp Swyddogion Trefniadau Pontio Ewropeaidd Llywodraeth Cymru, grŵp trawsadrannol, yn cefnogi Is-bwyllgor y Cabinet ar y Trefniadau Pontio Ewropeaidd.
- Mae'r ymgysylltu rhwng Llywodraeth y DU a'r llywodraethau datganoledig yn parhau drwy drefn gyfredol Cydbwyllgor y Gweinidogion a chyswllt uniongyrchol ar lefelau swyddogion.

Mae tîm y Trefniadau Pontio Ewropeaidd yn hyrwyddo buddiannau a blaenoriaethau strategol a nodwyd yn y Papur Gwyn, 'Diogelu Dyfodol Cymru' (Ionawr 2017), ac mae'r gwaith hyd yn hyn wedi arwain at y dogfennau polisi canlynol:

- 'Brexit a Datganoli' – glasbrint i waith adnewyddu cyfansoddiadol mawr yn y DU i ymateb i heriau Brexit ar gyfer y gwledydd datganoledig a llywodraethu'r DU yn y dyfodol (15 Mehefin 2017).
- 'Brexit a Thegwch o ran Symudiad Pobl' – mwy o fanylion a thystiolaeth i gefnogi cynigion ar gyfer polisi mudo'r dyfodol (7 Medi 2017).
- 'Buddsoddi Rhanbarthol yng Nghymru ar ôl Brexit' – datblygu syniadau ar ddyfodol polisi buddsoddi rhanbarthol yng Nghymru (14 Rhagfyr 2017).
- 'Y Polisi Masnach: materion Cymru' – mynd i'r afael â'r prif faterion i'w hystyried wrth i'r DU ddatblygu cysylltiadau masnachu'r dyfodol gyda'r UE a gweddill y byd (2 Chwefror 2018).

Mae'r datganiadau polisi i'w gweld yn: www.beta.llyw.cymru/brexit

Ym mis Gorffennaf 2017, cyhoeddodd Llywodraeth y DU Fil yr Undeb Ewropeaidd (Ymadael) (y Bil Diddymu Mawr gynt), i drosi cyfraith yr UE yn gyfraith ddomestig adeg gadael yr UE. Datganodd Llywodraeth Cymru yn glir nad oedd y Bil fel ag yr oedd yn dderbyniol ac ar ôl misoedd o drafodaethau dwys, cyhoeddwyd ar 24 Ebrill 2018 bod Llywodraeth Cymru wedi sicrhau newidiadau sylweddol i'r Bil a oedd yn diogelu datganoli. Fel rhan o gytundeb rhynglywodraethol ehangach, daeth Gweinidogion Cymru i gytundeb â Llywodraeth y DU ar y Bil arfaethedig gan sicrhau y bydd meysydd sydd eisoes wedi'u datganoli yn parhau i fod felly. Mae gwaith yn parhau gyda Llywodraeth y DU, Gweithrediaeth Gogledd Iwerddon a Llywodraeth yr Alban i ddatblygu fframweithiau cyffredin ar gyfer meysydd polisi sy'n gweithredu o dan reoliadau'r UE ar hyn o bryd i sicrhau cydgysylltu effeithiol ledled y DU ar faterion o ddiddordeb cyffredin.

Tra bod trafodaethau'n mynd yn eu blaen gyda Llywodraeth y DU, amlinellodd Llywodraeth Cymru gynlluniau i gyflwyno Bil Brys i ddiogelu datganoli, a arferai gael ei alw yn Fil Cyfraith sy'n Deillio o'r Undeb Ewropeaidd (Cymru). Fodd bynnag, yn dilyn newidiadau i Fil yr Undeb Ewropeaidd (Ymadael) a'r cytundeb rhynglywodraethol, mae Llywodraeth

Cymru wedi cytuno i gymryd camau i ddiddymu'r Bil Cyfraith sy'n Deillio o'r Undeb Ewropeaidd (Cymru).

Ar 8 Ionawr 2018, lansiwyd Cronfa Bontio'r UE. Gyda chefnogaeth gychwynnol o £50 miliwn, bydd yn cael ei datblygu mewn partneriaeth â busnesau, gwasanaethau cyhoeddus a sefydliadau allweddol eraill yng Nghymru, i ddarparu cymorth wedi'i deilwra wrth i'r DU baratoi i adael yr UE. Bydd y gronfa'n darparu cyfuniad o gymorth ariannol a benthyciadau ac, yn arbennig, bydd yn cefnogi'r gwaith o ddarparu cyngor technegol, masnachol, sector-benodol a chysylltiedig ag allforio i fusnesau. Bydd yn canolbwyntio ar gefnogi prosiectau strategol ac arloesol.

Dylai parhau i bwyso ar Lywodraeth y DU fod yn flaenoriaeth er mwyn osgoi bargaen wael i Gymru, yn enwedig wrth i ail gam y trafodaethau gychwyn ar y berthynas â'r UE yn y dyfodol, a fydd yn cynnwys ystyried amrywiaeth eang o faterion datganoledig.

Fel rhan o fenter Diogelu'r Dyfodol yr Ysgrifennydd Parhaol, mae'r sefydliad yn ystyried yn ofalus rolau a chyfrifoldebau a'r set sgiliau angenrheidiol i ddiwallu anghenion Cymru wrth i'r DU adael yr UE.

Cymru ddatganoledig

Newidiodd Deddf Cymru 2017 y dirwedd ddatganoledig yng Nghymru, yn enwedig y newid i fodel cadw pwerau o ddatganoli. Daeth y setliad datganoli newydd i rym ar 1 Ebrill 2018 a bellach gall Cynulliad Cenedlaethol Cymru ddeddfu ar unrhyw bwnc nad yw wedi'i gadw i Senedd y DU. Mae hyn yn cysoni setliad datganoli Cymru â systemau datganoli'r Alban a Gogledd Iwerddon.

Yn ogystal â diwygio cymhwysedd deddfwriaethol y Cynulliad, mae Deddf Cymru 2017 yn gwella pwerau gweithredol Gweinidogion Cymru mewn nifer o feysydd polisi, yn cynnwys pwerau newydd

dros etholiadau, dŵr, trafnidiaeth ac ynni, a chreu swydd newydd Llywydd Tribiwnlysoedd Cymru. Trosglwyddwyd rhagor o bwerau gweithredol drwy Orchymyn Gweinidogion Cymru (Trosglwyddo Swyddogaethau) 2018 a Gorchymyn Gweinidogion Cymru (Trosglwyddo Swyddogaethau) (Rheilffyrdd) 2018. Roedd y rhain yn cyd-fynd â gweithredu prif ddarpariaethau Deddf Cymru ac yn rhoi amrywiaeth o bwerau newydd i Weinidogion Cymru mewn meysydd fel etholiadau, argyfyngau sifil, cyflogau ac amodau athrawon a rheilffyrdd.

Biliau'r Cynulliad a dderbyniodd Gydsyniad Brenhinol yn 2017-18

Deddf Anghenion Dysgu Ychwanegol a'r Tribiwnlys Addysg (Cymru) 2018

Cyflwynwyd Deddf Anghenion Dysgu Ychwanegol a'r Tribiwnlys Addysg (Cymru) 2018 yn Rhagfyr 2016 a derbyniodd Gydsyniad Brenhinol yn Ionawr 2018. Mae'n sefydlu'r system statudol yng Nghymru ar gyfer diwallu anghenion dysgu ychwanegol (ADY) plant a phobl ifanc 0-25 oed drwy gyrff llywodraethu ysgolion, sefydliadau addysg bellach ac awdurdodau lleol. Bydd cynlluniau datblygu unigol ar gyfer plant a phobl ifanc ag ADY yn disgrifio'r ddarpariaeth ddysgu ychwanegol sydd ei hangen, a chan ba ddarparwr, yn cynnwys gan gyrff iechyd lle bo'n berthnasol. Gwneir darpariaeth arbennig ar gyfer grwpiau penodol, er enghraifft, plant sy'n derbyn gofal. Bydd y Ddeddf a'r system mae'n ei chreu'n disodli'r deddfwriaeth a'r trefniadau ar wahân sy'n bodoli ar hyn o bryd ar gyfer plant ag anghenion addysgol arbennig, a phobl

ifanc ag anawsterau a/neu anabledau dysgu. Mae'r Ddeddf yn parhau â Thribiwnlys Anghenion Addysgol Arbennig Cymru ac yn ei ailenwi'n Dribiwnlys Addysg Cymru.

Bil Diddymu'r Hawl i Brynu a Hawliau Cysylltiedig (Cymru) 2018

Derbyniodd y Bil Diddymu'r Hawl i Brynu a Hawliau Cysylltiedig (Cymru) Gydsyniad Brenhinol ar 24 Ionawr 2018. Bydd yr Hawl i Brynu a'r Hawl i Gaffael yn dod i ben yng Nghymru ar 26 Ionawr 2019. Ar hyn o bryd, gall rhai tenantiaid cymdeithasol arfer yr hawliau hyn i brynu eu cartrefi gan eu landlord am bris gostyngol. Bydd dileu'r hawl i brynu yn diogelu'r stoc tai cymdeithasol ar gyfer cenedlaethau'r dyfodol ac yn annog adeiladu stoc newydd o dai cymdeithasol heb y risg iddynt gael eu gwerthu o fewn cyfnod byr.

Cyflwynwyd y Biliau canlynol i'r Cynulliad gan Lywodraeth Cymru:

Bil Rheoleiddio Landlordiaid Cymdeithasol Cofrestredig (Cymru)

Cyflwynwyd Bil Rheoleiddio Landlordiaid Cymdeithasol Cofrestredig (Cymru) i'r Cynulliad ar 16 Hydref 2017. Ers y cyfnod adrodd, mae'r Ddeddf wedi derbyn Cydsyniad Brenhinol ar 13 Mehefin 2018. Mae'n diwygio neu'n dileu'r pwerau y mae'r Swyddfa Ystadegau Gwladol o'r farn eu bod yn dangos rheolaeth gan lywodraeth ganolog a lleol dros Landlordiaid Cymdeithasol Cofrestredig. Mae'r newidiadau hyn yn galluogi'r Swyddfa i ailddosbarthu'r Landlordiaid fel sefydliadau sector preifat ar gyfer cyfrifon cenedlaethol ac ystadegau economaidd eraill y Swyddfa.

Bil Iechyd y Cyhoedd (Isafbris am Alcohol) Cymru

Cyflwynwyd Bil Iechyd y Cyhoedd (Isafbris am Alcohol) (Cymru) gerbron Cynulliad Cenedlaethol Cymru ar 23 Hydref 2017 ac, adeg ysgrifennu'r adroddiad hwn, mae wedi cyrraedd trydydd cam y broses ddeddfwriaethol. Os caiff ei basio gan y Cynulliad, bydd y Bil yn nodi isafbris ar gyfer gwerthu a chyflenwi alcohol yng Nghymru gan werthwyr alcohol ac yn ei gwneud hi'n drosedd gwerthu neu gyflenwi alcohol am lai na'r pris hwnnw.

Nod y Bil yw mynd i'r afael â phryderon Llywodraeth Cymru am y niwed i iechyd a achosir wrth yfed gormod o alcohol. Yn arbennig, mae'r Bil yn targedu diogelu iechyd yfwyr peryglus a niweidiol (yn cynnwys pobl ifanc) sy'n dueddol o yfed mwy o ddiodydd rhad sy'n cynnwys llawer o alcohol.

Bil Cyllido Gofal Plant (Cymru)

Yn fuan ar ôl diwedd y cyfnod adrodd yn Ebrill 2018, cyflwynwyd Bil Cyllido Gofal Plant (Cymru). Mae'r Bil yn rhoi'r pŵer i Weinidogion Cymru ddarparu cyllid ar gyfer gofal plant i blant cymwys rhieni sy'n gweithio ac i lunio rheoliadau am drefniadau gweinyddu a gweithredu cyllid o'r fath. Bydd y Bil yn gofyn i ymgeiswyr ddarparu gwybodaeth er mwyn gallu asesu eu cymhwysedd i gael y cyllid a bydd yn gwneud darpariaeth a fydd yn galluogi adrannau perthnasol o Lywodraeth y DU i rannu gwybodaeth â Gweinidogion Cymru at ddibenion penderfynu a yw ymgeisydd yn gymwys ai peidio. Mae'r llwybrau rhannu data hyn yn rhan annatod o'r broses lle gall rhieni cymwys ymgeisio am gyllid a darparu tystiolaeth o'u cymhwysedd drwy system ddigidol yn bennaf.

Ystyried yr achos am dreth newydd i Gymru

Roedd Deddf Cymru 2014 yn datganoli amrywiaeth o bwerau trethu a benthyg i Gynulliad Cenedlaethol Cymru a Llywodraeth Cymru. Roedd y rhain yn cynnwys rhoi'r gallu i Lywodraeth Cymru greu trethi hollol newydd i Gymru, yn amodol ar gytundeb Cynulliad Cenedlaethol Cymru a dau Dŷ'r Senedd.

Yn haf 2017, cyhoeddodd Ysgrifennydd y Cabinet dros Gyllid y byddai'n ystyried yr achos dros ddatblygu treth newydd i Gymru. Yn ystod yr wythnosau canlynol, derbyniodd Llywodraeth Cymru ddwsinau o lythyrau ac e-byst gan aelodau'r cyhoedd, tra bod cannoedd o ymatebion pellach wedi'u rhoi ar y cyfryngau cymdeithasol. Ym mis Hydref, ar ôl ystyried mwy na 60 o gynigion, cyhoeddodd yr Ysgrifennydd Cyllid restr fer o bedwar syniad y gellid dewis treth newydd o'u plith:

- Heriau mwy hirdymor i ariannu gofal cymdeithasol: ystyried ysgogiadau ariannol posibl yn cynnwys trethi i gefnogi darpariaeth gofal cymdeithasol yng Nghymru.
- Treth genedlaethol ar dir gwag: ystyried effeithlonrwydd treth i gyflawni amcan polisi Llywodraeth Cymru i wneud defnydd cynhyrchol o dir a nodwyd fel tir addas i'w ddatblygu.
- Treth ar ddeunydd plastig untro i gyflawni amcanion amgylcheddol: ystyried opsiynau ar gyfer treth neu ardoll ar ddeunydd plastig untro i helpu Llywodraeth Cymru i gyflawni ei thargedau lleihau ac ailgylchu gwastraff.
- Treth dwristiaeth i gefnogi busnesau lleol: ystyried darpariaethau ar gyfer pwerau caniatol ar gyfer trethi llywodraeth leol.

Treth ar dir gwag

Bydd Llywodraeth Cymru yn datblygu'r syniad hwn i brofi pwerau treth newydd Deddf Cymru 2014.

Ysgrifennwyd y 20 Ionawr 2018

#TrethiCymru

@TrysorlysCymru



Llywodraeth Cymru
Welsh Government

Ar ôl ystyried y cynigion ymhellach, yn cynnwys trafodaethau cychwynnol â grwpiau rhanddeiliaid a phleidlais anffurfiol ar y cyfryngau cymdeithasol, cyhoeddodd yr Ysgrifennydd Cyllid ym mis Chwefror 2018 y byddai'n mynd ar drywydd treth ar dir gwag gyda Llywodraeth y DU.

Cadarnhaodd yr Ysgrifennydd Cyllid hefyd y byddai gwaith pellach yn parhau ar y tri syniad arall ar amserlenni gwahanol. O ran gofal cymdeithasol, sefydlwyd grŵp rhyngweiniogol, dan gadeiryddiaeth y Gweinidog Gofal Cymdeithasol a Phlant, i ystyried yr opsiynau – yn cynnwys trethi – ymhellach. O ran y deunyddiau plastig untro, mae Llywodraeth Cymru'n gweithio gyda Llywodraeth y DU wrth iddi ystyried mesurau trethu posibl yn y DU gan ddefnyddio ymatebion i'r alwad ddiweddar am dystiolaeth ar ddeunydd plastig untro, gan barhau hefyd i ystyried yr

achos am dreth i Gymru. O ran treth dwristiaeth, bydd Llywodraeth Cymru'n ystyried yn y tymor hir a ddylai hwn fod yn opsiwn i lywodraeth leol.

Mae'r broses y cytunodd Llywodraethau Cymru a'r DU arni ar gyfer creu treth newydd i Gymru yn un newydd i'r DU. Bydd yn cynnwys dau gam – yn gyntaf, bydd rhaid i ddau dŷ'r Senedd a'r Cynulliad gytuno ar ddatganoli cymhwysedd, ac yn ail bydd rhaid i Lywodraeth Cymru gyflwyno cynigion polisi a deddfwriaethol i'r Cynulliad.

Bydd angen ymgynghoriad cyhoeddus trwyadl i sicrhau bod y dreth tir gwag wedi'i chynllunio i gyflawni'r hyn a ddisgwylir, heb ganlyniadau negyddol anfwriadol. Yn y cyfamser, bydd Llywodraeth Cymru'n gweithio'n gynyddol â rhanddeiliaid i sicrhau eu barn a thystiolaeth, ac i sicrhau eu bod yn cael clywed am gynnydd.

Y broses o ddatblygu treth newydd i Gymru



Cam 1



Nodi mater sy'n effeithio ar Gymru y gall treth newydd fynd i'r afael ag ef

Cam 2



Asesu gwybodaeth a siarad â phobl a sefydliadau â buddiant (bydd hyn yn parhau drwy gydol y broses)

Cam 3



Sicrhau bod y pwerau angenrheidiol yn cael eu trosglwyddo o Senedd y DU i'r Cynulliad Cenedlaethol, a fydd yn cynnwys deddfwriaeth rhyngddynt

Cam 4



Llunio'r dreth newydd, gan gynnwys trefniadau casglu a gweinyddu, a chyhoeddi ymgynghoriad cyhoeddus

Cam 5



Deddfu ar gyfer y dreth newydd yn y Cynulliad Cenedlaethol

Cam 6



Datblygu canllawiau i drethdalwyr a chyflwyno'r dreth



Awdurdod Cyllid Cymru Welsh Revenue Authority

Sefydlwyd Awdurdod Cyllid Cymru yn Hydref 2017 a dechreuodd gasglu'r trethi datganoledig – y dreth trafodiadau tir a'r dreth gwarediadau tirlenwi – ar 1 Ebrill 2018. Mae'r Awdurdod yn adran anweinidogol o Lywodraeth Cymru ac mae ei fwrdd yn cynnwys pum cyfarwyddwr anweithredol a Chadeirydd.

- Mae'r 17 o weithredwyr safleoedd tirlenwi cofrestredig swyddogol yng Nghymru nawr wedi cofrestru ar gyfer treth gwarediadau tirlenwi gyda'r Awdurdod. Ar 3 Ebrill 2018, cyflwynwyd y ffurflenni a'r taliadau cyntaf ar gyfer y dreth gwarediadau tirlenwi yn llwyddiannus i'r Awdurdod gan ddefnyddio ei system drethi ddigidol ar-lein.
- Cyhoeddwyd Siarter yr Awdurdod ar 29 Mawrth 2018 a'i Gynllun Corfforaethol ddiwedd Ebrill. Mae'r Siarter a'r Cynllun Corfforaethol yn nodi dull partneriaeth yr Awdurdod i weithio gyda threthdalwyr a'u cynrychiolwyr a sut y byddant yn cydweithio i alluogi pobl i dalu'r swm priodol o dreth ar yr adeg gywir.
- Bydd gan yr Awdurdod tua saith deg o staff yn ystod ei flwyddyn gyntaf o weithredu. Mae'r rhain yn perthyn i 14 proffesiwn gwahanol yn cynnwys y proffesiynau cyfreithiol, treth, data, digidol, ariannol a chyfathrebu.

Yn ogystal â chasglu a gweinyddu trethi newydd Cymru, bydd yr Awdurdod yn:

- darparu gwybodaeth, cyngor a chymorth am drethi datganoledig i Weinidogion Cymru ac i drethdalwyr a'u hasiantiaid;
- galluogi threthdalwyr a'u hasiantiaid i dalu'r swm priodol o dreth ar amser, y tro cyntaf;
- gweithio gyda threthdalwyr a'u hasiantiaid i ddatrys cwynion ac anghydfodau;
- galluogi cydymffurfiaeth a lleihau achosion o efadu trethi ac osgoi talu trethi;
- cynorthwyo gyda datblygu polisi trethi Llywodraeth Cymru.

Y gwasanaeth sifil

Y gwasanaeth sifil yw'r weinyddiaeth anwleidyddol sy'n cefnogi Prif Weinidog, Ysgrifenyddion Cabinet a Gweinidogion Llywodraeth Cymru. Cryfderau craidd y gwasanaeth sifil – amhleidioldeb

gwleidyddol; gweinyddiaeth effeithlon; llywodraethu da a rheoli arian cyhoeddus yn gadarn – darparu sylfaen gadarn i gefnogi Llywodraeth Cymru.

Staff Llywodraeth Cymru

Mae gan wasanaeth sifil Llywodraeth Cymru 5015 o staff mewn swyddfeydd ledled Cymru a thu hwnt.

Swyddfeydd Llywodraeth Cymru

Yn Ebrill 2018, roedd yna:

28 eiddo

yn cynnwys **21** swyddfa a **7** safle nad yw'n swyddfa o gymharu â 2010 pan roedd yna **75** eiddo – **65** swyddfa a **10** safle nad yw'n swyddfa.

Mae Strategaeth Leoli 2015-20 yn parhau i leoli'r ystad ar draws 5 ardal ddaearyddol yng Nghymru a swyddfa ychwanegol yn Llundain.

Mae'r Strategaeth yn rhoi'r potensial i leihau cyfanswm yr eiddo i **24** gydag arbedion gros amcangyfrifedig o £3.46 miliwn ac arbedion o £2.52 miliwn mewn costau rhedeg blynyddol.



Gweinyddu ariannol

Mae uchafbwyntiau gweinyddu ariannol yn ystod y cyfnod adrodd yn cynnwys:



90,106

o anfonebau wedi'u talu gyda chyfanswm gwerth o **£897 miliwn** a **95%** wedi'u talu o fewn **10** diwrnod.



373 o gynlluniau grantiau wedi'u gweinyddu, cyfanswm o

£14.3bn

44% o wariant caffael Llywodraeth Cymru ym mlwyddyn ariannol 2017-2018 yn wariant gyda chwmnïau o Gymru.

Uwch dîm arwain

Yr Ysgrifennydd Parhaol yw pennaeth y sefydliad a phrif was sifil Cymru. Mae staff yn gweithio mewn un o bum Grŵp dan arweiniad yr Ysgrifennydd Parhaol a phedwar Cyfarwyddwr Cyffredinol.



Andrew Goodall

Andrew yw Cyfarwyddwr Cyffredinol y Grŵp Iechyd a Gwasanaethau Cymdeithasol a Phrif Weithredwr GIG Cymru. Mae'r Grŵp yn gyfrifol am arweinyddiaeth a rheolaeth strategol y GIG yng Nghymru ac yn gyfrifol am warchod arian y GIG yn gadarn drwy saith Bwrdd Iechyd Lleol a 3 Ymddiriedolaeth GIG sy'n atebol yn uniongyrchol i'r Gweinidog Iechyd a Gwasanaethau Cymdeithasol drwy Brif Weithredwr GIG Cymru a'r Cyfarwyddwr Cyffredinol. Andrew yw uwch hyrwyddwr y Rhwydwaith Staff Lleiafrifoedd Ethnig hefyd.

Des Clifford

Des yw Cyfarwyddwr Cyffredinol Swyddfa'r Prif Weinidog a Grŵp Brexit sy'n darparu gwasanaethau i'r Prif Weinidog, Ysgrifennyddion y Cabinet a Gweinidogion, yn cynnwys gwasanaethau cyfathrebu, gwasanaethau cyfreithiol, materion cyfansoddiadol a chysylltiadau rhynglywodraethol, Swyddfa Cyllid Ewropeaidd Cymru, Brexit, Swyddfa'r Cabinet, busnes y Cabinet a'r Llywodraeth ac agenda ryngwladol y Llywodraeth. Des yw uwch hyrwyddwr y rhwydwaith staff Symudedd Cymdeithasol a Hyrwyddwr Cymraeg y Bwrdd hefyd.

Shan Morgan

Mae Shan yn arwain y sefydliad cyfan a Grŵp yr Ysgrifennydd Parhaol sy'n cynnwys Trysorlys Cymru a'r adrannau Cyllid, Llywodraethiant ac Adnoddau Dynol. Mae'r Grŵp yn canolbwyntio ar ddatblygu sefydliad hyderus, galluog a chadarn yn ogystal â darparu cyngor proffesiynol i Weinidogion a gweddill y sefydliad. Shan yw uwch hyrwyddwr y rhwydwaith staff Ymwybyddiaeth a Chymorth Anabledd hefyd.

Tracey Burke

Tracey yw Cyfarwyddwr Cyffredinol y Grŵp Addysg a Gwasanaethau Cyhoeddus. Mae portfolio'r Grŵp yn cynnwys: addysg, llywodraeth leol, cymunedau, tai ac adfywio. Mae gwaith y Grŵp yn cynnwys trechu tlodi a digartrefedd, creu mwy o gydraddoldeb, diogelwch cymunedol a chydlyniant, a sicrhau bod pobl agored i niwed yn cael eu diogelu ac yn cael y cymorth angenrheidiol. Yn ogystal â phennu'r agenda polisi ehangach ar gyfer awdurdodau llywodraeth leol yng Nghymru, mae'r Grŵp yn arwain rhaglen o ddiwygiadau ym myd addysg ac mewn llywodraeth leol. Tracey yw uwch hyrwyddwr y rhwydwaith staff Menywod Ynghyd hefyd.

Andrew Slade

Andrew yw Cyfarwyddwr Cyffredinol Grŵp yr Economi, Sgiliau a Chyfoeth Naturiol. Mae'r Grŵp yn gyfrifol am greu economi gref, cyflawni'r Cynllun Gweithredu ar yr Economi, datblygu system drafnidiaeth o'r radd flaenaf a chreu Cymru hynod addysgedig a hynod fedrus sydd â chyfraddau cyflogaeth uchel. Mae'r Grŵp hefyd yn gyfrifol am reoli'n hadnoddau naturiol yn gynaliadwy, goruchwyllo system gynllunio Cymru, cefnogi'r gwaith o reoli'n sectorau amaethyddiaeth a bwyd a'u gallu i gystadlu a sicrhau iechyd a lles anifeiliaid yn ogystal â gweithredu polisi datblygu cynaliadwy. Andrew yw uwch hyrwyddwr PRISM, y rhwydwaith staff ar gyfer cyfeiriadedd rhywiol a hunaniaeth rhywedd, hefyd.

Perfformiad gweinyddol

Nod y sefydliad yw bod yn dryloyw, hygyrch ac effeithlon wrth weinyddu. Mae uchafbwyntiau perfformiad yn ystod y cyfnod adrodd yn cynnwys:

- Yn 2017/18 roedd cyfanswm o **14032** darn o ohebiaeth Weinidogol (Gweinidogol ac l’w Drin yn Swyddogol). Atebwyd 88.9% o fewn yr amser gofynnol sef 17 diwrnod gwaith.
- **932** o geisiadau Rhyddid Gwybodaeth wedi’u derbyn gyda 782 (85%) wedi derbyn ymateb o fewn yr amserlen statudol.
- **73,724** o alwadau ffôn wedi’u derbyn gan y Ganolfan Cyswllt Cyntaf.
- **106** o gwynion wedi derbyn sylw o dan bolisi Cwyno Llywodraeth Cymru – 65 heb eu cadarnhau, 21 wedi’u cadarnhau yn rhannol a 20 wedi’u cadarnhau. Mae hyn yn ostyngiad o 21% ar nifer y cwynion a dderbyniwyd yn y cyfnod adrodd blaenorol. Cyflwynwyd 69% o ymatebion o fewn yr amser gofynnol.

Caeodd Ombwdsmon Gwasanaethau Cyhoeddus Cymru **43** o gwynion yn ymwneud â Llywodraeth Cymru yn 2016-17 – gweler dadansoddiad yn ôl canlyniadau isod. Mae rhagor o fanylion i’w cael yn ei Adroddiad Blynyddol a Chyfrifon sydd ar ei wefan. Nid yw ffigurau 2017-18 wedi’u cyhoeddi eto.

Y tu allan i’r awdurdodaeth	Cynamserol	Achosion ‘eraill’ a gaewyd ar ôl ystyriaeth gychwynnol	Datrys yn gynnar/ Setliad gwirfoddol	Adroddiad Arall wedi’i Gadarnhau – yn gyfan neu’n rhannol	Cyfanswm Achosion a Gaewyd
9	9	20	1	4	43

Gweithredu Safonau’r Gymraeg

Yn y misoedd ers i Safonau’r Gymraeg ddod i rym yn 2016 mae Llywodraeth Cymru wedi ymateb yn gadarnhaol i’r fframwaith newydd. Mae’r gofynion wedi’u hymgorffori mewn arferion gwaith bob dydd, ac mae cwsmeriaid a rhanddeiliaid yn gynyddol ymwybodol o’r cyfleoedd sydd ar

gael iddynt ymwneud â Llywodraeth Cymru’n ddwyieithog. Mae’r Gymraeg i’w gweld a’i chlywed fwyfwy ledled Llywodraeth Cymru. Yn ystod y cyfnod adrodd nesaf bydd gwaith yn parhau i hyrwyddo a hwyluso’r iaith ymhellach yn fewnol yn y sefydliad.

Diogelu'n sefydliad i'r dyfodol

Mae menter Diogelu'r Dyfodol yr Ysgrifennydd Parhaol yn ddull hirdymor i feithrin gallu a sgiliau gwasanaeth sifil Llywodraeth Cymru i gefnogi'r gwaith o gyflawni Ffyniant i Bawb.

Mae diogelu'r dyfodol yn canolbwyntio ar bedwar maes allweddol:

Sut rydym yn gweithio – sicrhau bod ein ffyrdd o weithio, perfformiad a chynllunio datblygiadau yn cyd-fynd â blaenoriaethau'r Cabinet yn Ffyniant i Bawb: y strategaeth genedlaethol a busnes hanfodol a statudol y Llywodraeth.

Sut rydym yn arwain – cefnogi arweinwyr cydweithredol, cynhwysol a hyblyg sy'n gallu ysgogi, datblygu a grymuso timau ac unigolion sy'n cyflawni'n dda.

Sut rydym yn dysgu – datblygu gweithlu galluog a gwydn sy'n gallu addasu ac sy'n barod am y dyfodol yn ogystal â'r swyddi sydd eu hangen heddiw.

Sut rydym yn cyflawni – creu dull cadarn a datblygiadol o reoli perfformiad sy'n helpu pobl i ragori a system ddatblygu deg a chyfiawn sy'n darparu'r arweinwyr, rheolwyr ac arbenigwyr y bydd y sefydliad eu hangen yn y dyfodol.



Ers lansio Diogelu'r Dyfodol ym Mehefin 2017, cyflwynwyd nifer o welliannau eisoes, gyda'r canlynol yn eu plith:

- Cymerodd bron pob tîm yn y sefydliad ran mewn diwrnod datblygu Diogelu'r Dyfodol i edrych ar flaenoriaethau eu tîm a beth fyddant ei angen i'w cyflawni. Coladwyd a dadansoddwyd adborth o'r sesiynau hyn i helpu i lywio cynlluniau gweithlu, gallu a dysgu a datblygu corfforaethol.
- Cymerodd dros 2000 o bobl ran mewn gweithdai a digwyddiadau ledled Cymru i edrych ar ddau faes allweddol o waith Diogelu'r Dyfodol – rheoli perfformiad a pharatoi ac asesu pobl am ddyrchafiad. O ganlyniad i'r sesiynau hyn, datblygwyd dull newydd o reoli perfformiad yn cynnwys sgysiau mwy rheolaidd mewn amser real ynglŷn â pherfformiad sy'n canolbwyntio ar flaenoriaethau busnes wrth edrych tua'r dyfodol a'r cryfderau a'r datblygiad sydd eu hangen ar bobl i'w cyflawni. Cyflwynwyd y dull hwn ym mis Gorffennaf 2018. Mae system ddyrchafiadau newydd yn cael ei chyflwyno hefyd, un sy'n seiliedig ar ddealltwriaeth gadarn o'r gallu a'r rolau y mae'r sefydliad eu hangen yn awr ac yn y dyfodol ac sy'n gwobrwyo'r ymddygiad a'r sgiliau a werthfawrogir gan Lywodraeth Cymru.
- Ers mis Medi, mae pob uwch reolwr wedi cael cyfle i gymryd rhan mewn sesiynau Dyfodol-Tanio-Cyflawni gyda'i sefydlydd, Steve Radcliffe. Mae'r dull arwain uchel ei barch hwn yn canolbwyntio ar ddatblygu arweinyddiaeth a chydweithredu gwell ar bob lefel ac yn sail i ddull newydd y sefydliad o reoli perfformiad yn barhaus.
- Lansiodd y Rhaglen Profiadau Tymor Byr i gynnig ffordd fwy anffurfiol a hyblyg o gael blas ar feysydd eraill yn y sefydliad drwy gyfres o gyfleoedd tymor byr – fel gweithio mewn tîm arall am gyfnod cyfyngedig neu helpu tîm i gyflawni prosiect penodol. Yn ogystal â darparu profiadau dysgu ar draws Llywodraeth Cymru, bydd cyfleoedd yn cael eu cynnig gyda sefydliadau eraill o'r sectorau cyhoeddus a phreifat a'r trydydd sector yn ddiweddarach eleni.
- Bu rhaglen gyffrous o siaradwyr rhyngwladol o fri yn rhannu syniadau mewn digwyddiadau TEDx annibynnol, arloesol ac ysbrydoledig. Cynhaliwyd dau ohonynt hyd yn hyn – un ar faterion polisi ac un ar faterion digidol – mae rhagor o ddigwyddiadau i'w trefnu yn nes ymlaen yn y flwyddyn.

Digidol, Data a TGCh

Mae gwella arweinyddiaeth, sgiliau, gallu a gwasanaethau digidol yn un o feysydd blaenoriaeth Llywodraeth Cymru.

Mae portffolio Arweinydd y Tŷ a'r Prif Chwip, Julie James, yn cynnwys seilwaith digidol, cynhwysiant digidol a thrawsnewid gwasanaethau digidol ar gyfer sector cyhoeddus Cymru.

Mae'n cadeirio Grŵp Digidol a Data Gweinidogol sy'n cynnwys uwch swyddogion o wahanol adrannau Llywodraeth Cymru ac yn arwain ar gyflawni camau gweithredu Digidol yn Gyntaf a Chynllun Gweithredu Digidol mewnol Llywodraeth Cymru. Mae'r Grŵp yn sicrhau bod digido yn gallu cael ei ystyried o fewn cyd-destun y maes polisi perthnasol, gan sicrhau nad yw cyfleoedd yn cael eu colli ar gyfer datblygiadau a dysgu cyffredin.

Mae Prif Swyddog Digidol Llywodraeth Cymru'n gyfrifol am gymuned o arweinwyr digidol a data ledled y sefydliad sy'n darparu arweiniad yn eu meysydd polisi a chyflawni eu hunain ac yn cydweithio i weithredu blaenoriaethau cyffredin. Anogir staff i ddilyn rhaglenni hyfforddiant sy'n cefnogi trawsnewid digidol ac a fydd o gymorth i'r proffesiwn dyfu. Mae'r sefydliad hefyd yn rhedeg rhaglen brentisiaeth ddigidol ac yn datblygu cynnwys dysgu digidol newydd o fewn y Labordy Dysgu sy'n cael ei ddylunio fel rhan o fenter Diogelu'r Dyfodol.

Mae Llywodraeth Cymru'n darparu dros 20 o wasanaethau digidol yn uniongyrchol i bobl Cymru. Un o'r rhai mwyaf yw gwasanaeth Taliadau Gwledig Cymru Ar-lein sy'n galluogi 18,000 o ffermwyr Cymru i wneud cais am daliadau amaethyddol uniongyrchol a rheoli eu taliadau ar-lein. Mae pob busnes fferm yn cwblhau ei ffurflenni ar-lein bellach – yr Asiantaeth Dalu gyntaf yn y DU i gyflawni hyn.

Roedd uchafbwyntiau gwasanaethau digidol pwysig yn ystod y cyfnod adrodd yn cynnwys:

- Gwelliannau i'n gwasanaethau gwledig ar-lein yn cynnwys lansio gwasanaeth Rhifau Daliadau ym mis Chwefror 2018 – gwasanaeth cyfeirio tir sy'n cyfuno â gwasanaethau olrhain defaid ac iechyd anifeiliaid ar-lein.
- Rhaglen barhaus o welliannau ar-lein i blatfform dysgu digidol Hwb Llywodraeth Cymru sy'n parhau i ddarparu ystod eang o adnoddau digidol i rieni, athrawon a dysgwyr ledled Cymru i gefnogi'r gwaith o drawsnewid dysgu yn yr ystafell ddosbarth.
- Lansiodd Arolygiaeth Gofal Cymru (AGC) wasanaeth ar-lein newydd i alluogi darparwyr gwasanaethau oedolion a phlant i gwblhau ffurflen gais i gofrestru o'r newydd neu ailgofrestru ar-lein.
- Paratoi ar gyfer sefydlu Awdurdod Cyllid Cymru a'i lansio yn Ebrill 2018. Dyma'r corff sy'n casglu ac yn rheoli'r dreth trafodiadau tir a'r dreth dirlenwi ar-lein.

Cafwyd datblygiadau gwybodeg a digidol pwysig hefyd ym maes iechyd yn ystod y flwyddyn yn cynnwys dau adolygiad. Cyhoeddodd Swyddfa Archwilio Cymru ei adolygiad o systemau gwybodeg yn GIG Cymru. Mae Llywodraeth Cymru wedi ymateb drwy roi amrywiaeth o gamau gweithredu ar waith, yn cynnwys adolygiadau o drefniadau llywodraethu a seilwaith ledled GIG Cymru.

Roedd yr Adolygiad Seneddol o Iechyd a Gofal Cymdeithasol yng Nghymru'n cydnabod bod digidol yn allweddol i alluogi trawsnewid y GIG ac yn amlygu pwysigrwydd seilwaith digidol cenedlaethol sydd wedi'i integreiddio'n llawn i gefnogi'r weledigaeth hon. Yn dilyn yr adolygiadau

ac ers y cyfnod adrodd, cyhoeddodd Ysgrifennydd y Cabinet dros lechyd a Gofal Cymdeithasol 'Cymru Iachach' ym Mehefin 2018, a oedd yn disgrifio amrywiaeth o gamau gweithredu, yn cynnwys sefydlu Gweithrediaeth y GIG ac ymrwymiad i gynyddu cyllid ar gyfer y maes digidol. Mae'r gwaith yn cael ei gefnogi gan Gronfa Drawsnewid flynyddol newydd gwerth £100 miliwn. Sefydlwyd Grŵp Gorchwyl a Gorffen i ddatblygu'r model cenedlaethol a goruchwyllo'r gwaith o ddyrannu cyllid.

Yn achos data, mae Llywodraeth Cymru wedi gweithredu'r ymrwymadau a amlinellwyd yn y Cynllun Data Agored, wedi parhau i ddatblygu platfformau data agored ystadegol a geo-ofodol, StatsCymru a Lle, ac wedi bod yn annog eraill mewn rhannau eraill o'r sector cyhoeddus i fod

yn fwy agored. Mae yna waith parhaus yn cael ei wneud i weithredu deddfwriaeth newydd sy'n galluogi mwy o rannu data ac mae'r sefydliad yn cefnogi cynllun peilot gydag awdurdodau lleol sy'n eu galluogi i gysylltu a rhannu data dienw.

Ffocws mawr yn ystod rhan olaf y cyfnod adrodd oedd paratoi ar gyfer dod â rhai o'r wasanaethau TGCh oedd ar contract allanol i gael eu darparu'n fewnol ar ddiwedd 2018. Mae'r sefydliad yn dilyn polisi system Cwmwl yn gyntaf, ac yn symud cymwysiadau busnes i'r system Cwmwl a datblygu gallu a sgiliau TGCh yn fewnol, gyda chymorth recriwtio o'r tu allan a chontractau ar raddfa fach ar gyfer sgiliau technegol arbenigol. Bydd y datblygiadau hyn yn galluogi gwasanaeth sifil Llywodraeth Cymru i gefnogi arferion gwaith mwy hyblyg.

Paratoi ar gyfer GDPR

Fel rhan o'r paratoadau ar gyfer GDPR cafodd archwiliad 'parodwydd' ar gyfer y sefydliad ei gynnwys yng nghynllun archwilio mewnol Llywodraeth Cymru 2017-18. Comisiynwyd y gwaith gan gwmni allanol a chwblhawyd yr adroddiad yn Rhagfyr 2017. Yn ôl y gofyn, penodwyd Swyddog Diogelu Data ym mis Ionawr 2018. Derbyniwyd holl argymhellion yr archwiliad yn ymwneud â chanllawiau, hyfforddiant ac adolygu prosesau a phenodwyd Rheolwr Prosiect i oruchwyllo parodwydd ym mis Chwefror 2018.

Bu Swyddfa'r Comisiynydd Gwybodaeth yn gweithio ochr yn ochr â Llywodraeth Cymru i hyfforddi uwch gydweithwyr a thimau mewn meysydd risg uchel er mwyn cefnogi paratoadau a rhoi cyngor ar GDPR.

Er mwyn sicrhau bod Llywodraeth Cymru'n cydymffurfio â GDPR wrth symud ymlaen, mae strategaeth sicrwydd GDPR yn cael ei datblygu i gyd-fynd â strategaeth archwilio fewnol, gyda'r nod o weithredu dull sicrwydd integredig.

Dod yn lle tecach i weithio

Yn ystod 2017-18, parhaodd gwaith o dan Gynllun Gweithredu Amrywiaeth a Chynhwysiant 2016-2020 Llywodraeth Cymru ac amcan y Cynllun Cydraddoldeb Strategol i fod yn esiampl i eraill. Mae gan Lywodraeth Cymru ymrwymiad gweithredol i fod yn sefydliad mwy amrywiol gyda thargedau i gael 5.8% o staff anabl a 2.5% o staff Du, Asiaidd a Lleiafrifoedd Ethnig erbyn 2020 ac ymrwymiad i recriwtio a chadw staff Lesbiaidd, Hoyw, Deurywiol a Thrawsryweddol. Mae gweithgareddau'n cael eu goruchwyllo gan y Grŵp Llywio Amrywiaeth a Chynhwysiant ac wedi cynnwys:

- Cyflwyno'r cynllun peilot mentora o chwith yn ehangach.
- Hyrwyddo sesiwn hyfforddi Stonewall i uwch staff ar gynnwys pobl lesbiaidd, hoyw, deurywiol a thrawsryweddol.
- Sefydlu Grŵp Gorchwyl a Gorffen i adolygu hyfforddiant Amrywiaeth a Chynhwysiant; cyflwyno sesiynau peilot.
- Datblygu rhwydwaith cymorth staff anffurfiol ar ymwybyddiaeth o Awtistiaeth.
- Datblygu rhwydwaith Maethu a Mabwysiadu anffurfiol.

Mae gan bob grŵp busnes hyrwyddwyr amrywiaeth i hyrwyddo cydraddoldeb ac amrywiaeth yn eu maes busnes yn ogystal â noddi rhwydwaith amrywiaeth.

Parhaodd gwaith i gyflawni'r targed o sicrhau bod hanner staff yr Uwch Wasanaeth Sifil yn fenywod erbyn 2020. Roedd hyn yn cynnwys adolygiad o bolisiau a chymorth mamolaeth a thadolaeth, datblygu canllawiau ar y menopos, arolwg o fenywod a ddyrchafwyd i'r Uwch Wasanaeth Sifil yn y 5 mlynedd diwethaf ac arolwg o fenywod a oedd wedi derbyn hyfforddiant ar arweinyddiaeth. Nodwyd bwlch cyflog rhwng y rhywiau o 8.08% (yn seiliedig ar gyflogau cyfartalog) yn 2017-18. Mae'r ffigur bwlch cyflog rhwng y rhywiau yn y gwasanaeth sifil a gyhoeddwyd gan y Swyddfa Ystadegau Gwladol yn 12.7% (ar sail canolrif cyflogau). Ymrwymodd Llywodraeth Cymru i feincnod Cyflogwr Chwarae Teg i helpu i nodi'r ffordd orau o unioni hyn. Bydd hyn yn flaenoriaeth yn 2018-19.

Defnyddiwyd nifer o gynlluniau meincnodi i asesu'r gwaith amrywiaeth a chynhwysiant a wnaed. Cododd Llywodraeth Cymru 13 safle – i fyny i 12fed ym Mynegai 100 Cyflogwr Gorau Stonewall a chyflawni Achrediad Arweinwyr Hyderus o ran Anabledd yn Hydref 2017. Ers diwedd y cyfnod adrodd, achredwyd statws aur i Lywodraeth Cymru yng ngwobrau rhywedd 2018, gyda Rhwydwaith Cymorth y Gwasanaeth Sifil yn cefnogi holl staff trawsryweddol a rhyngrywiol ledled y Llywodraeth.

Mae Llywodraeth Cymru wedi newid ei dull o recriwtio prentisiaid i annog mwy o ymgeiswyr o bob cefndir. Ymunodd dau gohort newydd o brentisiaid â Llywodraeth Cymru yn y flwyddyn adrodd hon: roedd 23% o'r tranche cyntaf a 42% o'r ail tranche yn dod o grwpiau heb gynrychiolaeth ddigonol.

Rhwydweithiau Amrywiaeth

Mae gan Lywodraeth Cymru bum rhwydwaith amrywiaeth staff ar hyn o bryd. Mae'r rhwydweithiau'n rhoi llais i grwpiau heb gynrychiolaeth ddigonol, yn galluogi cydweithwyr i rannu profiadau a chefnogi ei gilydd ac yn gweithredu fel corff cynghori i lunwyr polisïau mewnol.

Y rhwydweithiau staff yw:

- **Ymwybyddiaeth a Chymorth Anabledd** – y rhwydwaith ar gyfer cydweithwyr anabl, gofalwyr a'r rhai sydd â diddordeb mewn materion anabledd.
- **Rhwydwaith Staff Lleiafrifoedd Ethnig** – y rhwydwaith ar gyfer staff o gefndiroedd Du, Asiaidd a Lleiafrifoedd Ethnig.
- **Menywod Ynghyd** – rhwydwaith cynhwysol yn annog twf personol ac yn annog menywod i gefnogi ei gilydd i gyflawni'u potensial llawn a gweithio i sicrhau cydbwysedd rhwng y rhywiau yn y sefydliad.
- **PRISM** – y rhwydwaith staff cyfeiriadedd rhywiol a hunaniaeth o ran rhywedd sy'n cefnogi staff sy'n arddel hunaniaeth lesbiaidd, hoyw, deurywiol, trawsryweddol neu rywedd amrywiol.
- **Symudedd Cymdeithasol** – rhwydwaith newydd i hyrwyddo dealltwriaeth well o'r heriau y mae pobl o gefndiroedd economaidd-gymdeithasol is yn eu hwynebu.

Adrodd ar Gynaliadwyedd

Rheolaeth Amgylcheddol o'r Ystad Weinyddol

Yn ystod 2017/18 mae Llywodraeth Cymru wedi parhau i wella perfformiad amgylcheddol yr ystad weinyddol. Mae'r sefydliad yn parhau i fod yn ymrwymedig i ddatblygu arferion cynaliadwy drwy weithio'n agos â chydweithwyr mewnol, contractwyr craidd a sefydliadau allanol. Mae'r cysylltiadau hyn wedi helpu i ehangu'r ddarpariaeth o gyngor arbenigol, rhannu arferion gorau a chysylltu â strategaethau perthnasol. Mae defnydd o ynni wedi'i leihau ymhellach a llwyddwyd i ragori'n sylweddol ar darged lleihau carbon 2020, gan leihau allyriadau 57% ers 2011. Mae ailgylchu wedi cynyddu i 88%,

cynnydd o 6% ers 2016/17. Mae strategaeth lleihau dŵr, a oedd yn cynnwys gosod wrinalau di-ddŵr, wedi arwain at ostyngiad o 11% ers i'r prosiect ddechrau yn 2016/17. Mae Llywodraeth Cymru wedi cynnal prosiectau bioamrywiaeth ar sawl safle ac mae'n ymdrechu i gefnogi bywyd gwyllt lleol drwy wella ardaloedd y tu allan i swyddfeydd drwy greu cynefinoedd newydd a phlannu planhigion brodorol. Mae rhagor o fanylion am allyriadau nwyon tŷ gwydr, gwastraff a gynhyrchwyd a defnydd o ddŵr ar yr ystad weinyddol wedi'u nodi isod:

Allyriadau Nwyon Tŷ Gwydr			2013-14	2014-15	2015-16	2016-17	2017-18
Dangosyddion Anariannol ('000 tCO ₂ e)	Cyfanswm Allyriadau Gros		9.2	8.4	6.9	6.3	5.4
	Allyriadau Gros Cwmpas 1 (Nwy)		1.5	1.3	1.1	1.1	1.1
	Allyriadau Gros Cwmpas 2 (Trydan)		7.7	7.1	5.8	5.2	4.3
Defnydd Ynni Cysylltiedig (GWh)	Trydan		14.2	13.4	11.8	11.6	11.2
	Nwy		8.4	7.1	5.8	5.8	6
Dangosyddion Ariannol (£ miliwn)	Gwariant ar Ynni		2.3	2.1	2.1	2.1	2.0
	Lwfansau Ymrwymiad Lleihau Carbon Ystad gweinyddol (2012 ymlaen)		0.11	0.16	0.27	0.1	0.1
Gwastraff			2013-14	2014-15	2015-16	2016-17	2017-18
Anariannol (tunelli)	Cyfanswm gwastraff (tunelli)		583	500	498	563	350
	Gwastraff nad yw'n beryglus	Tirlenwi	184	127	112	104	41
		Aildddefnyddiwyd/Ailgylchwyd	361	314	322	396	222
		Compostiwyd (bwyd)	38	59	64	63	87
Dŵr			2013-14	2014-15	2015-16	2016-17	2017-18
Dangosyddion Anariannol (cu.m/person/bl.)			10	8	8	7.1	6.3

Sefydliad moesegol

Gwrth-lwgrwobrwyo a llygredd

Mae gan Lywodraeth Cymru nifer o bolisiâu sy'n amlinellu ei disgwyliadau ar staff pan fyddant yn cyflawni eu dyletswyddau. Mae'r rhain yn cynnwys Telerau ac Amodau Gwasanaeth, Cod y Gwasanaeth Sifil, Cod Ymddygiad Staff a Rheoli Arian Cyhoeddus Cymru. Mae'r holl ddogfennau hyn yn canolbwyntio ar gysyniadau craidd uniondeb, gonestrwydd, gwrthrychedd a bod yn ddiduedd. Maent yn darparu cyngor clir na ddylai staff gamddefnyddio eu safle swyddogol i hyrwyddo buddiannau preifat na derbyn rhoddion neu letygarwch na buddion eraill gan unrhyw un mewn ffordd y gallai fod yn rhesymol tybio eu bod yn cyfaddawdu crebwyll neu uniondeb.

Mae gofyn i bob aelod o staff ddatgelu unrhyw fuddiannau busnes allanol a allai effeithio ar eu gwaith yn Llywodraeth Cymru a chael rheolwyr i gymeradwyo'r buddiannau hyn. Anfonir negeseuon rheolaidd i atgoffa staff o'r gofyniad hwn.

Mae Llywodraeth Cymru hefyd wedi sefydlu Cangen Gwrth-dwyll sy'n gyfrifol am ymgorffori diwylliant gwrth-dwyll a llygredd a hyrwyddo dull

dim goddefgarwch o ymdrin â thwyll a llygredd drwy ymchwilio i bob cyhuddiad. Mae'r Gangen mewn cysylltiad agos â Heddluoedd Cymru a grwpiau arbenigol eraill ac yn cymryd rhan mewn ymarferion paru data cenedlaethol i nodi achosion posibl o dwyll a gwrthdaro buddiannau.

Mae'r Gangen Gwrth-dwyll hefyd yn gyfrifol am gynnal Polisi Gwrth-dwyll a Llygredd Llywodraeth Cymru a'r Cynllun Ymateb i Dwyll. Mae gan Lywodraeth Cymru Bolisiâu Chwythu'r Chwiban hefyd fel llinell ffôn Adrodd am Dwyll a gallu adrodd am dwyll ar-lein sy'n galluogi staff ac aelodau'r cyhoedd i godi unrhyw bryderon.

Darperir hyfforddiant ymwybyddiaeth i staff yn cwmpasu meysydd fel Twyll, Llwgrwobrwyo a Llygredd, a Gwyngalchu Arian. Mae'r Gronfa Ddata Twyll Genedlaethol yn cael ei gweithredu ac mae'n rhan o brosesau diwydrwydd dyladwy Llywodraeth Cymru wrth ddarparu grantiau neu ymrwymo i gontractau.

Mae gofyn i bob Grŵp gadw Cofrestr Risg Twyll a Llygredd, sy'n nodi meysydd risg uchel ac yn amlinellu'r mesurau rheoli a sefydlwyd i liniaru'r risgiau hyn.

Parch i hawliau dynol

Mae Llywodraeth Cymru yn ymrwymedig i sicrhau bod gweithwyr yn cael eu trin yn deg a chyda pharch ac i sicrhau bod Cymru'n rhydd o gaethwasiaeth. Mae'r Cod Ymarfer ar Gyflogaeth Foesegol mewn Cadwyni Cyflenwi wedi'i ymgorffori yn y broses gaffael drwyddi draw. Caiff pob cyflenwr llwyddiannus ei annog i ymrwymo i'r Cod, ac mae gofyn i gontractwyr/partneriaid cadwyn cyflenwi weithio gyda Llywodraeth Cymru er mwyn rheoli perfformiad contractau'n barhaus i sicrhau bod arferion cyflogaeth teg yn cael eu dilyn.

Mae'r holl brosesau caffael sy'n werth dros £25,000 yn destun asesiad risg strategol,

sy'n ystyried pa mor gynaliadwy yw'r gwasanaeth a'r potensial ar gyfer mynd i'r afael â meysydd penodol o'r Cod drwy delerau'r Contract, er enghraifft talu'r cyflog byw.

Yn fewnol, mae'n rhaid i'r holl weithwyr caffael proffesiynol gwblhau hyfforddiant e-ddysgu Sefydliad Siartredig Prynu a Chyflenwi ar Gaffael Moesegol. Hefyd, datblygwyd modiwl hyfforddiant e-ddysgu y bydd rhaid i holl reolwyr contractau Llywodraeth Cymru ei gwblhau. Bydd hwn yn darparu gwybodaeth a dealltwriaeth o arferion cyflogaeth teg a moesegol iddynt a sut y gallant sicrhau bod y Cod yn cael ei ddilyn.

Cadw'n staff yn iach a diogel

Mae sicrhau bod staff yn derbyn cefnogaeth lwyr, yn aros yn iach a bod ganddynt amgylchedd diogel yn rhan bwysig o ddull iechyd a diogelwch Llywodraeth Cymru.

Yn 2018, sicrhodd Llywodraeth Cymru achrediad eto i Gyfres Asesu Iechyd a Diogelwch Galwedigaethol 18001 – fframwaith wedi'i gynllunio i helpu sefydliadau i gyflwyno system reoli iechyd a diogelwch sy'n cyd-fynd ag arferion gorau a gydnabyddir yn rhyngwladol.

Mae'r sefydliad wedi gweithredu nifer o welliannau yn cynnwys datblygu cyfres o asesiadau risg cyffredinol sy'n sicrhau bod gan staff fynediad at systemau gwaith diogel wrth gyflawni eu dyletswyddau; a darparu hyfforddiant effeithiol ac ystyrlon ar-lein ac wyneb-yn-wyneb, i godi ymwybyddiaeth o gyfrifoldebau iechyd a diogelwch

yn ogystal ag edrych ar sut i reoli straen a phwysigrwydd llesiant.

Mae prosesau monitro ac adolygu parhaus yn sicrhau bod y systemau'n parhau i gydymffurfio a'u bod yn effeithiol o hyd, a bod unrhyw gyfleoedd ar gyfer gwella'n cael eu nodi a'u gweithredu.

Y llynedd, cytunodd Bwrdd Llywodraeth Cymru ar Strategaeth Llesiant newydd i helpu'r sefydliad i fod yn weithle iachach sy'n cefnogi cydweithwyr i ofalu am eu llesiant corfforol a meddyliol. Yn unol â'r Strategaeth, cyflwynwyd "Aw'r Llesiant" i roi awr yr wythnos i staff (ar sail pro rata i'r rhai sy'n gweithio'n rhan-amser) i ganolbwyntio ar weithgareddau a fydd yn cynnal neu'n gwella eu hiechyd corfforol a meddyliol.

Ochr yr Undebau Llafur

Ochr yr Undebau Llafur yw'r corff ambarél sy'n cydgysylltu safbwyntiau'r tri undeb llafur a gydnabyddir gan Lywodraeth Cymru. Mae tîm rheoli'r sefydliad yn gweithio'n agos mewn partneriaeth ag Ochr yr Undebau Llafur, sy'n cynrychioli eu haelodau ar amrywiaeth eang o amodau gwasanaeth a materion eraill cysylltiedig â gwaith. Pan gynigir

newidiadau polisi a fydd yn effeithio ar staff, ymgynghorir yn ffurfiol ag Ochr yr Undebau Llafur gyda thrafodaethau'n cael eu cynnal ag aelodau fel y bo'n briodol. Mae gan Ochr yr Undebau Llafur a gwasanaeth sifil Llywodraeth Cymru Gytundeb Partneriaeth hirsefydlog sy'n darparu fframwaith ar gyfer eu trefniadau cydweithio.

Cyhoeddusrwydd a hysbysebu

Yn unol â Ffyniant i Bawb a'r Cynllun Gweithredu ar yr Economi cysylltiedig i Gymru, mae cyllidebau'n cael eu dyrannu i hyrwyddo Cymru mewn marchnadoedd allweddol yn y DU a thramor fel lle i dwristiaeth, mewnfuddsoddi, masnach ac allforio. Datblygwyd brand Cymru integredig ar draws sectorau ac mae cynlluniau marchnata manwl yn cael eu datblygu ar gyfer sectorau allweddol perthnasol mewn marchnadoedd targed – i ddatblygu proffil Cymru, ac ysgogi perfformiad penodol pob sector.

Ym maes busnes, mae Llywodraeth Cymru'n cynnal rhaglenni marchnata integredig, yn cynnwys gweithgarwch print, digidol ac awyr agored ar gyfer cynulleidfaoedd busnes-i-fusnes allweddol

– gyda ffocws ar farchnad y DU. Cafwyd cynnydd o 60% yn nifer yr ymwelwyr â [tradeandinvest.wales](https://www.tradeandinvest.wales) yn 2017-18. Mae'r rhaglen hon hefyd yn cynnwys darparu cymorth i Lywodraeth Cymru fynychu ystod eang o ddigwyddiadau masnach a sector-benodol. Mae canlyniadau'r gwaith hwn yn cael eu monitro'n ofalus i sicrhau bod unrhyw gysylltiadau a wneir yn cael eu mesur a'u meithrin gan swyddogion Llywodraeth Cymru.

Mae blaenoriaethau allweddol hefyd yn cynnwys buddsoddi mewn platfformau digidol newydd ar gyfer y dyfodol yn ogystal â mewn cynnwys difyr o sylwedd i hyrwyddo Cymru yn y DU a thu hwnt. Bydd yr holl gynnwys yn cael ei fonitro i werthuso lefelau ymgysylltu a'r elw ar fuddsoddiad.

Cytundebau nawdd

Fel rhan o'r dull ehangach o sut mae Llywodraeth Cymru'n cefnogi busnesau yng Nghymru ac yn hyrwyddo Cymru yn y byd fel lleoliad busnes, derbynnir ceisiadau gan sefydliadau allanol i nodi digwyddiadau a gweithgareddau sy'n cyd-fynd â'i hamcanion busnes cyffredinol.

Gofynnir i'r rhai sy'n gwneud cais o'r fath ddarparu gwybodaeth am y digwyddiad, y gynulleidfa, y manteision i Lywodraeth Cymru o nodi'r gweithgaredd a'r risgiau posibl os na chefnogir y cais. Yna, caiff y cais ei ystyried yng nghyd-destun

sut mae'n perthyn i'r amcanion busnes perthnasol ac a yw'n cynnig gwerth am arian o ran brandio, cysylltiadau cyhoeddus, cyfathrebu, rhwydweithio/cyflwyniadau ac enw da. Byddai disgwyl i unrhyw ddigwyddiadau neu weithgareddau a gynhelir yng Nghymru gydymffurfio â Deddf yr Iaith Gymraeg. Yn 2017-18, noddodd Llywodraeth Cymru nifer o sefydliadau a digwyddiadau yn cynnwys Opera Cenedlaethol Cymru, Gwobrau Cyfryngau Cymru, Diwrnod Arloesedd Digidol ac Ynni Clyfar Cymru.

Datganiad o Gyfrifoldebau'r Swyddog Cyfrifyddu

O dan Adran 131 o Ddeddf Llywodraeth Cymru 2006, mae'n ofynnol i Weinidogion Cymru baratoi cyfrifon adnoddau cyfunol blynyddol Llywodraeth Cymru yn unol â'r cyfarwyddydau a roddwyd gan Drysorlys Ei Mawrhydi. Mae cyfarwyddydau'r Trysorlys yn ei gwneud yn ofynnol rhoi manylion yr adnoddau sydd wedi'u caffael, eu dal neu eu gwaredu yn ystod y cyfnod.

Mae'r cyfrifon adnoddau cyfunol yn cael eu paratoi ar sail croniadau a rhaid iddynt roi golwg gywir a theg o faterion Llywodraeth Cymru a'r endidau eraill o fewn y grŵp ar ddiwedd y cyfnod, ac o'u gwariant net a'u llifoedd arian am y cyfnod ariannol.

Y Prif Swyddog Cyfrifyddu ar ran Gweinidogion Cymru biau'r cyfrifoldeb dros drefniadaeth gyffredinol, rheolaeth a staffio Llywodraeth Cymru. Mae hyn yn cynnwys cyfrifoldeb dros systemau ar draws Llywodraeth Cymru ym maes cyllid a materion eraill, lle bo'r rhain yn briodol, a thros reoli gofyniad net Gweinidogion Cymru am arian parod. Y Prif Swyddog Cyfrifyddu sy'n gyfrifol hefyd am baratoi a llofnodi cyfrif adnoddau cyfunol Llywodraeth Cymru.

Wrth baratoi'r cyfrifon, mae'n ofynnol i'r Prif Swyddog Cyfrifyddu gydymffurfio â'r Llawlyfr Adroddiadau Ariannol (FREm) ac, yn arbennig: i barchu'r gofynion perthnasol o ran cyfrifyddu a datgelu, a chymhwyso polisïau cyfrifyddu addas yn gyson; i ffurfio barn ac amcangyfrifon ar sail resymol; i ddatgan a yw'r safonau cyfrifyddu cymwys, fel y'u nodir yn y Llawlyfr, wedi'u dilyn a datgelu ac esbonio unrhyw wriadau perthnasol yn y cyfrifon; ac i baratoi'r cyfrifon ar sail busnes gweithredol.

O dan Adran 133(2) o Ddeddf Llywodraeth Cymru 2006, mae'r Prif Swyddog Cyfrifyddu yn gallu dynodi aelodau eraill o staff Gweinidogion Cymru yn Swyddogion Cyfrifyddu Ychwanegol. Mae'r Prif Swyddog Cyfrifyddu hefyd yn dynodi Prif Weithredwr y GIG yn Swyddog Cyfrifyddu'r Gwasanaeth Iechyd Gwladol yng Nghymru. Mae gwaith y Byrddau Iechyd Lleol yng Nghymru'n cael ei lywodraethu gan awdurdod ar wahân ac mae Prif Weithredwyr pob un o'r Byrddau Iechyd Lleol yn cael eu penodi'n Swyddogion Cyfrifol gan Brif Weithredwr y GIG yng Nghymru. Nid yw'r penodiadau hyn yn tynnu oddi ar gyfrifoldeb cyffredinol y Prif Swyddog Cyfrifyddu dros gyfrifon Llywodraeth Cymru.

Mae cyfrifoldebau Swyddog Cyfrifyddu, gan gynnwys y cyfrifoldeb dros briodoldeb a rheoleidd-dra'r arian cyhoeddus y mae'r Swyddog Cyfrifyddu'n atebol amdano, dros gadw cofnodion priodol, dros ddiogelu asedau Llywodraeth Cymru, a thros gymryd camau rhesymol i atal a chanfod twyll ac afreoleidd-dra arall, wedi'u nodi ym Memorandwm Swyddogion Cyfrifyddu Llywodraeth Cymru a gyhoeddir gan Drysorlys Ei Mawrhydi. Nodir y berthynas rhwng Prif Swyddog Cyfrifyddu Llywodraeth Cymru a Swyddogion Cyfrifyddu eraill, fel y disgrifir uchod, ac fe nodir eu priod gyfrifoldebau mewn cytundebau ysgrifenedig rhwng y swyddogion o dan sylw.

Fel Swyddog Cyfrifyddu gallaf gadarnhau bod yr adroddiad blynyddol a'r cyfrifon yn deg, yn gytbwys ac yn ddealladwy ac rwyf yn cymryd cyfrifoldeb personol dros yr adroddiad blynyddol a'r cyfrifon a'r farn sy'n ofynnol ar gyfer penderfynu ei fod yn deg, yn gytbwys ac yn ddealladwy.

Datgelu Gwybodaeth i Archwilwyr

Fel Prif Swyddog Cyfrifyddu rwyf yn cadarnhau, cyn belled â fy mod yn gwybod, nad oes unrhyw wybodaeth archwilio berthnasol nad yw Archwilydd Cyffredinol Cymru'n ymwybodol ohoni. Rwyf wedi cymryd yr holl gamau angenrheidiol i gael yr wybodaeth ddiweddaraf am unrhyw wybodaeth archwilio berthnasol ac i sicrhau bod yr archwilwyr allanol yn gwybod am yr wybodaeth honno.

Datganiad Llywodraethiant

Cyflwyniad

Rwyf yn gyfrifol am sicrhau bod safonau uchel o uniondeb yn y ffordd y rheolir arian cyhoeddus. Wrth gyflawni'r ddyletswydd hon, rwyf yn gyfrifol am gynnal system gadarn o reolaeth fewnol sy'n ategu cyflawni polisïau, nodau ac amcanion Gweinidogion Cymru, sy'n hwyluso arfer swyddogaethau Gweinidogion Cymru yn effeithiol ac sy'n cynnwys trefniadau effeithiol ar gyfer rheoli risg.


Y Fframwaith Llywodraethiant

Mae'r fframwaith llywodraethiant yn cynnwys y systemau, y prosesau, y diwylliant a'r gwerthoedd a ddefnyddir i gyfeirio a rheoli Llywodraeth Cymru a'r gweithgareddau y mae'n atebol trwyddynt i Gynulliad Cenedlaethol Cymru ac yn ymgysylltu â rhanddeiliaid trwyddynt. Mae'n galluogi'r sefydliad i fonitro'r modd y mae ei bolisïau, ei nodau a'i amcanion yn cael eu cyflawni ac i weld a lwyddwyd i sicrhau gwerth am arian.

Mae'r system rheolaeth fewnol yn rhan sylweddol o'r fframwaith llywodraethiant a bwriedir iddi reoli risg i lefel resymol. Mae Fframwaith Rheoli Cyffredin Llywodraeth Cymru yn nodi'r dirprwyaethau sy'n gweithredu'n gyson ar draws pob rhan o Lywodraeth Cymru.

Cefnogir y fframwaith llywodraethiant a'r system rheolaeth fewnol gan broses barhaus o reoli risg, sydd wedi'i chynllunio i nodi a blaenoriaethu'r risgiau i gyflawni polisïau, nodau ac amcanion Llywodraeth Cymru, i werthuso pa mor debygol ydyw y caiff y risgiau hynny eu gwireddu, ac wedyn i'w rheoli yn effeithlon, yn effeithiol ac yn ddarvoudus. Datblygwyd y fframwaith llywodraethiant i gydymffurfio â gofynion llywodraethiant da ac fe'i hategir gan "Rheoli Arian Cyhoeddus Cymru" sy'n nodi'r egwyddorion ar gyfer delio ag adnoddau yn sefydliadau'r sector cyhoeddus yng Nghymru.

Strwythur Llywodraethiant Corfforaethol:



Adolygiad Llywodraethiant

Tua diwedd 2017, cynhaliodd Archwilio Mewnol ymarfer i bennu llinell sylfaen ar gyfer y fframwaith llywodraethiant yn Llywodraeth Cymru, i ddarparu dadansoddiad o'r trefniadau o'u cymharu â'r arferion gorau. Nododd yr adroddiad a gafwyd feysydd posibl ar gyfer gwella trefniadau ac mae cynllun gweithredu wedi'i sefydlu gan y Cyfarwyddwr Llywodraethiant i adeiladu ar y cyfleoedd hyn. Llywiodd y gwaith hwn hefyd yr adolygiad o drefniadau llywodraethiant a gomisiynais yn ystod 2017/18, gan gynnwys strwythurau ar gyfer gwneud penderfyniadau uwch. O ganlyniad, caiff strwythur newydd ei roi ar waith yn ystod 2018/19 i hybu tryloywder ac eglurder mewn perthynas â gwneud penderfyniadau. Gwnaed penderfyniad hefyd i gymryd hoe ac adfywio trefniadau'r Pwyllgor Archwilio a Risg. Ers Chwefror 2018, dim ond Pwyllgor Archwilio a Risg Llywodraeth Cymru sydd wedi cyfarfod, er bod y Grwpiau wedi cynnal eu cyfarfodydd sicrwydd eu hunain yn ystod y cyfnod i ystyried canlyniadau gwaith archwilio. Daw trefniadau grŵp newydd y Pwyllgor Archwilio a Risg i rym o Fedi 2018.

Cyrff Cyhoeddus Cymru

Mae Llywodraeth Cymru'n cyflawni ei nodau a'i hamcanion, yn rhannol, trwy nifer o gyrff cyhoeddus, gan gynnwys Cyrff a Noddir gan Lywodraeth Cymru, is-gwmnïau a chyrff eraill a Noddir gan y Llywodraeth. Mae Swyddogion Cyfrifyddu (neu Brif Weithredwyr) a benodir i bob corff yn gyfrifol am reolaeth eu sefydliad ar arian cyhoeddus ac mae'n ofynnol iddynt lofnodi Datganiad Llywodraethiant a gyhoeddir yng nghyfrifon blyneddol eu corff. Diffinnir y berthynas â Llywodraeth Cymru mewn ffurf briodol o ddogfen ysgrifenedig ar gyfer pob corff.

Y Bwrdd

Fel Ysgrifennydd Parhaol a Phrif Swyddog Cyfrifyddu, fe'm cefnogir gan Fwrdd Llywodraeth Cymru, sy'n cynnwys 12 Aelod, yn Aelodau Anweithredol ac Aelodau Gweithredol. Roedd nifer o aelodau anweithredol yn nesáu at ddiwedd eu cyfnod yn y rôl yn ystod 2017/18 a thua diwedd y flwyddyn cafwyd ymarfer recriwtio i ddod o hyd i aelodau newydd. Bydd yr Aelodau Anweithredol hyn yn ymuno â'r Bwrdd yn ystod 2018/19.

Mae'r Bwrdd yn fy nghynghori wrth imi wneud penderfyniadau strategol ynghylch sut y mae Gwasanaeth Sifil Llywodraeth Cymru'n cael ei ddatblygu i gefnogi'r Prif Weinidog, Ysgrifenyddion y Cabinet a'r Gweinidogion ac yn sicrhau bod Llywodraeth Cymru yn cyflawni'r amcanion a'r strategaethau a nodir yn "Symud Cymru Ymlaen" a'r blaenoriaethau a nodwyd yn "Ffyniant i Bawb". Cafodd cylch gorchwyl y Bwrdd ei ddiweddarau ym mis Gorffennaf 2017 i sicrhau ei fod yn nodi'r diben hwn yn glir ac yn llawn. Roeddwn yn cadeirio cyfarfodydd y Bwrdd ac yn cynnal cyfarfod dwyochrog yn rheolaidd ag Aelodau'r Bwrdd a hefyd â'r Cyfarwyddwyr Anweithredol ar y cyd yn fisol. Rwyf wedi cytuno â'r Prif Weinidog y bydd yn ymgysylltu â'r Bwrdd o leiaf unwaith y flwyddyn.

Aelodaeth a Phresenoldeb y Bwrdd

Aelodau Presennol	Yn bresennol
Shan Morgan, yr Ysgrifennydd Parhaol	10/10
Elan Closs Stephens, Cyfarwyddwr Anweithredol	10/10
James Turner, Cyfarwyddwr Anweithredol	9/10
Ann Keane, Cyfarwyddwr Anweithredol	9/10
Ellen Donovan Cyfarwyddwr Anweithredol (o 27 Chwefror 2018)	1/1
Jeff Farrar Cyfarwyddwr Anweithredol (o 27 Chwefror 2018)	1/1
Andrew Slade, Cyfarwyddwr Cyffredinol, yr Economi, Sgiliau a Chyfoeth Naturiol (o 1 Ionawr 2018)	2/2
Tracey Burke, Cyfarwyddwr Cyffredinol, Addysg a Gwasanaethau Cyhoeddus (o 24 Tachwedd 2017)	3/4
Andrew Goodall, Cyfarwyddwr Cyffredinol, Iechyd a Gwasanaethau Cymdeithasol (Prif Weithredwr y GIG)	9/10
Des Clifford, Cyfarwyddwr Cyffredinol, (o 29 Ionawr 2018)	1/1
David Richards, Cyfarwyddwr, Llywodraethiant	9/10
Jeff Godfrey, Cyfarwyddwr, Gwasanaethau Cyfreithiol	8/10
Peter Kennedy, Cyfarwyddwr, Adnoddau Dynol a Gwasanaethau Corfforaethol	9/10
Gawain Evans, Cyfarwyddwr, Cyllid	10/10
Gillian Baranski, Arweinydd Cydraddoldeb ac Amrywiaeth y Bwrdd	8/10
Natalie Pearson, Pennaeth Ymgysylltu a Chyfathrebu	10/10

Ymadawodd yr Aelodau canlynol o'r Bwrdd yn ystod y flwyddyn:

Sir Adrian Webb, Cyfarwyddwr Anweithredol (hyd at 15 Rhagfyr 2017)	8/8
James Price, Dirprwy Ysgrifennydd Parhaol, yr Economi, Sgiliau a Chyfoeth Naturiol (hyd at 31 Rhagfyr 2017)	6/8
Owen Evans, Dirprwy Ysgrifennydd Parhaol, Addysg a Gwasanaethau Cyhoeddus (hyd at 30 Medi 2017)	4/5
Sioned Evans, Cadeirydd y Pwyllgor Gweithrediadau (hyd at 30 Ebrill 2017)	1/1

Hunanasesiad y Bwrdd o'i Berfformiad

Fel rheol, byddai'r Bwrdd yn adolygu ei berfformiad ar y cyd dros y cyfnod adrodd, gyda chymorth gwerthusiad wedi'i strwythuro. Mae'r adolygiad o berfformiad eleni wedi digwydd drwy gydol y flwyddyn. Mae wedi arwain, hyd yn hyn, at gylch gorchwyl diwygiedig, amllder diwygiedig (bob chwe mis yn lle bob mis) ac aelodaeth ddiwygiedig (gan gynnwys tri Chyfarwyddwr Anweithredol newydd).

Is-bwyllgorau'r Bwrdd

Roeddwn hefyd yn cael fy nghynghori gan ddau Is-bwyllgor y Bwrdd a arweinir gan Aelodau Anweithredol (y Pwyllgor Archwilio a Risg a'r Pwyllgor Tâl Cydnabyddiaeth) dan arweiniad cyfarwyddwyr anweithredol a chan un Is-bwyllgor gweithredol y Bwrdd (y Pwyllgor Gweithrediadau).

Is-bwyllgor y Bwrdd: Archwilio a Risg

Mae Pwyllgor Archwilio a Risg Llywodraeth Cymru'n fy nghefnogi ar faterion ariannol. Roedd y Pwyllgor yn cael ei gadeirio gan Gyfarwyddwr Anweithredol ac yn fy nghynghori, drwy gydol y flwyddyn, yn fy rôl fel Prif Swyddog Cyfrifyddu. Roedd Pwyllgorau Archwilio a Risg hefyd yn gweithredu ar lefel Grŵp yn ystod 2017/18 gyda'u Cadeiryddion yn aelodau o Bwyllgor Archwilio a Risg Llywodraeth Cymru. Nid oedd unrhyw newidiadau yn aelodaeth na strwythur Pwyllgor Archwilio a Risg Llywodraeth Cymru yn y flwyddyn er bod y trefniadau ar gyfer Pwyllgorau Archwilio a Risg y Grwpiau yn cael eu diwygio a bydd y rhain yn cael eu cwblhau yn ystod 2018/19.

Is-bwyllgor y Bwrdd: Cydnabyddiaeth Ariannol

Ail is-bwyllgor y Bwrdd yw Pwyllgor Tâl Cydnabyddiaeth yr Uwch Wasanaeth Sifil ac mae'n gyfrifol am dâl ac amodau'r Uwch Wasanaeth Sifil (SCS), cynllunio ar gyfer olyniaeth a recriwtio a holl achosion personol SCS. Roedd Cyfarwyddwr Anweithredol yn cadeirio'r Pwyllgor. Cyfarfu'r Pwyllgor wyth gwaith yn ystod y flwyddyn a mynychais yr holl gyfarfodydd. Nid yw'r Pwyllgor Tâl Cydnabyddiaeth yn pennu fy nghyflog fy hun gan mai Swyddfa Cabinet y DU sy'n delio â hynny

Is-bwyllgor y Bwrdd: Gweithrediadau

Mae'r Pwyllgor Gweithrediadau'n fy nghefnogi i a'r uwch arweinwyr gyda rhedeg y sefydliad ar lefel weithredol, gan ganiatáu i'r Bwrdd gadw ffocws strategol. Roedd y Pwyllgor yn cynnig cyngor ar redeg Llywodraeth Cymru, ac yn goruchwyllo ac yn rheoli'r broses, ac yn gweithredu drwy gydol y flwyddyn. Parhaodd y Pwyllgor i weithredu tan ddiwedd y flwyddyn ond yn ystod 2018/19, fe gaiff ei ddisodli gan dri phwyllgor newydd er mwyn canolbwyntio'n well ar feysydd penodol o weithrediadau Llywodraeth Cymru yn y dyfodol.

Yr Uwch-dîm Arwain

Drwy gydol 2017/18, roeddwn yn cael fy nghefnogi gan dîm arwain o Ddirprwy Ysgrifenyddion a Chyfarwyddwyr Cyffredinol, pob un yn arwain Grŵp yn Llywodraeth Cymru. Achubais ar y cyfle a gafwyd yn sgîl ymadawiad dau Ddirprwy Ysgrifennydd Parhaol i adolygu arweinyddiaeth Llywodraeth Cymru ar y lefel honno. O ganlyniad rwyf wedi troi'n ôl at y teitl "Cyfarwyddwr Cyffredinol" ar gyfer Arweinwyr pob grŵp. O 29 Ionawr 2018, penodais Gyfarwyddwr Cyffredinol newydd i arwain Swyddfa'r Prif Weinidog, sef Grŵp newydd a gafodd ei greu i wahanu swyddogaethau Grŵp yr Ysgrifennydd Parhaol oddi wrth Swyddfa'r Prif Weinidog (a oedd wedi'u cyfuno gynt fel Grŵp Swyddfa'r Prif Weinidog a Swyddfa'r Cabinet). Cafodd y ddwy swyddfa eu gwahanu, a hynny o 1 Ebrill 2018, i gryfhau'r arweinyddiaeth ar y lefel uchaf oll o ran cyflawni blaenoriaethau'r Prif Weinidog a materion sy'n ymwneud â'r Trefniadau Pontio Ewropeaidd. Mae'r pum Grŵp sydd bellach yn bodoli wedi'u rhannu ymhellach yn gyfarwyddiaethau sy'n cyd-fynd â'r meysydd cyfrifoldeb sydd wedi'u datganoli i Lywodraeth Cymru eu gweinyddu.

Mae Cyfarwyddwyr Cyffredinol yr Uwch Dîm Arwain yn cael eu dynodi'n Swyddogion Cyfrifyddu Ychwanegol i roi cyfrifoldeb ac atebolrwydd personol iddynt dros ddefnyddio arian cyhoeddus yn briodol a sicrhau gwerth am arian ar fy rhan innau. Mae rhai Cyfarwyddwyr penodol hefyd yn cael eu dynodi'n Swyddogion Cyfrifyddu Ychwanegol i gryfhau ymhellach drefniadau llywodraethiant corfforaethol ac atebolrwydd, a hynny ar gyfer defnyddio cronfeydd cyhoeddus ac wrth ateb i'r Pwyllgor Cyfrifon Cyhoeddus. Bydd yr Uwch Dîm Arwain yn mabwysiadu rôl fwy ffurfiol o ran gwneud penderfyniadau corfforaethol fel "Pwyllgor Gweithredol" Llywodraeth Cymru.

Rwyf wedi ymrwymo i fodloni'r rhwymedigaethau cyfreithiol sydd ar Lywodraeth Cymru i gyflawni ei gwaith yn unol â'r nodau a'r ffyrdd o weithio a nodir yn Neddf Llesiant Cenedlaethau'r Dyfodol (Cymru). Rwyf yn parhau i hybu ymddygiadau sy'n adeiladu ar weithio ar draws sefydliadau i gefnogi'r gwaith o gyflawni amcanion llesiant a'r strategaethau trawsbynciol a fabwysiadwyd gan Lywodraeth Cymru yn "Llesiant i Bawb". Bydd hyn yn helpu i gryfhau'r gwaith o ddarparu gwasanaethau mewn ffordd integredig at y dyfodol.

Mae'r Ddeddf yn ei gwneud yn ofynnol i Weinidogion Cymru adrodd ar gynnydd tuag at eu hamcanion llesiant yn flynyddol; cyhoeddodd Llywodraeth Cymru ei set gyntaf o amcanion llesiant ym mis Tachwedd 2016. Cafodd y rhain eu hadolygu a'u diwygio yn ystod y flwyddyn fel rhan o ddatblygu *Ffyniant i Bawb: y strategaeth genedlaethol* a gyhoeddwyd ym mis Medi 2017, i sicrhau bod yr amcanion llesiant yn parhau wrth wraidd holl waith y Llywodraeth. Ymrwymodd y Datganiad Llesiant, a gyhoeddwyd ochr yn ochr â *Ffyniant i Bawb* i roi gwybod am gynnydd yn rheolaidd ac i adolygu'r strategaeth genedlaethol ganol ei thymor. Caiff hwn ei ddarparu yn ystod y flwyddyn sydd i ddod.

Y Grŵp Busnes

Mae'r Grŵp Busnes yn bodoli i hwyluso rhannu gwybodaeth i sicrhau bod pob Cyfarwyddwr yn gwybod am y materion cyfredol ar draws y sefydliad. Yn ystod 2017/18, roedd cyfarfodydd yn cael eu cadeirio gan y Cyfarwyddwr Llywodraethiant a'u mynychu gan staff ar lefel Cyfarwyddwr ac yn uwch, gan gynnwys fi fy hun, ac roeddent yn cael eu cynnal yn rheolaidd yn ystod y flwyddyn.

Chwythu'r Chwiban

Cyfarfu'r Panel Chwythu'r Chwiban yn rheolaidd drwy gydol y flwyddyn i ystyried achosion chwythu'r chwiban, i sicrhau bod camau'n cael eu cymryd yn brydlon ond gyda gofal mawr, gan gadw cyfrinachedd. Mae'r polisi ar chwythu'r chwiban a Chod y Gwasanaeth Sifil yn esbonio beth ddylai staff ei wneud os ydynt yn amau cydweithiwr o gamwedd. Cyhoeddir gwybodaeth ar y fewnrwyd hefyd. Rwyf yn hyderus bod ein trefniadau ar gyfer chwythu'r chwiban yn dryloyw, ac yn gadarn ac yn cydymffurfio ag arferion da.

Hysbyswyd pedwar achos i'r Panel yn y flwyddyn:

Achosion o Chwythu'r Chwiban	2017-18	2016-17
Heb eu cadarnhau	2	2
Wedi'i ddatrys yn fewnol (materion yn ymwneud â staff)	1	3
Ddim yn fater i Lywodraeth Cymru	-	1
Cyngor wedi'i roi i'r chwythwr chwiban	1	-
Cyfanswm	4	6

Yn ogystal â Phanel Chwythu'r Chwiban sy'n delio ag achosion mewnol, mae'r Panel Sicrwydd Allanol yn mynd i'r afael â phryderon a godwyd mewn perthynas â sefydliadau sy'n cael arian cyhoeddus oddi wrth Lywodraeth Cymru. Mae'n cynnig ymateb cyson, cymesur a phriodol i bryderon am sut y mae ein partneriaid cyflenwi a buddiolwyr ein cynlluniau grant wedi ymdrin ag arian Llywodraeth Cymru. Mae'r Panel yn rhoi cyngor i swyddogion ac yn nodi materion y mae angen mynd i'r afael â hwy. Aeth y Panel i'r afael â 19 o achosion newydd yn y flwyddyn o'i gymharu â 10 o achosion yn 2016/17. Mae'r cynnydd hwn yn adlewyrchu gwell ymwybyddiaeth a dealltwriaeth o ddiben y panel a mwy o ymgysylltu ag ef. Mae hynny wedi digwydd yn sgil adolygiad o'i aelodaeth ac ychwanegu, ochr yn ochr ag arweinwyr gweithredol, gynrychiolwyr o'r pum Grŵp yn y sefydliad. Cafodd wyth achos byw eu trosglwyddo o'r flwyddyn flaenorol. Roedd deg achos yn dal yn agored ar ddiwedd y flwyddyn a chânt eu datrys yn ystod 2018/19. Nid oedd gan yr un ohonynt unrhyw oblygiadau disgyblu gydag Adnoddau Dynol nac o ran rheoli perfformiad.

Trefniadau Sicrwydd

Fel Prif Swyddog Cyfrifyddu, rwyf yn gyfrifol am adolygu effeithiolrwydd y fframwaith llywodraethiant gan gynnwys y system rheolaeth fewnol, yr wyf yn cymryd sicrwydd gan amrywiaeth eang o weithgareddau ar ei gyfer. Yn hyn o beth, fe'm hysbysir gan waith Archwilio Mewnol a'r swyddogion hynny yn Llywodraeth Cymru sy'n gyfrifol am ddatblygu a chynnal y fframwaith rheolaeth fewnol. Rwyf yn cymryd sicrwydd gan ymatebion rheolwyr i faterion a nodir gan yr Archwilydd Allanol (Archwilydd Cyffredinol Cymru) yn ei adroddiadau a hefyd gan ymatebion rheolwyr i adroddiadau a gyhoeddir gan y Pwyllgor Cyfrifon Cyhoeddus a Phwyllgorau Craffu Cynulliad Cenedlaethol Cymru yn cynnal eu hymchwiliadau eu hunain.

Rwyf wedi cael fy nghynghori hefyd ar effeithiolrwydd y system rheolaeth fewnol gan y Bwrdd a'r Pwyllgor Archwilio a Risg. Yn ogystal, ym Mai 2018, mynychais gyfarfod sicrwydd gyda darparwyr sicrwydd arweiniol ar draws Llywodraeth Cymru, i ystyried y sicrwydd sydd ar gael imi ar gyfer 2017/18.

Mae cyfrifoldebau Llywodraeth Cymru'n cwmpasu meysydd allweddol ar fywyd cyhoeddus, a hynny o dan arweiniad y Prif Weinidog a'r Cabinet, Ysgrifenyddion y Cabinet a'r Gweinidogion eraill. Mae ystod eang o reolaethau mewnol yn bodoli i ddarparu ar gyfer stiwardiaeth gadarn ar adnoddau. O'r sicrwydd yr wyf wedi'i gymryd o'r ffynonellau uchod, rwyf yn fodlon bod risg wedi'i rheoli'n dda a bod systemau llywodraethiant a rheolaeth fewnol yn parhau i weithredu'n effeithiol ac i wella.

Archwilio Mewnol

Mae Gwasanaeth Archwilio Mewnol Llywodraeth Cymru'n gweithredu yn unol â Safonau Archwilio Mewnol y Sector Cyhoeddus. Cynhaliodd Archwilio Mewnol raglen lawn o waith yn y flwyddyn yn seiliedig ar ddadansoddiad o'r prif risgiau sy'n wynebu'r sefydliad. Cyflwynodd Archwilio Mewnol adroddiadau rheolaidd i'r Pwyllgorau Archwilio a Risg, ar lefel Grŵp a lefel Llywodraeth Cymru, ar gynydd wrth roi'r cynllun archwilio hwn ar waith. Cyfarfûm yn rheolaidd â'r Pennaeth Archwilio Mewnol drwy gydol y flwyddyn i drafod materion archwilio a sicrwydd.

Mae'r Gwasanaeth Archwilio Mewnol yn cydgysylltu ei waith â gwaith Swyddfa Archwilio Cymru. Mae protocol cydweithio sefydledig yn sail i'r dull gweithredu sy'n cael ei gymryd ac mae cyfarfodydd cyswllt yn cael eu cynnal o bryd i'w gilydd i i rannu gwybodaeth. Gyda'i gilydd, mae'r ddwy ffynhonnell annibynnol hyn o sicrwydd yn rhoi cryn gysur imi o ran sicrhau gwerth am arian a dibynadwyedd y cyfrifon ariannol, yn achos Swyddfa Archwilio Cymru, ac o ran gweithredu'r fframwaith rheoli risg, llywodraethiant a rheolaeth, yn achos y Gwasanaeth Archwilio Mewnol.

Yn ei Hadroddiad Barn am Sicrwydd Blynyddol, rhoes Pennaeth Archwilio Mewnol sicrwydd "rhesymol" ar weithrediad y fframwaith llywodraethiant, rheolaeth a rheoli risg yn Llywodraeth Cymru. Er bod trefniadau'n cael eu cynllunio a'u cymhwyso'n effeithiol, mae sicrwydd rhesymol yn golygu bod ar rai materion angen sylw rheolwyr o ran rheolaeth neu gydymffurfio, ac maent yn agored i risg cymedrol nes cael eu datrys.

Cynhyrchodd y rhaglen o waith archwilio a gwblhawyd yn ystod 2017/18, sy'n gyrru'r farn sicrwydd gyffredinol a roddir, y safbwyntiau canlynol ar gyfer yr adroddiadau archwilio a roddir:

Barn Sicrwydd	2017-18	2016-17	2015-16
Sicrwydd Sylweddol	16	14	24
Sicrwydd Rhesymol	38	29	37
Sicrwydd Cyfyngedig	7	9	12
Dim Sicrwydd	0	0	0

Lle y nodwyd gwendidau mewn adroddiadau archwilio, gwnaed arsylwadau priodol i wella'r fframwaith rheolaeth a mynd i'r afael â'r mater a nodwyd.

Y Tîm Archwilio Cronfeydd Ewropeaidd

Ym mis Chwefror, cyflwynodd Tîm Archwilio Cronfeydd Ewropeaidd (EFAT) ddau adroddiad Rheoli Blynyddol a'i Farn i'r Comisiwn gyda'i farn sicrwydd ar Raglenni Cronfeydd Strwythurol a gafodd Cymru am y cyfnod 1 Gorffennaf 2016 i 30 Mehefinr 2017. Roedd yr adroddiadau yn seiliedig ar waith a wnaed gan EFAT yn unol â'i strategaethau archwilio ar gyfer y Rhaglenni. Rwyf yn falch bod EFAT wedi llwyddo i ddarparu barn ddiamod i'r Comisiwn. Derbyniodd y Comisiwn adroddiadau a barn EFAT yn ffurfiol ym mis Gorffennaf 2018.

Adroddiad Blynyddol y Pwyllgor Archwilio a Risg

Yn seiliedig at ei waith dros y cyfnod adrodd, yn Adroddiad Blynyddol y Pwyllgor ar gyfer 2017/18, rhoes y Pwyllgor Archwilio a Risg sicrwydd "rhesymol" ar ddigonolrwydd trefniadau archwilio mewnol i Lywodraeth Cymru ac ar ddibynadwyedd, uniondeb a natur gynhwysfawr y sicrwydd a roddir imi mewn perthynas â llywodraethiant a rheoli risg. Rwyf yn fodlon bod y Pwyllgor Archwilio a Risg wedi gweithredu'n effeithiol ac wedi darparu cymorth da wrth fonitro ac adolygu prosesau risg, rheolaeth a llywodraethiant.

Holiaduron Rheolaeth Fewnol a Datganiadau Sicrwydd Blynyddol

Fe'i gwneuthum yn ofynnol hefyd i'r holl Gyfarwyddwyr gwblhau Holiadur Rheolaeth Fewnol ac, ar sail yr wybodaeth hon, i Gyfarwyddwyr Cyffredinol pob Grŵp baratoi eu Datganiad Sicrwydd personol er mwyn rhoi i mi eu hasesiad o effeithiolrwydd fframweithiau rheolaeth fewnol eu Grŵp.

Trwy'r Holiadur, mae'r Cyfarwyddwyr wedi rhoi imi eu hunanasesiadau o reolaeth fewnol, llywodraethiant a rheoli risg a'u hystyriaethau ynghylch pa mor effeithiol y mae rheolaethau wedi gweithredu drwy gydol y flwyddyn ariannol. Mae'r Cyfarwyddwyr Cyffredinol wedi rhoi trosolwg o lywodraethiant, rheolaeth a rheoli risg o fewn eu priod Grwpiau. Mae'r rhain wedi cynnwys sicrwydd cadarnhaol mewn perthynas â'r Modelau Dadansoddi Allweddol o ran Busnes a ddefnyddir ar draws Llywodraeth Cymru sy'n cefnogi ystod o weithgareddau megis y Model Ad-dalu Cymorth Prynu a'r Model Cenedlaethol Categorioidio Ysgolion.

Materion Rheolaeth Fewnol

Mae'r sicrwydd cadarnhaol yr wyf wedi'i gael yn rhoi hyder imi fod gan Lywodraeth Cymru, yn gyffredinol, fframweithiau cadarn a threfnus o lywodraethiant a rheolaeth fewnol. Er hynny, datgelwyd rhai materion nodedig yn y fframweithiau hyn yn ystod y flwyddyn ac mae camau'n cael eu cymryd i fynd i'r afael â'r rhain ac i wneud gwelliannau, fel y nodir isod.

Gwneud penderfyniadau

Mae adolygiadau gan Archwilydd Cyffredinol Cymru a'r Pwyllgor Cyfrifon Cyhoeddus wedi nodi rhai gwelliannau y mae eu hangen ym maes llywodraethiant mewn perthynas â'r cymorth ariannol a roddir i fusnesau yng Nghymru, gan gynnwys buddsoddiadau yn Pinewood a Chylchffordd Cymru. Mae Swyddfa Archwilio Cymru hefyd yn edrych ar ansawdd y dadansoddiad a'r dystiolaeth a dilysrwydd y rhagdybiaethau sy'n sail i gynllun teithio rhatach ar fysiau sef "Fy Ngherdyn Teithio". Yn ystod y flwyddyn mae Archwilio Mewnol hefyd wedi cynnal adolygiad o Wybodaeth Ariannol mewn Cyngor Gweinidogol lle y gwnaethant lwyddo i ddarparu sicrwydd cyfyngedig yn unig. Nodwyd gwendidau mewn pedwar maes gan gynnwys; proses a gweithdrefn, goruchwyllo corfforaethol, cydymffurfiaeth a gwelliant parhaus. Rwyf yn croesawu'r gwaith craffu hwn ar ein prosesau, sy'n ein helpu i wneud gwelliannau mewn meysydd megis llywodraethiant a chadw cofnodion, gan gynnwys trywydd archwilio dogfennau yn ategu'r rhesymeg sy'n sail i'n penderfyniadau, ac ansawdd ein cyngor i'r Gweinidogion. Yn ogystal â gwelliannau penodol i'n prosesau busnes, rwyf wedi cyflwyno menter "Diogelu'r Dyfodol" a fydd yn gwella hyfforddiant i staff mewn meysydd megis gwneud penderfyniadau a rheolaeth ariannol.

Dileadau

Dengys y cyfrifon gynnydd sylweddol yng ngwerth dyledion sy'n cael eu dileu o'i gymharu â'r llynedd. Er hynny, rwyf yn hyderus nad yw hyn yn arwydd o gymryd risgiau diangen, ond yn hytrach, yn adlewyrchiad o brosesau mwy llym sy'n cael eu rhoi ar waith yng ngoleuni adolygiadau gan Archwilio Mewnol. Er bod y lefel yn uwch, mae'r dyledion sydd wedi'u dileu yn y cyfnod hwn yn hanesyddol eu natur yn bennaf, gan gynnwys dileu'r benthyciad i G24 Innovations Limited a benthyciad a grant ad-daladwy i Kancoat Limited a Cardiff Aviation Limited, gyda dileadau pellach mewn perthynas â McKenzie Interior a Regal Fayre UK Ltd. Rwyf yn fodlon bod y prosesau diwygiedig yn sicrhau bod dyledion yn cael eu rheoli mewn ffordd amserol.

Cyrff Hyd Braich

Yn sgil digwyddiadau mewn Corff Hyd Braich, cynhaliwyd adolygiad o'n trefniadau nawdd mewnol i sicrhau eu bod yn gweithredu'n effeithiol i gefnogi ein Cyrff Hyd Braich. Cafwyd bod y trefniadau hyn yn effeithiol ar y cyfan ond gyda lle i wella i sicrhau dull gweithredu mwy cyson sy'n ychwanegu gwerth ar draws Llywodraeth Cymru. Rydym wedi sefydlu uned cyrff cyhoeddus newydd i fwrw ymlaen ag argymhellion yr Adolygiad ac i gyflawni gweithgareddau nawdd yn fwy effeithiol a chydag ymgysylltu gwell â'n Cyrff Hyd Braich, yn unol â'n cyfrifoldebau o dan Ddeddf Llesiant Cenedlaethau'r Dyfodol.

O safbwynt llywodraethu Cyrff Hyd Braich, sefydlwyd Trafnidiaeth Cymru yn y gorffennol diweddar i gyflenwi nifer o brosiectau trafndiaeth mawr ar ran Llywodraeth Cymru. Rydym wedi cydnabod yr angen i adolygu llywodraethiant Trafnidiaeth Cymru ar ôl i'w gylch gwaith gwreiddiol gael ei ehangu, o gofio blaenoriaeth y prosiectau sydd bellach yn cael eu cyflenwi.

Yn 2015-16 a 2016-17 amododd Archwilydd Cyffredinol Cymru ei farn reoleidd-dra ar gyfer Datganiadau Ariannol Cyfoeth Naturiol Cymru mewn perthynas â dyfarnu contractau gwerthu pren. Yn 2017-18 mae'r rheoleidd-dra wedi cael ei amodi eto mewn perthynas â dyfarnu 50 o gontractau newydd i werthu pren. Mae Cyfoeth Naturiol Cymru wedi derbyn canfyddiadau'r Archwilydd Cyffredinol. Mae wedi ymrwymo'n llawn i fynd i'r afael â'r materion llywodraethiant o dan arweinyddiaeth eu Prif Weithredwr newydd, a ddechreuodd yn ei rôl yn 2018 ac mae swyddog o Lywodraeth Cymru wedi'i secondio i Cyfoeth Naturiol Cymru i helpu i wella trefniadau llywodraethiant.

Torri hawlfraint

Honnir bod hawlfraint wedi'i thorri gan Croeso Cymru mewn ffotograff yn nhŷ cwch Dylan Thomas a oedd yn ddarwybod yn cynnwys ffotograff y mae trydydd parti yn hawlio hawlfraint arno ac aed i gostau wrth ddatrys y sefyllfa hon gyda deiliad yr hawlfraint.

Materion Twyll

Tua diwedd 2016, cafodd Llywodraeth Cymru ohebiaeth ddiennw yn honni twyll yn y defnydd o grantiau Llywodraeth Cymru gan elusen o Bort Talbot. Cwblhaodd Llywodraeth Cymru ei hymchwiliad i'r honiadau hyn yn ystod 2017/18 ac, o ganlyniad, mae wedi mynnu ad-daliad o chwarter o arian grant y Gymuned Ewropeaidd a swm bach o grant domestig Llywodraeth Cymru, sy'n cael eu hadennill trwy weithdrefnau arferol adennill dyled.

Mae Datganiadau Llywodraethiant mewn blynyddoedd blaenorol wedi cynnwys sylwadau am dwyll a nodwyd yn y cynllun Tocynnau Bws Rhatach; mae ymchwiliadau'r heddlu yn dal i fynd rhagddynt ac fe ddisgwylir erlyniadau pellach. Serch hynny, rwyf yn dal yn sicr bod y camau a gymerir i wella ein gallu i wrthsefyll twyll, gan gynnwys defnyddio dadansoddeg data i holi gwybodaeth reoli, yn cynnig rheolaeth fewnol effeithiol yn y maes hwn.

Cadarnhawyd yr hyder hwn yn y flwyddyn gan adolygiad annibynnol o'n Huned Wrth-dwyll, gan wasanaeth Asiantaeth Archwilio Mewnol y Llywodraeth ar gyfer ymchwilio i dwyll. Barnodd yr asesiad ei fod yn wasanaeth sy'n perfformio'n dda ac yn effeithiol, o gofio ei adnoddau presennol. At y dyfodol, rydym yn edrych ar ddewisiadau i ddarparu ymwybyddiaeth staff a hyfforddiant a gwaith rhagweithiol ym maes gwrth-dwyll ac asesu risg.

Llywodraethu Gwybodaeth

Fel Prif Swyddog Cyfrifyddu, rwyf yn gyfrifol am sicrhau bod trefniadau priodol yn bodoli i gydymffurfio â'r set graidd o fesurau gofynnol gorfodol i amddiffyn gwybodaeth yn Adrannau'r Llywodraeth. Mae hynny'n ei gwneud yn ofynnol imi asesu ein risg a sicrhau bod strategaethau lliniaru priodol yn bodoli.

Lle bo trydydd partïon yn ymdrin â gwybodaeth y mae Llywodraeth Cymru'n gyfrifol amdani yn gyfreithiol, mae'n bwysig bod cyngor a chyfarwyddyd yn cael eu rhoi iddynt am sut y mae rhaid ymdrin â'r wybodaeth honno. Mae diogelwch TG yn cael ei asesu cyn dyfarnu contract lle mae gwybodaeth bersonol yn cael ei phrosesu gan drydydd partïon, ac mae cymalau sicrhau gwybodaeth yn cael eu cynnwys yn safonol mewn manylebau gofynion trwy gyfrwng Llythyr Agweddau Diogelwch. Rydym hefyd yn cadarnhau bod y rhai sy'n prosesu ein gwybodaeth sensitif yn destun Gwiriad Iechyd TG annibynnol ac yn bodloni'r safon "Cyber Essentials".

Mae systemau TG corfforaethol Llywodraeth Cymru a'i pholisïau diogelwch cysylltiedig yn parhau i gydymffurfio ag ISO 27001, y safon ryngwladol ar gyfer rheoli diogelwch gwybodaeth, ac yn cyd-fynd ag arferion a gweithdrefnau a argymhellir. Cadarnhawyd hyn gan y rhaglen o waith archwilio a wnaed gan Archwilio Mewnol, adolygiad lefel uchel yn y GE o archwiliad cydymffurfiaeth ISO27001, a chan i sicrwydd cadarnhaol yr wyf wedi'i gael gan Uwch-berchennog Risg Gwybodaeth Llywodraeth Cymru.

Yn 2017/18, cafwyd 40 o golledion data o'i gymharu â 33 ar gyfer 2016/17. Hysbyswyd pedwar achos o golli data i Swyddfa'r Comisiynydd Gwybodaeth yn ystod y flwyddyn ond ni chymerwyd camau pellach gan fod y comisiynydd o'r farn bod rheolaethau Llywodraeth Cymru megis hyfforddiant staff, polisïau clir a chyfarwyddiadau desg eisoes yn bodoli. Nodir mân ddigwyddiadau nad oes angen eu hysbysu isod:

Crynodeb o Ddigwyddiadau eraill yn ymwneud â Data Personol a Ddiogelir			
Isod, nodir digwyddiadau nad yw'r Rheolydd Data yn barnu eu bod yn perthyn i'r meini prawf ar gyfer adrodd i Swyddfa'r Comisiynydd Gwybodaeth, ond sy'n cael eu cofnodi'n fewnol			
Math	Natur y digwyddiad	2016/17	2017/18
I	Colli offer electronig, dyfeisiau neu ddogfennau papur, sydd heb gael eu diogelu'n ddigonol, o safleoedd diogel y Llywodraeth	5	1
II	Colli offer electronig, dyfeisiau neu ddogfennau papur, sydd heb gael eu diogelu'n ddigonol, o'r tu allan i safleoedd diogel y Llywodraeth	2	1
III	Gwaredu mewn modd anniogel offer electronig, dyfeisiau neu ddogfennau papur sydd heb gael eu diogelu'n ddigonol	0	1
IV	Datgeliad heb ei awdurdodi	21	34
V	Arall	5	3

Rwyf yn cymryd sicrwydd o'r gwaith a wnaed gan y Gwasanaeth Archwilio Mewnol yn ystod y flwyddyn, a gadarnhaodd fod trefniadau rheoli yn y maes hwn yn ddigonol, ond rydym yn parhau i weithio i fynd i'r afael â'r rhesymau drostynt.

Yn ystod y flwyddyn, gwnaed trefniadau i baratoi Llywodraeth Cymru ar gyfer gorfodi'r Rheoliad Cyffredinol ar Reoli Data (GDPR) o 25 Mai 2018. Er enghraifft, dechreuodd yr adolygiad o Gofrestrau Asedau Gwybodaeth a Hysbysiadau (Prosesu Teg) Preifatrwydd ac aed ati i adrodd ar yr holl golledion data o fewn yr amser llai a ganiateir o dan GDPR cyn y dyddiad gorfodi. Er hynny, mae paratoi ar gyfer y rheoliadau newydd hyn wedi bod yn gryn her i gorff megis Llywodraeth Cymru o gofio ehangder ac amrywiaeth y data personol yr ymdrinnir ag ef. Rhoes archwiliad parodrwydd ar gyfer GDPR yn Rhagfyr 2017 ganllaw i'r gwaith y mae ei angen i sicrhau cydymffurfiaeth. Roedd cryn gynnydd wedi'i wneud erbyn y dyddiad gorfodi ac mae gwaith yn parhau i sicrhau bod pob agwedd ar gasglu, prosesu, cofnodi ac ymdrin â data personol gan Lywodraeth Cymru yn cydymffurfio.

Atebolrwydd Lleol

Mae cyfran sylweddol o wariant Llywodraeth Cymru'n cael ei ddosbarthu i awdurdodau lleol Cymru a GIG Cymru i gyflawni amcanion polisi ac ystod o wasanaethau rheng flaen, gan gynnwys iechyd, gofal cymdeithasol ac addysg. Mae Cyfarwyddwr Cyffredinol y Grŵp Iechyd a Gwasanaethau Cymdeithasol yn Llywodraeth Cymru hefyd yn Brif Weithredwr GIG Cymru.

Awdurdodau Lleol

Rhoddir cyllid grant i Awdurdodau Unedol, Awdurdodau Tân ac Achub, Awdurdodau Parciau Cenedlaethol a Chomisiynwyr Heddlu a Throseddau yng Nghymru. Y gydran unigol fwyaf o gyllid grant yw'r Grant Cynnal Refeniw a delir i'r awdurdodau unedol, y gellir ei defnyddio at unrhyw ddiben wrth ddarparu'r Gwasanaethau y mae'r awdurdodau hynny'n gyfrifol amdanynt. Dosberthir y Grant Cynnal Refeniw ar sail fformiwlâ sy'n adlewyrchu'r ffactorau sydd wrth wraidd angen yr Awdurdodau i wario i ddarparu ystod eang o wasanaethau, gan gynnwys addysg a gofal cymdeithasol.

Darperir cyllid hefyd i'r Awdurdodau trwy grantiau na ellir eu defnyddio ond at y dibenion penodol y'u darperir ar eu cyfer. Yn ogystal, mae'r Awdurdodau Unedol yn cael rhai grantiau penodol oddi wrth Adrannau Llywodraeth y DU ar gyfer swyddogaethau sydd heb eu datganoli, incwm o ardrethi annomestig a bennir yn genedlaethol ac a ddosberthir gan Lywodraeth Cymru, o'r Dreth Gyngor a bennir yn lleol, ac o ffioedd, taliadau a ffynonellau incwm eraill. Mae Awdurdodau Unedol hefyd yn cael grantiau Llywodraeth Cymru ar gyfer gwario cyfalaf, sy'n cael ei atodi gan eu gallu benthyca eu hunain.

Mae trefniadau tebyg yn berthnasol i'r ddarpariaeth ar gyfer Comisiynwyr Heddlu a Throseddau, sy'n cael eu hariannu trwy gymysgedd o Grant Cynnal Refeniw ac ardrethi annomestig wedi'u hailddosbarthu oddi wrth Lywodraeth Cymru a Grant yr Heddlu oddi wrth y Swyddfa Gartref, o grantiau penodol ac o'r dreth gyngor. Mae awdurdodau eraill yn cael eu hariannu trwy drefniadau megis ardollau a phraeseptau.

Mae pob Awdurdod yn atebol am sut y mae'n defnyddio'r cyllid i gyflawni'r swyddogaethau y mae'n gyfrifol amdanynt. Mae gan Awdurdodau Unedol swyddog penodedig o dan adran 151 o Ddeddf Llywodraeth Leol 1972 sydd â dyletswyddau statudol i sicrhau bod materion ariannol yn cael eu gweinyddu'n briodol. Mae'r awdurdodau'n cael eu dal i gyfrif gan eu swyddogaethau craffu ac maent hefyd yn destun archwiliadau gwella blynyddol a gynhelir gan Archwilydd Cyffredinol Cymru, sy'n ymdrin â gwerth am arian yn ogystal â materion llywodraethiant a galluogrwydd.

O ran cyllid a ddarperir at ddibenion penodol, mae telerau ac amodau grantiau yn gyfrifoldeb i'r adrannau polisi perthnasol. Mae'n ofyniad o dan y telerau a'r amodau hyn i roi sylw dyledus i Safonau Gofynnol y Ganolfan Ragoriaeth Grantiau ar gyfer cyllid grant. Dylai cadw at y safonau hyn sicrhau y cydymffurfir â threfniadau llywodraethiant ac ariannol Llywodraeth Cymru, ynghyd â'r gyfraith, y polisiâu a'r arferion da perthnasol. O ran y cyllid a ddarperir gan Lywodraeth y DU mewn perthynas â swyddogaethau heb eu datganoli, cytunir ar y trefniadau ar gyfer atebolrwydd rhwng yr Awdurdodau Lleol a'r Adran berthnasol o Lywodraeth y DU.

Yn ystod y flwyddyn, rhoes Gweinidog Iechyd y Cyhoedd a Gwasanaethau Cymdeithasol ar y pryd rybudd i Gyngor Powys o dan ran 8 o Ddeddf Gwasanaethau Cymdeithasol a Llesiant (Cymru) 2014 yn sgil adroddiad arolygu beirniadol a danlinellodd feysydd o bryder sylweddol i fynd i'r afael â hwy mewn perthynas â'i wasanaethau plant. Yn ogystal, cododd yr adroddiad faterion sylweddol mewn perthynas

ag effeithiolrwydd gwasanaethau corfforaethol y Cyngor. Yn sgil yr adroddiad, ym mis Tachwedd 2017, gwnaed cais am gymorth ffurfiol gan Arweinydd Cyngor Powys i Ysgrifennydd y Cabinet dros Lywodraeth Leol a Gwasanaethau Cyhoeddus.

Derbyniodd Ysgrifennydd y Cabinet y cais ac ymarfer ei bwerau o dan Fesur Llywodraeth Leol (Cymru) 2009 i roi cymorth i Bowys gyda'r gwelliant corfforaethol. Wrth wneud hynny, fe gyfunodd waith gwella gwasanaethau cymdeithasol yn un rhaglen, o dan oruchwyliaeth bwrdd gwella a sicrwydd sy'n cael ei gadeirio'n annibynnol sy'n rhoi cymorth i Arweinydd y Cyngor a'r Prif Weithredwr Dros Dro.

Mae penodiadau eraill wedi'u gwneud i gryfhau llywodraethiant a goruchwyllo yn y Cyngor ac mae'n parhau i ganolbwyntio ar wella'r broses o ddarparu a llywodraethu gwasanaethau cymdeithasol a hefyd strategaeth a chapasiti, yn ogystal â pherfformiad ac ansawdd, gweledigaeth, newid sefydliadol a chryfhau'r sefyllfa gyllidebol. Mae Cyngor Powys wedi gwneud cynnydd wrth fynd i'r afael â'r materion hyn ond mae'n dal i wynebu heriau sylweddol mewn perthynas â chryfhau ei arweinyddiaeth a'i gapasiti corfforaethol.

Mae Cynadleddau Gwella a Chymorth, gan gynnwys cynrychiolwyr o Swyddfa Archwilio Cymru, Estyn, AGGCC a CLILC, yn parhau i gael eu cynnal yn rheolaidd i drafod ble y gellid cynnig cymorth ychwanegol i gefnogi gwella'r awdurdodau lleol.

Iechyd

Mae Byrddau Iechyd Lleol (BILI) yn cael eu hariannu i gomisiynu a darparu Gwasanaethau Ysbytai ac Iechyd Cymunedol ac i dalu cost cyffuriau a ragnodir gan Ymarferwyr Cyffredinol ar gyfer eu poblogaethau preswyl. Darperir arian hefyd i dalu costau taliadau i gontractwyr annibynnol gan gynnwys Ymarferwyr Cyffredinol, Ymarferwyr Deintyddol Cyffredinol a Fferyllwyr. Mae arian wedi'i dargedu yn cael ei ychwanegu at y dyraniad craidd er mwyn helpu i gyflawni amcanion Llywodraeth Cymru. Darperir cyllid cyfalaf i Fyrdau Iechyd Lleol i gefnogi Rhaglen Gyfalaf Cymru Gyfan ac mae cyllid cyfalaf disgresiynol hefyd yn cael ei ddarparu i gefnogi blaenoriaethau a nodir yn lleol.

Yn ei Ddatganiad Llywodraethiant ar gyfer 2017-18 mae Prif Weithredwr y GIG wedi adrodd bod pob BILI a phob Ymddiriedolaeth y GIG wedi datgan eu hasesiad, yn eu priod Ddatganiadau Llywodraethiant Blynyddol, fod systemau cadarn o reolaeth fewnol ar waith i gefnogi darparu eu nodau ac amcanion polisi ar gyfer 2017-18. Mae chwe BILI a phob un o dair Ymddiriedolaeth y GIG wedi casglu nad oes materion llywodraethiant sylweddol yn y Datganiadau Llywodraethiant Blynyddol, ond maent wedi nodi meysydd llywodraethiant lle y mae angen gwelliannau. Nododd Bwrdd Iechyd Prifysgol Betsi Cadwaladr rai materion rheolaeth fewnol neu lywodraethiant yn ymwneud ag adborth oddi wrth: Llywodraeth Cymru gan gynnwys mesurau arbennig, Asesiad Strwythuredig a Chyd-adolygiad Swyddfa Archwilio Cymru ag Arolygiaeth Gofal Iechyd Cymru, adroddiadau Archwilio Mewnol a chanfyddiadau ymchwiliad Gwasanaeth Cynghori Iechyd a Gofal Cymdeithasol i'r gofal a roddwyd o gleifion ar ward Tawel Fan yn Ysbyty Glan Clwyd.

2017-18 yw'r bedwaredd flwyddyn i gyfrifon BILI ac Ymddiriedolaethau'r GIG gael eu paratoi o dan drefn ariannol tair blynedd y GIG a gyflwynwyd o dan Ddeddf Cyllid y Gwasanaeth Iechyd Gwladol (Cymru), gydag effaith o 1 Ebrill 2014.

Roedd Archwilydd Cyffredinol Cymru o'r farn bod holl gyfrifon y GIG ar gyfer 2017-18 yn 'gywir a theg'. Mae chwech o'r deg corff wedi cydymffurfio â'r ddyletswydd i fantoli'r gyllideb dros gyfnod statudol drwy weithio o fewn eu cyllidebau yn ystod y cyfnod asesu tair blynedd. Cynhyrchodd Aneurin Bevan a Chwm Taf wargedau yn 2017-18 o £5.4 miliwn a ddychwelwyd i Lywodraeth Cymru i'w hailddarparu yn 2018-19.

Ni wnaeth pedwar o'r deg corff gyflawni eu dyletswydd ariannol i fantoli'r gyllideb dros gyfnod o dair blynedd: Gweithiodd Bwrdd Iechyd Prifysgol Abertawe Bro Morgannwg o fewn ei ddyraniad ar gyfer 2015-16 ond methodd â gwneud hynny ar gyfer 2016-17 a 2017-18; gweithiodd Bwrdd Iechyd Prifysgol Caerdydd a'r Fro o fewn ei ddyraniad ar gyfer 2015-16 ond methodd â gwneud hynny yn 2016-17 a 2017-18; methodd Bwrdd Iechyd Prifysgol Betsi Cadwaladr a Bwrdd Iechyd Prifysgol Hywel Dda â gweithio o fewn eu dyraniadau yn ystod pob un o'r tair blynedd dan sylw. Felly, mae'r pedwar corff hwn wedi methu â bodloni eu dyletswydd statudol ar gyfer yr ail gyfnod o dair blynedd, ac o ganlyniad, maent wedi cael barn amodol ar reoleidd-dra gan Archwilydd Cyffredinol Cymru ar gyfer eu cyfrifon yn 2017-18.

Yn 2017-18, dywedodd y pedwar bwrdd iechyd hyn na fyddent yn gallu mantoli'r gyllideb a chynlluniasant ar gyfer diffyg yn eu halldro. I gynnal disgyblaeth ariannol y cyrff hyn, mae Llywodraeth Cymru wedi gosod cyfansymiau rheolaeth ariannol ar gyfer uchafswm y diffyg yn 2017-18. Mae dau gorff – Bwrdd Iechyd Abertawe Bro Morgannwg a Bwrdd Iechyd Caerdydd a'r Fro – wedi gwella eu sefyllfa o ran diffyg yn 2017-18 o'i chymharu â 2016-17, ac roedd eu canlyniadau hefyd yn well na'r cyfansymiau rheoli diffyg a osodwyd gan Lywodraeth Cymru.

Yn 2015-16 a 2016-17, darparodd Llywodraeth Cymru gyllid afreolaidd ychwanegol o £14.4m yn ystod pob blwyddyn i Fwrdd Iechyd Hywel Dda, fel cymorth strwythurol tymor byr. Yn ystod 2017-18, ni ddarparwyd unrhyw gyllid ychwanegol, gan fod Llywodraeth Cymru ar fin comisiynu adolygiad seiliedig ar sero o sylfaen gost y Bwrdd. Ar 23 Mai 2018, cyhoeddwyd canfyddiadau'r adolygiad hwnnw a gadarnhaodd yn rhannol fod Bwrdd Iechyd Hywel Dda yn wynebu cyfres unigryw o heriau gofal iechyd sydd wedi cyfrannu at y diffygion a ysgwyddir gan y Bwrdd. Mewn ymateb caiff £27m o gyllid cylchol ychwanegol o ei ddarparu i Hywel Dda o 2018-19 ymlaen.

Mae Bwrdd Iechyd Betsi Cadwaladr yn dal i fod o dan Fesurau Arbennig ac, er gwaetha'r cynnydd a wnaed mewn rhai meysydd pwysig, mae'n dal i wynebu heriau sylweddol. Yn ystod 2017-18, yn ogystal â meysydd eraill sydd o dan fesurau arbennig, cafodd y statws uwchgyfeirio ei godi mewn perthynas â rheolaeth ariannol a meysydd perfformiad allweddol. Rhoddwyd fframwaith i'r Bwrdd Iechyd ar 8 Mai 2018 sy'n nodi'r disgwyliadau ar gyfer y 18 mis nesaf.

Mae pob bwrdd iechyd lleol a adroddodd am ddiffygion ariannol yn 2017-18 wedi cael adroddiadau o adolygiadau llywodraethiant ariannol annibynnol a gomisiynwyd gan Lywodraeth Cymru, ac maent wedi datblygu a chyhoeddi cynlluniau gweithredu i'w rhoi ar waith. Mae cynnydd ar gyflawni'r camau hyn yn cael ei fonitro drwy gyfarfodydd ymyrraeth rheolaidd Llywodraeth Cymru â'r byrddau hyn. Aeth y pedwar bwrdd iechyd a fethodd â mantoli'r cyfrifon yn 2017/18 i ddiffygion o £167.5m.

Mae cymorth arian parod ychwanegol yn parhau i gael ei roi yn ôl yr angen i'r holl fyrddau sydd mewn diffyg ariannol i'w galluogi i gyflawni eu hymrwymadau arian parod arferol, gan gynnwys gwariant y gyflogres. Bydd modd ad-dalu'r cymorth arian parod hwn yn ystod blynyddoedd ariannol y dyfodol pan fo'n briodol, a phan fo cynlluniau gwell wedi'u datblygu a'u cymeradwyo.

Gan gymryd i ystyriaeth y gwargedau byrddau lechyd a gafodd eu brocera yn ystod 2017-18, ac effaith newidiadau i gyllid strwythurol anghylchol Hywel Dda, roedd yr alldro net cyffredinol ar gyfer GIG Cymru yn 2017-18 ychydig yn well na sefyllfa 2016-17.

Cymerwyd camau drwy gydol 2017-18 i reoli'r diffygion a gafwyd yn y gyllideb lechyd a Gwasanaethau Cymdeithasol. O ganlyniad, nid yw'r dyraniad i'r cyllideb lechyd a Gwasanaethau Cymdeithasol wedi'i dorri ac nid yw cyllideb Llywodraeth Cymru yn gyffredinol wedi'i thorri.

Proffil Risg

Mae proffil risg Llywodraeth Cymru yn helaeth ac yn amrywiol, fel y byddid yn disgwyl, o gofio'r ystod eang o wahanol weithgareddau y mae'n ymwneud â hwy. Mae nifer o risgiau digwyddiadol (heriol ond annhebygol o gael eu gwireddu) sy'n deillio o'i chyfrifoldebau rheoleiddio, er enghraifft, ei chyfrifoldebau pe bai achosion o glefyd pobl neu anifeiliaid yn codi yng Nghymru, ei chyfrifoldeb dros seilwaith trafnidiaeth Cymru a'i rhwymedigaethau o dan y gwarantau y mae'n eu gwneud o bryd i'w gilydd i gefnogi busnesau yng Nghymru. Yn ogystal â risgiau digwyddiadol, mae Llywodraeth Cymru'n ysgwyddo nifer o risgiau hirdymor lle mae'r risg yn deillio o'r ansicrwydd sydd ynghlwm wrth y canlyniad neu'r gost iddi, megis Benthyciadau i Fyfyrrwyr a'r cynllun "Cymorth Prynu". O ddydd i ddydd mae risgiau gweithredol yn codi, yn gyffredinol, yn sgil yr her o sicrhau digon o gapasiti a galluogrwydd i gynghori ar amcanion polisi allweddol y Prif Weinidog a'i Gabinet, ac i'w cyflawni.

Y mater mwyaf allweddol ar y Gofrestr Risg Corfforaethol yw lefel yr ansicrwydd ynghylch amseriad a chanlyniad y Trefniadau Pontio Ewropeaidd yn ogystal â'i effaith debygol ar Gymru, a allai beri bygythiadau a chyfleoedd i economi Cymru yn gyffredinol. Er bod rhai materion wedi dechrau dod yn gliriach, mae gormod o ansicrwydd o hyd i allu asesu'r effaith gyffredinol.

Mae Bwrdd Llywodraeth Cymru'n adolygu adnoddau yn ymwneud â Brexit yn rheolaidd. Mae Tîm y Trefniadau Pontio Ewropeaidd yn arwain y gwaith o ddatblygu Polisi Strategol ac yn cydgyssylltu gwaith Llywodraeth Cymru ar ymadawiad y DU â'r UE ac yn arddel ein buddiannau a'n blaenoriaethau, fel y'u nodir yn y Papur Gwyn 'Diogelu Dyfodol Cymru' (Ionawr 2017). Roedd dogfennau polisi pellach a gyhoeddwyd yn 2017/18 yn ymwneud â 'Brexit a Datganoli', Brexit a Thegwch o ran Symudiad Pobl' a 'Buddsoddi Rhanbarthol yng Nghymru ar ôl Brexit' a 'Polisi Masnachu: y materion i Gymru'.

Mae Is-bwyllgor y Cabinet ar y Trefniadau Pontio Ewropeaidd yn rhoi cyfeiriad strategol ac yn sicrhau bod penderfyniadau polisi allweddol yn cael eu gwneud i sicrhau'r canlyniad gorau i bobl Cymru wrth i'r DU ymadael â'r UE. Mae Grŵp o Swyddogion y Trefniadau Pontio Ewropeaidd sy'n cynrychioli adrannau ar draws Llywodraeth Cymru yn cefnogi Is-bwyllgor y Cabinet ar y Trefniadau Pontio Ewropeaidd. Mae is-grwpiau ar Ddeddfwriaeth, Fframweithiau a'r Economi yn cefnogi'r gwaith.

Mae'r tîm yn parhau i gydweithio'n agos â thîm Llywodraeth Cymru ym Mrwsel ac ar draws adrannau polisi perthnasol, ac yn creu cysylltiadau â Llywodraeth y DU a llywodraethau datganoledig eraill trwy system y Cyd-bwyllgor Gweinidogion a sianeli eraill. Mae Grŵp Cynghori allanol ar Ewrop yn cynghori Llywodraeth Cymru ar y goblygiadau i Gymru pan fydd y DU yn ymadael â'r UE, ochr yn ochr ag ystod o fforymau rhanddeiliad eraill.

Yn gysylltiedig â'r risg hwn mae gallu a galluogrwydd swyddogion yn Llywodraeth Cymru i ymateb i'r heriau a'r llwyth gwaith a ddisgwylir yn sgil y Trefniadau Pontio Ewropeaidd yn dal yn destun pryder. Cafodd rhaglen sylweddol i ddiogelu'r gweithlu at y dyfodol i allu darparu yn effeithiol ac yn hyblyg ei rhoi ar waith yn y flwyddyn a bydd yn gallu cefnogi ail-flaenoriaethu adnoddau i ddiwallu anghenion yn y dyfodol.

Mae'r Bwrdd wedi cynnwys nifer o risgiau newydd yn ystod y flwyddyn sef:

- y risg o dân mewn tyrau o fflatiau yng Nghymru;
- y risgiau sydd ynghlwm wrth ddarparu strategaethau trawsbynciol a nodir yn "Ffyniant i Bawb" a "Symud Cymru Ymlaen";
- nifer o raglenni o bwys a nodwyd yn Ffyniant i Bawb fel gweithgareddau blaenoriaethol sy'n allweddol i ddarparu strategaeth gyffredinol Llywodraeth Cymru, megis y Rhaglen Addysg a nodau uchelgeisiol i gynyddu nifer y siaradwyr Cymraeg.

Yn ogystal, yn sgil methiant Carillion Group, cynhaliwyd ymarfer i asesu'r risg sydd i Lywodraeth Cymru. Nododd swyddogion nifer bach o gontractau a osodwyd i Carillion gan Lywodraeth Cymru ond oherwydd camau a gymerwyd adeg gosod y contractau hyn llwyddwyd i ddiogelu buddiannau Llywodraeth Cymru.

Y Gallu i Ymdrin â Risg

Seilir polisi rheoli risg Llywodraeth Cymru ar ganllawiau “Llyfr Oren” Trysorlys Ei Mawrhydi ar gyfer rheoli risg ac mae’n anelu at sicrhau bod proses gyson yn bodoli ar gyfer mesur, rheoli, monitro ac adrodd ar risg ar draws y sefydliad. Ni ddylai rheoli risg yn effeithiol beri bod Llywodraeth Cymru’n ymdrechu’n ormodol i osgoi risg ac wrth fynd ar drywydd ei hamcanion, mae’n barod i gymryd risgiau sydd wedi’u hasesu, eu gwerthuso a’u rheoli’n briodol er mwyn gallu manteisio’n fwy effeithiol ar gyfleoedd wrth iddynt godi, gan dderbyn yr un pryd y gallai methiant ddigwydd.

Yn gorfforaethol, mae’r Bwrdd yn gyfrifol am oruchwylio gweithredu polisi a phroses ar gyfer rheoli risg ac am oruchwylio a chraffu ar liniaru’r risgiau allweddol sy’n wynebu Llywodraeth Cymru a allai fel arall atal neu lesteirio’r sefydliad rhag cyflawni ei hamcanion strategol. Yn bennaf, y rhain yw’r risgiau sydd mor allweddol fel na ellir eu rheoli ar lefel Grŵp, ynghyd â rhai o natur gorfforaethol y teimlid eu heffaith ar draws y sefydliad cyfan. Mae risgiau corfforaethol wedi’u hadolygu’n rheolaidd drwy gydol y flwyddyn ac maent wedi’u trafod hefyd yn y Pwyllgor Archwilio a Risg.

Cyfrifoldeb rheoli yw rheoli a lliniaru risg o ddydd i ddydd ac mae pob Cyfarwyddwr Cyffredinol wedi bod yn gyfrifol am reoli risg a chyfle mewn perthynas ag amcanion allweddol eu Grŵp. Cafodd risgiau grŵp eu hadolygu’n rheolaidd gan uwch dimau rheoli a chan Bwyllgorau Archwilio a Risg y Grŵp ac fe gawsant eu llywio gan gofrestri risg a gynhelir gan brosiectau a rhaglenni ac asesiadau risg a chofrestri risg ar lefel adrannol.

Cyfarwyddyd Gweinidogol

Mae fy atebolrwydd yn ei gwneud yn ofynnol imi sicrhau bod arian cyhoeddus yn cael ei wario mewn ffordd sy’n gyson ag egwyddorion priodoldeb a gwerth am arian. Os wyf fi, neu fy swyddogion, yn cael ein cyfarwyddo i gymryd cam gweithredu arbennig ond yn credu nad yw’n bodloni’r safon hon, disgwylir imi hysbysu’r Ysgrifennydd Cabinet neu’r Gweinidog perthnasol ac, os oes angen, ofyn am eu cyfarwyddyd ffurfiol i barhau â’r cam gweithredu hwnnw. Yn ystod y cyfnod y cyfrifon hyn a’u llofnodi, nid oes unrhyw Gyfarwyddydau Gweinidogol wedi’u cyhoeddi gan Ysgrifenyddion Cabinet Cymru na Gweinidogion Cymru.

Casgliad

Bu'r system rheolaeth fewnol ar waith yn sefydliad am y flwyddyn sy'n dod i ben ar 31 Mawrth 2018 a hyd at ddyddiad cymeradwyo'r Adroddiad Blyneddol a'r Cyfrifon Cyfunol. Mae'n cyd-fynd â chanllawiau Trysorlys EM. Rwyf wedi adolygu'r dystiolaeth a roddwyd imi drwy fy adolygiad o effeithiolrwydd y fframwaith llywodraethiant a gallaf gymryd sicrwydd rhesymol bod y trefniadau i sicrhau llywodraethiant, rheoli risg a rheolaeth fewnol, o fewn y meysydd hynny sy'n cael eu hadolygu wedi cael eu cynllunio a'u cymhwyso'n effeithiol. Mae ar rai materion angen sylw rheoli o ran rheoli, cynllunio neu gydymffurfio, ac maent yn agored i risg cymedrol nes cael eu datrys.

Shan Morgan

Ysgrifennydd Parhaol a Phrif Swyddog Cyfrifyddu

17 Medi 2018

Adroddiad Staff a Thaliadau Cydnabyddiaeth 2017-18

Polisi Taliadau Cydnabyddiaeth

Caiff taliadau cydnabyddiaeth uwch-weision sifil eu pennu ar lefel Llywodraeth y DU yn dilyn cyngor annibynnol gan y Corff Adolygu Cyflogau Uwch-swyddogion. Mae gan Lywodraeth Cymru gyfrifoldeb dirprwyedig dros dâl cydnabyddiaeth staff nad ydynt yn rhan o'r Uwch Wasanaeth Sifil.

Mae'r Corff Adolygu hefyd yn cynghori ar dâl a phensiynau Gweinidogion lle caiff tâl ei bennu gan Ddeddf Cyflogau Gweinidogion a Chyflogau Eraill 1975. Ceir rhagor o wybodaeth am waith y Corff Adolygu yn www.ome.uk.com.

Contractau Gwasanaeth

Mae Deddf Diwygio a Llywodraethu Cyfansoddiadol 2010 yn ei gwneud yn ofynnol i benodiadau gael eu gwneud ar sail teilyngdod a chystadleuaeth deg ac agored. Mae'r Egwyddorion Recriwtio a gyhoeddwyd gan Gomisiwn y Gwasanaeth Sifil yn nodi o dan ba amgylchiadau y gellid gwneud penodiadau fel arall.

Oni nodir hynny isod, mae'r swyddogion sy'n cael eu cynnwys yn yr adroddiad hwn yn dal swyddi sy'n benagored. Byddai penderfyniad i derfynu swydd, am resymau ac eithrio camymddygiad, yn golygu bod yr unigolyn yn cael iawndal fel y nodir yng Nghynllun Iawndal y Gwasanaeth Sifil.

Ceir rhagor o wybodaeth am waith Comisiwn y Gwasanaeth Sifil yn www.civilservicecommission.org.uk

Datganiad Blynyddol Llywodraeth Cymru ar ei Pholisi Tâl

Yn unol ag egwyddorion 'Tryloywder Cydnabyddiaeth Ariannol Uwch-reolwyr yn y Sector Cyhoeddus Datganoledig yng Nghymru' a gyhoeddwyd ar 7 Rhagfyr 2015, mae Llywodraeth Cymru wedi cyhoeddi datganiad ar ei pholisi tâl ar ei gwefan.

Mae'r Datganiad Polisi Tâl yn ymdrin â diffiniad Llywodraeth Cymru o "swyddi uwch" a "gweithwyr sy'n derbyn y tâl isaf" a'r berthynas rhwng taliadau cydnabyddiaeth swyddi uwch a thaliadau cydnabyddiaeth y gweithwyr sy'n derbyn y tâl isaf. Mae hefyd yn trafod:

- a) tystiolaeth amlwg o fforddiadwyedd a gwerth am arian,
- b) nifer y swyddi uwch o fewn y corff sydd â pheccyn tâl o fwy na £100,000 mewn bandiau o £5,000,
- c) y ffordd o reoli talent mewnol,
- d) y ffordd o ymdrin â thâl ar sail perfformiad,
- e) y ffordd o roi cymorth i staff sydd ar gyflog llai,
- f) y pwyntiau tâl uchaf ac isaf; a
- g) y polisiâu ar daliadau diswyddo sy'n weithredol a sut ac o dan ba amgylchiadau y gellid eu hamrywio.

Taliadau cydnabyddiaeth (gan gynnwys cyflog) a hawliau pensiwn

Mae'r adran hon yn destun archwiliad ac yn cael ei chynnwys ym marn archwilio'r Archwilydd Cyffredinol.

Mae'r adrannau canlynol yn rhoi manylion am daliadau cydnabyddiaeth a buddion pensiwn y Gweinidogion a'r rheolwyr ar y lefel uchaf (h.y. Aelodau'r Bwrdd).

Tâl cydnabyddiaeth

Nodir taliadau cydnabyddiaeth y Prif Weinidog a'i dîm yn y Cabinet ac aelodau'r Bwrdd, a wasanaethodd yn ystod y flwyddyn, ar y dudalen nesaf. Adlewyrchir y costau hyn yng nghyfrifon Comisiwn Cynulliad Cenedlaethol Cymru ac nid Llywodraeth Cymru. Mae cyflogau'r Gweinidogion yn cynnwys eu cyflogau fel Aelodau'r Cynulliad o £65,344 (2016-17: £64,000). Ni chaiff buddion mewn nwyddau mewn perthynas â chyfrifoldebau Aelodau'r Cynulliad eu cynnwys yn y tabl.

Cyfanswm ffigur taliadau cydnabyddiaeth - Gweinidogion

Gweinidogion	Cyflog 2017-18	Cyflog 2016-17	Buddion pensiwn (i'r £1000 agosaf) ¹ 2017-18	Buddion pensiwn (i'r £1000 agosaf) ¹ 2016-17	Cyfanswm (i'r £1000 agosaf) 2017-18	Cyfanswm (i'r £1000 agosaf) 2016-17
	£	£	£	£	£	£
Carwyn Jones Prif Weinidog Cymru	142,940	139,319	49,000	146,000	192,000	285,000
Mark Drakeford Ysgrifennydd Cabinet	102,100	99,531	42,000	69,000	144,000	169,000
Vaughan Gething Un o Ddirprwy Weinidogion Cymru hyd at 19/05/2016 ac yna Ysgrifennydd Cabinet o 20/05/2016	102,100	97,503	34,000	66,000	136,000	164,000
Lesley Griffiths Ysgrifennydd Cabinet	102,100	99,531	34,000	99,000	136,000	199,000
Jane Hutt Un o Weinidogion Cymru hyd at 19/05/2016 ac yna Arweinydd y Tŷ a'r Prif Chwip o 20/05/2016 i 03/11/2017	60,409	99,531	35,000	179,000	95,000	279,000
Carl Sargeant Ysgrifennydd Cabinet hyd at 03/11/2017	60,409	99,531	22,000	101,000	82,000	201,000
Ken Skates Un o Ddirprwy Weinidogion Cymru hyd at 19/05/2016 ac yna Ysgrifennydd Cabinet o 20/05/2016	102,100	97,503	32,000	42,000	134,000	140,000
Kirsty Williams Ysgrifennydd Cabinet o 20/05/2016	102,100	86,559	34,000	88,000	136,000	175,000
Jeremy Miles Cwnsler Cyffredinol o 04/11/2017	41,692	-	13,000	-	55,000	-
Mick Antoniw Cwnsler Cyffredinol o 29/06/2016 i 03/11/2017	60,409	75,556	28,000	74,000	88,000	150,000
Rebecca Evans Un o Weinidogion Cymru	86,785	84,519	28,000	52,000	115,000	137,000
Julie James Un o Weinidogion Cymru hyd at 03/11/2017 ac yna Arweinydd y Tŷ a'r Prif Chwip o 04/11/2017	93,039	84,519	29,000	51,000	122,000	136,000
Alun Davies Un o Ddirprwy Weinidogion Cymru o 20/05/2016 ac yna Ysgrifennydd Cabinet o 04/11/2017	93,039	73,575	30,000	57,000	123,000	131,000
Hannah Blythyn Un o Weinidogion Cymru o 04/11/2017	35,437	-	12,000	-	47,000	-
Dafydd Elis-Thomas Un o Weinidogion Cymru o 04/11/2017	35,437	-	5,000	-	40,000	-
Huw Irranca-Davies Un o Weinidogion Cymru o 04/11/2017	35,437	-	11,000	-	46,000	-
Eluned Morgan Un o Weinidogion Cymru o 04/11/2017	35,437	-	12,000	-	47,000	-

Cyfanswm ffigur taliadau cydnabyddiaeth – Gweinidogion (parhad)

Gweinidogion	Pensiwn cronedig ar yr oedran pensiwn fel y mae ar 31/03/18 £000	Cynnydd gwirioneddol mewn pensiwn adeg oedran pensiwn £000	CETV ar 31/03/18 £000	CETV ar 31/03/17 £000	Cynnydd gwirioneddol mewn CETV £000
Carwyn Jones¹ Prif Weinidog Cymru	55-60	2.5-5	745	669	18
Mark Drakeford Ysgrifennydd Cabinet	15-20	2.5-5	302	241	35
Vaughan Gething Un o Ddirprwy Weinidogion Cymru hyd at 19/05/2016 ac yna Ysgrifennydd Cabinet o 20/05/2016	20-25	0-2.5	206	177	8
Lesley Griffiths Ysgrifennydd Cabinet	30-35	0-2.5	472	414	20
Jane Hutt Un o Weinidogion Cymru hyd at 19/05/2016 ac yna Arweinydd y Tŷ a'r Prif Chwip o 20/05/2016 i 03/11/2017	55-60	0-2.5	1,019	967	29
Carl Sargeant Ysgrifennydd Cabinet i 03/11/2017	30-35	0-2.5	354	324	8
Ken Skates Un o Ddirprwy Weinidogion Cymru hyd at 19/05/2016 ac yna Ysgrifennydd Cabinet o 20/05/2016	10-15	0-2.5	98	77	5
Kirsty Williams¹ Ysgrifennydd Cabinet o 20/05/2016	30-35	0-2.5	370	328	10
Jeremy Miles Cwnsler Cyffredinol o 04/11/2017	0-5	0-2.5	25	17	3
Mick Antoniw Cwnsler Cyffredinol o 29/06/2016 03/11/2017	25-30	0-2.5	442	392	23
Rebecca Evans Un o Weinidogion Cymru	10-15	0-2.5	114	95	5
Julie James Un o Weinidogion Cymru hyd at 03/11/2017 ac yna Arweinydd y Tŷ a'r Prif Chwip o 04/11/2017	10-15	0-2.5	208	168	19
Alun Davies Un o Ddirprwy Weinidogion Cymru o 20/05/2016 ac yna Ysgrifennydd y Cabinet o 04/11/2017	20-25	0-2.5	264	227	13
Hannah Blythyn Un o Weinidogion Cymru o 04/11/2017	0-5	0-2.5	18	13	1
Dafydd Elis-Thomas Un o Weinidogion Cymru o 04/11/2017	55-60	0-2.5	912	897	4
Huw Irranca-Davies Un o Weinidogion Cymru o 04/11/2017	0-5	0-2.5	36	26	5
Eluned Morgan Un o Weinidogion Cymru o 04/11/2017	0-5	0-2.5	28	19	4

¹ Mae'r CETV ar ddechrau'r flwyddyn wedi cael ei ailddatgan ar gyfer yr aelodau hyn i adlewyrchu'r ffaith eu bod yn gallu cymryd pensiwn eu cyflog terfynol hen ei leihau cyn 65 oed.

Cyfanswm ffigur taliadau cydnabyddiaeth - Gweinidogion

Mae Cynulliad Cenedlaethol Cymru (y “Cynulliad”) yn darparu cynllun â buddion diffiniedig, a lywodraethir gan adran 18 o Ddeddf Llywodraeth Cymru 1998. Mae adran 20 (4) o Ddeddf Llywodraeth Cymru 2006, ac Atodlen 11 iddi, yn sicrhau dilyniant yn y Cynllun. Nid yw Deddf Llywodraeth Cymru 2006 wedi effeithio ar statws cyfreithiol y Cynllun.

Mae'r Cynllun yn darparu buddion i Aelodau'r Cynulliad a Deiliaid Swyddi. Mae pob Aelod Cynulliad yn aelod o'r Cynllun o'r dyddiad y mae'n dechrau yn y Cynulliad oni bai ei fod yn dewis yn benodol peidio â bod yn rhan ohono. Nid yw'r Gweinidogion yn derbyn cyfandaliad awtomatig, mae ganddynt yr opsiwn i drosi rhan o'u pensiwn yn gyfandaliad yn gyfnewid am lai o bensiwn.

Cyflwynwyd Cynllun Pensiwn Enillion Cyfartalog Gyrfa ym mis Mai 2016. Mae aelodau a oedd yn 55 oed neu'n hŷn ar 1 Ebrill 2012 yn cael eu diogelu yn ystod y cyfnod pontio, ac mae eu buddion yn parhau i gael eu cyfrifo ar sail eu cyflog terfynol am bum mlynedd yn ychwanegol, hyd at 5 Mai 2021.

Ar hyn o bryd, mae'r Cynulliad yn cyfrannu 19.9% o gyflogau cyfanredol Aelodau. Mae aelodau nad ydynt yn cael eu diogelu yn ystod y cyfnod pontio yn talu cyfraniadau ar raddfa o 10.5%. Mae'r aelodau hynny sy'n cael eu diogelu yn parhau i dalu cyfraniadau ar eu cyfradd bresennol o naill ai 6% neu 10% yn dibynnu ar p'un a ydynt yn cronni buddion ar sail cronniad 50fed neu 40fed yn ôl eu trefn.

Mae'r Oedran Ymddeol Arferol yn gysylltiedig ag Oedran Pensiwn y Wladwriaeth (neu 65, p'un bynnag sydd uchaf). Bydd unrhyw bensiwn Cyflog Terfynol a gronnir cyn 6 Mai 2021 yn parhau i fod yn daladwy ar yr Oedran Ymddeol Arferol o 65.

Cyfanswm ffigur taliadau cydnabyddiaeth

Mae'r Llawlyfr Adroddiadau Ariannol (FReM) yn ei gwneud yn ofynnol i bob un o Adrannau'r Llywodraeth Ganolog gynnwys Cyfanswm Taliadau Cydnabyddiaeth ynghyd â ffigur cymharol ar gyfer blynyddoedd blaenorol o fewn yr adroddiad ar daliadau cydnabyddiaeth. Mae cyfanswm y taliadau cydnabyddiaeth yn cynnwys cyflog, taliadau bonws a buddion mewn nwyddau (fel y nodir mewn cyfrifon blaenorol) yn ogystal â ffigur buddion pensiwn. Mae'r buddion pensiwn wedi eu cyfrifo gan ddefnyddio'r system a ddefnyddir i gyfrifo gwerthoedd pensiwn at ddibenion treth. O ganlyniad i hyn, gall y ffigurau gael eu dylanwadu gan ffactorau eraill fel unigolyn yn penderfynu gwneud cyfraniadau ychwanegol neu ffactorau prisio sy'n effeithio ar y cynllun pensiwn cyfan, ac felly nid ydynt bob tro yn adlewyrchu'n gywir symiau gwirioneddol y pensiwn a dalwyd neu a enillwyd gan unigolyn mewn blwyddyn. Er hynny, mae'r system hon yn gymwys i bob un o adrannau'r llywodraeth gan gynnwys cyrff y GIG.

Cyfanswm taliadau cydnabyddiaeth – Uwch-swyddogion Llywodraeth Cymru

Uwch-swyddogion	Cyflog 2017-18 £000	Cyflog 2016-17 £000	Buddion pensiwn (i'r £1000 agosaf) 2017-18 £000	Buddion pensiwn (i'r £1000 agosaf) 2016-17 £000	Cyfanswm (i'r £1000 agosaf) 2017-18 £000	Cyfanswm (i'r £1000 agosaf) 2016-17 £000
Shan Morgan ¹ Ysgrifennydd Parhaol o 06/02/2017	155-160	20-25 (cyfwerth â blwyddyn lawn 155-160)	*	85-90	155-160	110-115
Andrew Goodall ² Cyfarwyddwr Cyffredinol	200-205	195-200	–	*	200-205	195-200
Tracey Burke Cyfarwyddwr Cyffredinol o 20/11/2017	40-45 (cyfwerth â blwyddyn lawn 115-120)	–	15-20	–	60-65	–
Des Clifford Cyfarwyddwr Cyffredinol o 29/01/2018	20-25 (cyfwerth â blwyddyn lawn 115-120)	–	20-25	–	40-45	–
Andrew Slade Cyfarwyddwr Cyffredinol o 01/01/2018	30-35 (cyfwerth â blwyddyn lawn 115-120)	–	40-45	–	70-75	–
Owen Evans Dirprwy Ysgrifennydd Parhaol hyd at 30/09/2017	70-75 (cyfwerth â blwyddyn lawn 140-145)	140-145	25-30	50-55	95-100	195-200
James Price ³ Dirprwy Ysgrifennydd Parhaol hyd at 31/12/2017	110-115 (cyfwerth â blwyddyn lawn 140-145)	140-145	60-65	65-70	170-175	205-210
David Richards Cyfarwyddwr Llywodraethiant	100-105	100-105	10-15	10-15	115-120	110-115
Jeff Godfrey Cyfarwyddwr Gwasanaethau Cyfreithiol	110-115	105-110	15-20	10-15	125-130	120-125
Natalie Pearson ³ Pennaeth Datblygu Sefydliadol ac Ymgysylltu	75-80	75-80	10-15	10-15	90-95	85-90
Gillian Baranski Hyrwyddwr Cydraddoldeb ac Amrywiaeth	120-125	105-110 (full year equivalent 115-120)	70-75	55-60	195-200	165-170
Sioned Evans Cadeirydd y Grŵp Gweithrediadau hyd at 30/04/2017	5-10 (full year equivalent 85-90)	75-80	0-5	25-30	5-10	100-105
Peter Kennedy Cyfarwyddwr Adnoddau Dynol	90-95	90-95	15-20	10-15	110-115	105-110
Gawain Evans ^{1,3} Cyfarwyddwr Cyllid	100-105	85-90	*	70-75	100-105	155-160

Cyfanswm taliadau cydnabyddiaeth – Uwch-swyddogion Llywodraeth Cymru (Parhad)

Uwch-swyddogion	Cyflog 2017-18 £000	Cyflog 2016-17 £000	Buddion pensiwn (i'r £1000 agosaf) 2017-18 £000	Buddion pensiwn (i'r £1000 agosaf) 2016-17 £000	Cyfanswm (i'r £1000 agosaf) 2017-18 £000	Cyfanswm (i'r £1000 agosaf) 2016-17 £000
Elan Closs Stephens Cyfarwyddwr Anweithredol	10-15	10-15	–	–	10-15	10-15
James Turner Cyfarwyddwr Anweithredol	10-15	10-15	–	–	10-15	10-15
Ann Keane ⁵ Cyfarwyddwr Anweithredol	30-35	20-25	–	–	30-35	20-25
Ellen Donovan ⁶ Cyfarwyddwr Anweithredol o 27/02/2018	0-5 (cyfwerth â blwyddyn lawn 10-15)	–	–	–	0-5	–
Jeff Farrar ⁶ Cyfarwyddwr Anweithredol o 27/02/2018	0-5 (cyfwerth â blwyddyn lawn 10-15)	–	–	–	0-5	–
Sir Adrian Webb ⁴ Cyfarwyddwr Anweithredol hyd at 15/12/2017	5-10 (cyfwerth â blwyddyn lawn 10-15)	10-15	–	–	5-10	10-15

¹ Nid yw'r budd pensiwn ar gyfer Shan Morgan a Gawain Evans wedi'i gynnwys uchod gan nad yw'r cyfrifiad rhifydddeg £465-470,000 a £105-110,000 yn eu trefn yn arwydd o'r budd gwirioneddol a gafwyd yn y flwyddyn. Er nad yw'r rhifau a gyflwynir yn arwydd o'r budd gwirioneddol a gafwyd, mae'r fformat yn orfodol ac yn destun archwilio.

² Mae Andrew Goodall wedi'i secondio o Fwrdd Iechyd Prifysgol Aneurin Bevan. Ar gyfer 2017-18 dewisodd beidio â chael ei gynnwys o dan drefniadau pensiwn y GIG Nid yw'r budd pensiwn ar gyfer 2016-17 wedi'i gynnwys uchod gan nad yw'r cyfrifiad rhifydddeg (£210-215,000) yn arwydd o'r budd gwirioneddol a gafwyd yn y flwyddyn. Optiodd allan o'r cynllun pensiwn yn ystod 2015-16, wedyn yn ôl i mewn ac wedyn allan o'r cynllun pensiwn yn ystod 2016-17.

³ Mae addasiadau pensiwn ôl-weithredol wedi'u gwneud i ffigurau 2016-17.

⁴ Mae cyflog Syr Adrian Webb yn cynnwys ffioedd ychwanegol o £853 a dalwyd ym mis Ebrill 17 ond a gynhaliwyd yn 2015-16 am waith a gomisiynwyd o fewn Llywodraeth Cymru.

⁵ Mae cyflog Ann Keane yn cynnwys ffioedd ychwanegol o £19,576 (2016-17:£8,629) am waith a gomisiynwyd o fewn Llywodraeth Cymru.

⁶ Mynychodd Ellen Donovan a Jeff Farrar gyfarfod y Bwrdd ym Mawrth 2018 ond ni chawsant dâl am hyn tan Ebrill 2018.

Cyfanswm taliadau cydnabyddiaeth – Uwch-swyddogion Llywodraeth Cymru (Parhad)

Uwch-swyddogion	Pensiwn a gronnir adeg oedran pensiwn fel yr oedd ar 31/03/18 a'r cyfandaliad cysylltiedig £000	Cynnydd gwirioneddol mewn pensiwn a chyfandaliad cysylltiedig ar oedran pensiwn £000	CETV ar 31/03/18 £000	CETV ar 31/03/17 £000	Cynnydd gwirioneddol mewn CETV £000
Shan Morgan Ysgrifennydd Parhaol o 06/02/2017	95-100 ynghyd â chyfandaliad o 155-160	20-22.5 ynghyd â chyfandaliad o 32.5-35	1,953	1,492	434
Andrew Goodall Cyfarwyddwr Cyffredinol	–	–	–	740	–
Tracey Burke Cyfarwyddwr Cyffredinol (o 20/11/2017)	25-30	0-2.5	352	337	10
Des Clifford Cyfarwyddwr Cyffredinol (o 29/01/2018)	25-30 ynghyd â chyfandaliad o 80-85	0-2.5 ynghyd â chyfandaliad o 2.5-5	576	551	21
Andrew Slade Cyfarwyddwr Cyffredinol (o 01/01/2018)	35-40 Ynghyd â chyfandaliad o 80-85	0-2.5 Ynghyd â chyfandaliad o 2.5-5	546	512	28
Owen Evans Dirprwy Ysgrifennydd Parhaol (hyd at 30/09/2017)	20-25	0-2.5	244	226	12
James Price ³ Dirprwy Ysgrifennydd Parhaol (hyd at 31/12/17)	50-55	2.5-5	641	576	28
David Richards Cyfarwyddwr Llywodraethiant	50-55 ynghyd â chyfandaliad o 155-160	0-2.5 ynghyd â chyfandaliad o 2.5-5	1,118	1,086	12
Jeff Godfrey Cyfarwyddwr Gwasanaethau Cyfreithiol	45-50 ynghyd â chyfandaliad o 140-145	0-2.5 ynghyd â chyfandaliad o 2.5-5	1,029	952	15
Natalie Pearson ³ Pennaeth Datblygu Sefydliadol ac Ymgysylltu	25-30 ynghyd â chyfandaliad o 75-80	0-2.5 ynghyd â chyfandaliad o 0-2.5	522	478	10
Gillian Baranski Hyrwyddwr Cydraddoldeb ac Amrywiaeth	25-30	2.5-5	509	421	72
Sioned Evans Cadeirydd y Grŵp Gweithrediadau 30/04/2017	15-20 ynghyd â chyfandaliad o 45-50	0-2.5 ynghyd â chyfandaliad o 0	314	304	1
Peter Kennedy Cyfarwyddwr Adnoddau Dynol	25-30 ynghyd â chyfandaliad o 80-85	0-2.5 ynghyd â chyfandaliad o 2.5-5	569	520	13
Gawain Evans ^{1,3} Cyfarwyddwr Cyllid	35-40 ynghyd â chyfandaliad o 105-110	5-7.5 ynghyd â chyfandaliad o 7.5-10	739	616	79

Cyflog

Mae 'cyflog' yn cynnwys cyflog gros; goramser; hawliau neilltuedig ar gyfer pwysoliad Llundain neu lwfansau Llundain; lwfansau recriwtio a chadw; lwfansau swyddfa breifat ac unrhyw lwfansau eraill i'r graddau eu bod yn destun treth y DU.

Mae'r adroddiad hwn yn seiliedig ar daliadau a wneir gan Lywodraeth Cymru ac eithrio'r Gweinidogion fel y nodir uchod.

Mae gan Uwch-weision Sifil o fewn Llywodraeth Cymru hawl contractiol i gael eu hystyried am daliad amrywiol ar sail perfformiad. Caiff unrhyw daliadau a wneir eu talu ddiwedd mis Gorffennaf bob blwyddyn, ond ni wnaed unrhyw daliadau. Gwaith Pwyllgor Tâl Cydnabyddiaeth yr Uwch Wasanaeth Sifil yw gweithredu polisi tâl uwch-weision y DU a chymeradwyo unrhyw ddyraniadau, asesu'r cyfraniadau perthnasol a pherfformiad Uwch-weision Sifil yn ystod y flwyddyn. Mae'r Pwyllgor Tâl Cydnabyddiaeth yn cynnwys yr Ysgrifennydd Parhaol, un Cyfarwyddwr Cyffredinol a thri Cyfarwyddwr anweithredol.

Buddion mewn nwyddau

Mae gwerth ariannol y buddion mewn nwyddau yn cynnwys unrhyw fuddion a ddarperir gan y cyflogwr ac y mae Cyllid a Thollau Ei Mawrhydi yn eu trin fel enillion trethadwy, ac yn cael ei nodi i'r £100 agosaf. Aseswyd nad oedd unrhyw fuddion mewn nwyddau.

Lluosrifau tâl

Mae'n ofynnol i gyrff sy'n adrodd ddatgelu'r berthynas rhwng taliadau cydnabyddiaeth y cyfarwyddwr sy'n derbyn y tâl uchaf yn eu sefydliad a thaliad cydnabyddiaeth canolrifol gweithlu'r sefydliad.

Tâl cydnabyddiaeth wedi'i fandio'r cyfarwyddwr a oedd yn derbyn y tâl uchaf yn Llywodraeth Cymru yn y flwyddyn ariannol 2017-18 oedd £200-205,000 (2016-17: £195,000-200,000). Roedd hyn yn 5.6 gwaith (2016-17: 5.7) tâl cydnabyddiaeth canolrifol y gweithlu, sef £35,750 (2016-17: £34,750). Ar sail tâl cydnabyddiaeth wedi'i fandio yr Ysgrifennydd Parhaol y gymhareb yw 4.5(2016-17: 4.6). Yn 2017-18 a 2016-17 ni chafodd unrhyw gyflogeion dâl cydnabyddiaeth yn uwch na'r cyfarwyddwr a dalwyd y swm uchaf. Roedd y tâl cydnabyddiaeth yn amrywio o £17,200 i £205,000 (2016-17: £17,200 i £199,000).

Mae cyfanswm y taliadau cydnabyddiaeth yn cynnwys cyflog, tâl ar sail perfformiad sydd heb ei gydgrynhoi a buddion mewn nwyddau. Nid yw'n cynnwys cyfraniadau pensiwn gan gyflogwyr a gwerthoedd trosglwyddo pensiynau sy'n gyfwerth ag arian parod.

Gwerthoedd Trosglwyddo sy'n Gyfwerth ag Arian Parod

Y Gwerth Trosglwyddo Cyfwerth ag Arian Parod (CETV) yw gwerth wedi'i gyfalafu buddion y cynllun pensiwn a gronwyd gan aelod ar adeg benodol, wedi ei asesu gan actwari. Y buddion a gaiff eu prisio yw buddion cronedig yr aelod ac unrhyw bensiwn amodol i briod sy'n daladwy o'r cynllun. Mae CETV yn daliad a wneir gan gynllun neu drefniant pensiwn i ddiogelu buddion pensiwn mewn cynllun neu drefniant pensiwn arall pan fydd yr aelod yn gadael cynllun ac yn dewis trosglwyddo'r buddion a gronwyd eisoes yn y cynllun blaenorol. Mae'r ffigurau pensiwn a ddangosir yn ymwneud â'r buddion a gronwyd gan yr unigolion o ganlyniad i gyfanswm eu haelodaeth o'r cynllun pensiwn, nid dim ond y gwasanaeth mewn swydd uwch sy'n destun datgelu.

Mae'r ffigurau'n cynnwys gwerth unrhyw fuddion pensiwn mewn cynllun neu drefniant arall y mae'r unigolyn wedi'u trosglwyddo i drefniadau pensiwn y Gwasanaeth Sifil. Maent hefyd yn cynnwys unrhyw fuddion pensiwn ychwanegol a gronwyd i'r aelod oherwydd iddynt brynu buddion pensiwn ychwanegol ar eu cost eu hunain. Cyfrifir y CETV yn unol â Rheoliadau Cynlluniau Pensiwn Galwedigaethol (Gwerthoedd Trosglwyddo) (Diwygio) 2008, ac nid yw'n rhoi ystyriaeth i unrhyw ostyngiad gwirioneddol na phosibl mewn buddion o ganlyniad i'r Dreth Lwfans Gydol Oes a all fod yn ddyledus pan hawlir budd-daliadau pensiwn.

Cynnydd gwirioneddol mewn CETV

Mae hyn yn adlewyrchu'r cynnydd mewn CETV a ariennir gan y cyflogwr. Nid yw'n cynnwys cynnydd yn y pensiwn cronedig oherwydd chwyddiant, cyfraniadau sy'n cael eu talu gan y gweithiwr (gan gynnwys gwerth unrhyw fuddion a drosglwyddwyd o gynllun neu drefniant pensiwn arall) ac mae'n defnyddio ffactorau prisio cyffredin y farchnad ar ddechrau ac ar ddiwedd y cyfnod.

Niferoedd a Chostau Staff

Nifer cyfartalog y bobl cyfwerth ag amser llawn a gyflogwyd yn ystod y cyfnod (gan gynnwys uwch-reolwyr a chynghorwyr arbennig) oedd:

	Staff a gyflogwyd yn barhaol	Staff Eraill	Cynghorwyr Arbennig	Cyfanswm 2017-18	Cyfanswm 2016-17
Cyfanswm	75,275	1,981	9	77,265	76,178
O'r rhain:					
Llywodraeth Cymru	4,881	132	9	5,022	5,111
Byrddau Iechyd Lleol	69,654	1,849	-	71,503	70,302
Is-gwmnïau	740	-	-	740	765

* O gyfanswm Llywodraeth Cymru: Cyrff rheoleiddio a chyflawni – 711; Tribiwnlysoedd – 27.

Cyfansoddiad staff Llywodraeth Cymru yn ôl rhyw (heb eu harchwilio)

	Gwryw	Benyw
Aelodau'r Bwrdd	62%	38%
Uwch Wasanaeth Sifil	59%	41%
Pob Staff	41%	59%

* Mae'n nod gan Lywodraeth Cymru i gael rhaniad o 50:50 erbyn 2020.

Costau staff

	Staff a gyflogwyd yn barhaol	Arall Staff	Y flwyddyn yn dod i ben 31 Mawrth 2018 Cyfanswm	Y flwyddyn yn dod i ben 31 Mawrth 2018 Cyfanswm
	£m	£m	£m	£m
Llywodraeth Cymru				
Cyflogau	204	6	210	203
Costau Nawdd Cymdeithasol	23	-	23	22
Costau Pensiwn Eraill	53	-	53	48
Cyfanswm	280	6	286	273
Adenillon o secondiadau	(2)	-	(2)	(1)
Costau net staff	278	6	284	272
Wedi'u cydgrynhoi				
Cyflogau	2,777	167	2,944	2,871
Costau Nawdd Cymdeithasol	271	1	272	260
Costau Pensiwn Eraill	372	-	372	355
Cyfanswm	3,420	168	3,588	3,486
Adenillon o secondiadau	(2)	-	(2)	(1)
Costau net staff	3,418	168	3,586	3,485

* Mae cyflogau'n cynnwys cyflogau gros, y bonysau perfformio sy'n daladwy, hawliau neilltuedig i bwysoliad Llundain neu lwfansau Llundain, lwfansau recriwtio a chadw, a lwfansau swyddfa breifat. Talwyd cyfanswm o £681,621 (wedi'i ailddatgan 2016-17 – £571,445) i gynghorwyr arbennig ar gyfer y flwyddyn, gan gynnwys pensiwn a chostau nawdd cymdeithasol, ac maent wedi'u cynnwys yn y ffigurau uchod. Mae costau nawdd cymdeithasol a phensiynau ar gyfer staff dros dro a staff ar secondiad o dan y ffigurau craidd ar gyfer staff eraill wedi cael eu cynnwys yn y cyflogau gan eu bod yn cael eu hanfonebu ar sail gros. Caiff cyflogau Gweinidogion Cymru eu talu gan Gomisiwn Cynulliad Cenedlaethol Cymru a'u hadlewyrchu yn y cyfrifon hynny. O ran nifer y staff sydd â chyflog dros £100k, roedd 37 o staff yr oedd eu cyflog FTE yn uwch na £100k ar 31 Mawrth 2018. O'r rhain, roedd 3 yn staff rhan-amser yr oedd eu henillion felly o dan y trothwy o £100k.

Pensiynau

Darperir buddion Pensiwn y Gwasanaeth Sifil trwy drefniadau pensiwn y Gwasanaeth Sifil. O 1 Ebrill 2015, cyflwynwyd cynllun pensiwn newydd ar gyfer gweision sifil, sef Cynllun Pensiwn y Gwasanaeth Sifil ac Eraill, neu'r cynllun **alpha**. O dan y cynllun hwnnw, darperir buddion ar sail enillion cyfartalog gyrfa, ac mae'r oed pensiwn arferol yn cyd-fynd ag oed pensiwn yr aelod o dan system bensiwn y wladwriaeth (neu 65 oed, os yw'n uwch). Mae pob gwas sifil a gafodd ei benodi ers y dyddiad hwnnw, yn ogystal â'r rhan fwyaf o weithwyr a oedd eisoes yn rhan o'r Gwasanaeth Sifil, bellach wedi ymuno â'r cynllun **alpha**. Cyn y dyddiad hwnnw, roedd gweision sifil yn aelodau o Brif Gynllun Pensiwn y Gwasanaeth Sifil (PCSPS). Mae gan y PCSPS bedair adran. Mae tair ohonynt yn darparu buddion ar sail cyflog terfynol yr aelod (**classic, premium neu classic plus**), a hynny'n gysylltiedig ag oed pensiwn arferol o 60. Mae'r adran arall yn darparu buddion ar sail gyrfa gyfan yr aelod (nuvos), a hynny'n gysylltiedig ag oed pensiwn arferol o 65.

Ni chaiff y trefniadau statudol hyn eu hariannu, a chaiff costau'r buddion eu talu o swm o arian y bydd Senedd y DU yn pleidleisio arno bob blwyddyn. Bydd pensiynau sy'n daladwy o dan y cynlluniau **classic, premium, classic plus, nuvos** ac **alpha** yn cynyddu'n flynyddol yn unol â deddfwriaeth yn ymwneud â Chynyddu Pensiynau. Mae aelodau o'r PCSPS a oedd o fewn 10 mlynedd o'u hoed pensiwn arferol ar 1 Ebrill 2012 wedi parhau i fod yn aelodau o'r PCSPS ar ôl 1 Ebrill 2015. Bydd y rhai a oedd rhwng 10 mlynedd a 13 mlynedd a 5 mis o'u hoed pensiwn arferol ar 1 Ebrill 2012 yn newid i'r cynllun **alpha** rywbryd rhwng 1 Mehefin 2015 a 1 Chwefror 2022. Bydd buddion PCSPS pob aelod sy'n newid i'r cynllun **alpha** yn cael eu 'bancio'. O ran y rhai a gronnodd fuddion gynt fel aelodau o un o adrannau'r PCSPS a oedd yn darparu buddion ar sail cyflog terfynol, bydd y buddion hynny'n seiliedig ar eu cyflog terfynol pan fyddant yn gadael y cynllun **alpha**. (Mae'r ffigurau pensiwn a ddangosir ar gyfer swyddogion yn dangos y pensiwn a gronnwyd yn rhan o PCSPS neu'r cynllun **alpha** – fel y bo'n briodol. i Os oes gan swyddog fuddion PCSPS a buddion **alpha**, y ffigur a ddangosir yw gwerth cyfunol eu buddion yn y ddau gynllun.) Gall yr aelodau sy'n ymuno o 1 Hydref 2002 ddewis naill ai'r trefniant buddion diffiniedig priodol neu bensiwn cyfranddeiliaid 'prynu arian' gyda chyfraniad gan y cyflogwr (cyfrif pensiwn **partnership**).

Mae cyfraniadau gweithwyr cyflogedig yn seiliedig â chyflog ac yn amrywio rhwng 4.6% a 8.05% i aelodau o **classic premium, classic plus, nuvos** and **alpha**. Mae buddion yn **classic** yn cronni ar y gyfradd o 1/80th o enillion pensiynadwy terfynol am bob blwyddyn o wasanaeth. Yn ychwanegol, mae cyfandaliad sy'n cyfateb i bensiwn cychwynnol tair blynedd yn daladwy deg ymddeol. Mae buddion yn **premium** yn cronni ar y gyfradd o 1/60th o enillion pensiynadwy terfynol am bob blwyddyn o wasanaeth. Yn wahanol i **classic**, nid oes cyfandaliad awtomatig, hybrid yw **classic plus** i bob pwrpas gyda buddion ar gyfer gwasanaeth cyn 1 Hydref 2002 yn cael eu cyfrifo yn fras fel ar gyfer **classic** a buddion ar gyfer gwasanaeth o Hydref 2002 yn cael eu cyfrifo fel yn achos **premium**. Yn **novos** mae aelod yn cronni pensiwn yn seiliedig ar ei enillion pensiynadwy yn ystod cyfnod ei aelodaeth o'r cynllun. Ar diwedd blwyddyn y cynllun (31 Mawrth) mae'r cyfrif pensiwn sydd wedi'i ennill gan yr aelod yn cael ei gredydu â 2.3% o'i enillion pensiynadwy ym mlwyddyn y cynllun hwnnw ac mae'r pensiwn cronedig yn cael ei uwchraddio yn unol â'r ddeddfwriaeth ar y cynnydd mewn pensiynau. Mae buddion yn **alpha** yn cronni mewn ffordd debyg i nuvos, ac eithrio mai 2.3% yw'r gyfradd groniadol. Ym mhob achos gall yr aelodau ddewis ildio (cymudo) pensiwn am gyfandaliad hyd at y terfynau a bennir gan Ddeddf Cyllid 2004.

Trefniant pensiwn cyfranddeiliaid yw'r cyfrif pensiwn **partnership**. Mae'r cyflogwr yn talu cyfraniad sylfaenol o rhwng 8% ac 14.75% (yn dibynnu ar oedran yr aelod), i gynnwys pensiwn cyfranddeiliaid a ddewisir gan y gweithiwr o banel o ddarparwyr.

Pensiynau (Parhad)

Nid oes rhaid i'r gweithiwr gyfrannu ond, os bydd yn gwneud hynny, bydd y cyflogwr yn rhoi cyfraniad cyfatebol hyd at derfyn o 3% o gyflog pensiynadwy (yn ogystal â chyfraniad sylfaenol y cyflogwr). Mae'r cyflogwr hefyd yn cyfrannu 0.5% ychwanegol o'r cyflog pensiynadwy i dalu cost yswiriant budd risg a ddarperir yn ganolog (marwolaeth mewn swydd ac ymddeoliad oherwydd salwch).

Y pensiwn cronedig a ddyfynnir yw'r pensiwn y bydd hawl gan yr aelod i'w gael pan fydd yn cyrraedd oedran pensiwn, neu yn union ar ôl iddo beidio â bod yn aelod gweithredol o'r cynllun os yw eisoes wedi cyrraedd oedran pensiwn neu os yw'n hŷn na hynny. Oedran pensiwn aelodau'r cynlluniau **classic**, **premium** a **classic plus** yw 60, a 65 yw'r oedran ar gyfer aelodau'r cynllun **nuvos**, a naill ai 65 neu eu Hoedran Pensiwn y Wladwriaeth ar gyfer aelodau **alpha**. (Mae'r ffigurau pensiwn a ddangosir ar gyfer swyddogion yn dangos y pensiwn a gronnwyd yn rhan o PCSPS neu'r cynllun **alpha** – fel y bo'n briodol. Os oes gan swyddog fuddion yn PCSPS ac alpha, y ffigur a ddangosir yw gwerth cyfunol ei fuddion yn y ddau gynllun. Dylid nodi, fodd bynnag, y gall rhan o'r pensiwn hwnnw fod yn daladwy ar oeddrannau gwahanol.

Ceir rhagor o fanylion am drefniadau pensiwn y Gwasanaeth Sifil ar y wefan www.civilservice.gov.uk/my-civil-service/pensions.

Mae gweithwyr Llywodraeth Cymru yn rhan o Brif Gynllun Pensiwn y Gwasanaeth Sifil, ac eithrio nifer bach o staff sydd wedi dewis parhau i fod yn aelodau o gynlluniau eraill y sector cyhoeddus.

Mae Prif Gynllun Pensiwn y Gwasanaeth Sifil (PCSPS) yn gynllun buddion diffiniedig nas ariennir sy'n cynnwys nifer o gyflogwyr ac felly ni all Llywodraeth Cymru nodi ei chyfran o'r asedau a'r rhwymedigaethau sylfaenol. Prisiwyd y cynllun gan Actiwari'r Cynllun fel yr oedd ar 31 Mawrth 2012. Ceir manylion yng nghyfrifon adnoddau Swyddfa'r Cabinet.

Ar gyfer 2017-18, roedd cyfraniadau cyflogwyr o £39,996,547 yn daladwy i'r PCSPS (2016-17: £39,714,603) yn ôl un o bedair cyfradd yn yr ystod 20.0 i 24.5 y cant (2016-17: 20.0 i 24.5) o enillion pensiynadwy yn seiliedig ar fandiau cyflog. Mae Actiwari'r Cynllun yn adolygu cyfraniadau'r cyflogwr bob pedair blynedd yn dilyn proses brisio lawn. Caiff cyfraddau'r cyfraniadau eu pennu i dalu cost y buddion a gronnwyd yn ystod 2016-17 i gael eu talu pan fo'r aelod yn ymddeol ac nid y buddion a dalwyd yn ystod y cyfnod hwn i bensiynwyr presennol.

Gall gweithwyr ddewis agor cyfrif pensiwn partnership, sef pensiwn cyfranddeiliaid lle mae'r cyflogwr hefyd yn cyfrannu. Cafodd cyfraniadau cyflogwr o £190,298 (2016-17: £184,495 (184,495-16: £165,822) eu talu i un aelod neu ragor o banel o dri darparwr pensiwn cyfranddeiliaid a benodwyd. Mae cyfraniadau cyflogwyr yn gysylltiedig ag oedran ac yn amrywio o 8 o 14.75 y cant o enillion pensiynadwy. Mae cyflogwyr hefyd yn rhoi cyfraniad cyfatebol i weithwyr hyd at 3 y cant o enillion. Yn ogystal â hyn, roedd cyfraniadau cyflogwyr o £6,569, 0.5 y cant o dâl pensiynadwy, yn daladwy i'r PCSPS i dalu am y gost o ddarparu buddion cyfandaliadol yn y dyfodol pe bai gweithiwr yn marw yn y swydd neu'n ymddeol oherwydd salwch.

Nid oedd unrhyw gyfraniadau yn ddyledus i'r darparwyr pensiwn partnership ar ddyddiad y fantolen (2016-17: dim: Nid oedd unrhyw gyfraniadau wedi'u rhagdal ar y ddyddiad hwnnw (2015-16: £dim).

Ymddeolodd dau unigolyn yn gynnwys oherwydd salwch; cyfanswm y rhwymedigaethau pensiwn ychwanegol a gronnwyd yn y flwyddyn oedd £13,749.

Pensiynau (Parhad)

Dewisodd nifer bach o gyflogeion yr hen Awdurdod Datblygu gadw eu telerau ac amodau presennol a'u trefniadau pensiwn. Maent yn rhan o Gynllun Pensiwn Llywodraeth Leol, sy'n gynllun a ariennir gan sawl cyflogwr yn darparu pensiwn a buddion cysylltiedig, sydd bellach yn cael ei gyfrifo ar sail cyfartaledd gyrfa yn hytrach nag ar sail cyflog terfynol. Caiff asedau'r cynllun eu dal ar wahân i asedau Llywodraeth Cymru a'u gweinyddu gan Gyngor Bwrdeistref Sirol Rhondda Cynon Taf. Rhoddir buddion ymddeol ychwanegol yn unol â Rheoliadau Llywodraeth Leol (Iawndal am Ymddeol Cyn Pryd) 1982 a chaiff y buddion hyn eu darparu ar sail talu wrth fynd. Caiff manylion Pensiynau Byrddau Iechyd Lleol eu cynnwys yn eu cyfrifon.

Adrodd ar gynlluniau iawndal y Gwasanaeth Sifil a chynlluniau eraill – pecynnau ymadael

Ni chafwyd unrhyw gynlluniau hyblyg ar gyfer ymddeoliad cynnar, ymddeoliad cynnar cymeradwy nac ymadawiad cynnar yn 2017-18 na 2016-17.

Ar gyfer 2017-18 156(2016-17:21) mae cyflogeion wedi ymadael neu gytuno i ymadael rhwng 31 Mawrth 2017 a 31 Mawrth 2018. Y taliadau iawndal yw £5,894,548 (2016-17: £709,287). Ar gyfer pob achos, cyfrifir cyfnod ad-dalu, a bydd y Cyfarwyddwr Adnoddau Dynol wedyn yn ei gymeradwyo.

Talwyd costau dileu swydd a chostau ymadael eraill yn unol â darpariaethau Cynllun Iawndal y Gwasanaeth Sifil, sef cynllun gorfodol a wnaed o dan Ddeddf Blwydd-daliadau 1972. Pan fo'r adran wedi cytuno i ganiatáu ymddeoliadau cynnar, caiff y costau ychwanegol eu talu gan Lywodraeth Cymru, ac nid gan gynllun pensiwn y Gwasanaeth Sifil. Caiff costau ymddeol oherwydd afiechyd eu talu gan y cynllun pensiwn ac ni chânt eu cynnwys yn y tabl.

	Nifer y diswyddiadau gorfodol	Nifer yr ymadawiadau eraill y cytunwyd arnynt	Cyfanswm nifer y pecynnau ymadael yn ôl band cost 2017-18	Cyfanswm nifer y pecynnau ymadael yn ôl band cost 2016-17
Band cost y pecyn ymadael				
<£10,000	-	9	9	1
£10,000 – £25,000	-	52	52	5
£25,000 – £50,000	-	51	51	12
£50,000 – £100,000	-	44	44	3
£100,000 – £150,000	-	-	-	-
£150,000 – £200,000	-	-	-	-
£200,000+	-	-	-	-
Cyfanswm nifer y pecynnau ymadael yn ôl math	-	156	156	21
Cyfanswm cost yr adnoddau £	-	5,884,548	5,884,548	709,287

Mae'r costau yn y tabl yn nodi cyfanswm y gost i'r sefydliad yn dilyn unrhyw ymadawiad. Mewn rhai achosion, taliadau arian parod yw'r rhain, ond mewn achosion eraill mae costau'n cynnwys pethau fel cael mynediad cynnar at gostau pensiwn, costau pensiwn rhwng dyddiad gadael ac oedran ymddeol y cynllun.

Absenoldeb oherwydd salwch (heb ei archwilio)

Mae'r gostyngiad mewn absenoldeb tymor hir oherwydd salwch o'i gymharu â blynyddoedd blaenorol wedi parhau wrth i'r Strategaeth Iechyd a Llesiant ddechrau darparu cymorth a chefnogaeth i reolwyr a staff yn fwy cyffredinol. Cafodd cynnydd mewn absenoldeb tymor byr yn nhri mis olaf y flwyddyn, a hynny yn bennaf oherwydd tywydd eithafol, effaith negyddol ar lefel absenoldeb oherwydd salwch, er i ganran y staff sydd heb gymryd absenoldeb salwch aros ar yr un lefel o'r flwyddyn flaenorol.

Absenoldeb oherwydd Salwch yn Llywodraeth Cymru	2017-18	2016-17	2015-16	2014-15
Dyddiau a gollwyd (tymor byr)	17,818	17,354	18,967	20,631
Dyddiau a gollwyd (tymor hir)	22,627	22,876	23,977	23,161
Cyfanswm y dyddiau a gollwyd (dros gyfnod o 12 mis)	40,445	40,230	42,944	43,792
Cyfanswm blynyddoedd staff	5,035	5,155	5,307	5,519
Cyfanswm y staff cyflogedig yn ystod y cyfnod (fesul pen)	5,682	5,691	5,964	6,134
Cyfanswm y staff cyflogedig heb absenoldeb yn ystod y cyfnod (fesul pen)	2,490	2,529	2,479	2,500
% y staff heb absenoldeb salwch	44%	44%	42%	41%
Nifer cyfartalog y dyddiau a gollwyd	8.0	7.8	8.1	7.9

Datguddiadau Atebolrwydd

Datganiad Colledion	2017-18	2016-17
Cyfanswm y colledion	175	118
Cyfanswm gwerth y colledion (£000)	8,202	2,180

Manylion y colledion dros £300,000:

Colledion storfa	Stociau o gyffuriau sydd wedi dod i ben	£511,245
Hawliadau y rhoddwyd y gorau iddynt	McKenzie Interior	£312,873
	Cardiff Aviation Ltd	£861,761
	Kancoat Ltd	£3,054,112
	G24 Innovations Ltd	£1,176,081
	Regal Fayre UK Ltd	£365,497
	Achos Llys Traffig Ffyrdd	£1,703,897

Taliadau Arbennig	2017-18	2016-17
Cyfanswm nifer y Taliadau Arbennig	7	8
Cyfanswm gwerth y Taliadau Arbennig (£000)	1,902	543

Caiff colledion ar gyfer cwmnïau grŵp eraill eu dangos mewn manylder yn eu cyfrifon eu hunain.

Crynodeb o'r Alldro Adnoddau

	Cyllideb 2017-18 Gwariant net £m	Alldro 2017-18 Gwariant net £m	Alldro o'i gymharu â'r Gyllideb Amrywiant £m
CWMPAS			
Iechyd a Gwasanaethau Cymdeithasol	7,750	7,731	19
Llywodraeth Leol a Gwasanaethau Cyhoeddus	4,286	4,286	-
Addysg	2,535	2,408	127
Yr Economi a Thrafnidiaeth	1,298	1,268	30
Ynni, Cynllunio a Materion Gwledig	377	374	3
Gwasanaethau Canolog a Gweinyddu	335	315	20
Cyfanswm y gofynion Adnoddau a Chyfalaf	16,581	16,382	199
Incwm	913	818	95
Gwariant gros	17,494	17,200	294

Dengys y tabl uchod fformat cwmpasoedd ar gyfer 2017-18 yn dilyn newidiadau a wnaed yn Nhachwedd 2017. Dangosir isod strwythur blaenorol cwmpasoedd yn y flwyddyn ariannol 2016-17. Mae cwmpas Iechyd a Gwasanaethau Cymdeithasol ar gyfer 2017-18 wedi newid o 2016-17 gan fod y cyfraniad Yswiriant Gwladol a oedd gynt yn cael ei drin fel Incwm a'i ddangos fel gwariant net yn 2016-17, bellach yn cael ei drin fel Cyllid.

CWMPAS	Alldro 2016-17 Gwariant net £m
Iechyd, Llesiant a Chwaraeon	6,063
Llywodraeth Leol	3,340
Addysg	2,175
Yr Economi a'r Seilwaith	823
Cymunedau a Phlant	768
Yr Amgylchedd a Materion Gwledig	370
Gwasanaethau Canolog a Gweinyddu	307
Cyfanswm y gofynion Adnoddau a Chyfalaf	13,846
Incwm	1,815
Gwariant gros	15,661

Egluro amrywiannau dros £10m

Iechyd a Gwasanaethau Cymdeithasol tanwariant o £19m

Terfyn Gwariant Adrannol (DEL): tanwariant o £13.2m; o hyn mae £10.6m yn ymwneud â thanwariant ar gyllidebau optegol a fferyllol a ddelir yn ganolog yn y MEG yn hytrach nag yn rhan o'r dyraniad â therfyn arian parod o gyrff y GIG. Arweinir y cyllidebau hyn gan y galw ac felly maent yn anodd eu darogan. Cafwyd llithriant o £5.4m hefyd ar gyllidebau refeniw gofal plant. Yn dilyn ailwerthusiad pum mlynedd, cafwyd tanwariant o £6m yn achos cyllidebau a glustnodwyd ar gyfer dibrisiant ar asedau yn asedau y GIG. Cafwyd gorwariant cyfalaf o £9m. Er mwyn manteisio i'r eithaf ar y swm y mae Llywodraeth Cymru'n ei gario ymlaen o fewn cronfa wrth gefn Cymru cafodd nifer o gynlluniau cyfalaf

eu hariannu yn hwyr yn y flwyddyn ariannol. Gwariant a Reolir yn Flynyddol (AME: tanwariant o £9m: Mae'r rhan fwyaf o'r tanwariant yn ymwneud ag amhariad asedau o fewn ystad y GIG. Mae'r gweddill yn ymwneud â symudiadau ar ddarpariaethau'r GIG. Pwynt technegol alinio'r gyllideb £2.6m: Mae'r amrywiannau yn erbyn cyllidebau Trysorlys ei Mawrhydi yn i) a ii) uchod yn wahanol ar hyn o bryd i'r hyn a bennir yn y cynnig cyllidebol a thrwy hynny y Datganiad o Alldro Adnoddau. Mae'r gwahaniaeth yn danwariant ar Ymddiriedolaethau'r GIG a chyllidebau dibrisiant cyrff a noddir.

Addysg – tanwariant o £127m

Cysylltir y tanwariant yn bennaf â'r gyllideb benthyciadau i fyfyrwyr sy'n cael ei harwain gan y galw ac sy'n anodd ei darogan. Mae'r amhariad DEL blynyddol (yng ngwerth disgwylidig) y llyfrau benthyciadau a gyfrifwyd trwy fodelu ystadegol £78.8 yn llai nag y cyllidebwyd ar ei gyfer. Yn ychwanegol, roedd gwerth y benthyciadau i fyfyrwyr a roddwyd a'r taliadau a wnaed £46.8m yn llai nag a ragwelwyd (AME). Mae amrywiannau bach eraill yn ffurfio gweddill yr amrywiant.

Yr Economi a'r Trafnidiaeth – tanwariant o £30m

Cafwyd gorwariant cyfalaf o £39.5m. Er mwyn manteisio i'r eithaf ar y swm y mae Llywodraeth Cymru'n ei gario ymlaen o fewn cronfa wrth gefn Cymru cafodd nifer o gynlluniau cyfalaf eu hariannu yn hwyr yn y flwyddyn ariannol. Cafodd hyn ei osod yn erbyn tanwariant o 34m ar ddibrisiant yn dilyn yr arolwg blynyddol o gyflwr y rhwydwaith traffyrdd a chefnffyrdd a thanwariant o ostyngiad yn y gofyniad ar gyfer darpariaethau a rhwymedigaethau yn erbyn prosiectau mawr. Cafwyd tanwariant o £41.7m ar gyllidebau AMW, yn bennaf o leihad yn y gofyniad ar gyfer darpariaethau a thaliadau yn erbyn prosiectau mawr. Mae'r gwahaniaeth o £6.5m sy'n weddill yn ymwneud ag addasiadau alinio ar gyfer Banc Datblygu Cymru a rhwymedigaethau pensiwn amgueddfeydd a llyfrgelloedd sydd heb eu cydgrynhoi yn y Datganiad o Alldro Adnoddau.

Gwasanaethau Canolog a Gweinyddu – tanwariant o £20m

Mae elfen fwyaf y tanwariant (£6.2m) yn ymwneud â chynlluniau reffeniw a chyfalaf Buddsoddi i Arbed lle'r oedd llai o gyfleoedd buddsoddi da yn 2017-18. Mae cyfran bellach o'r tanwariant yn ymwneud â darpariaeth (£5.4m) ar gyfer rhwymedigaeth pensiwn sy'n anodd ei ddarogan (ac sydd felly'n cael ei drin fel AME). Cafodd arbedion costau staff o £2.2m eu cynhyrchu yn y flwyddyn i wneud i gyllidebau gyd-fynd â gostyngiad yng nghyllidebau blynyddoedd y dyfodol. Roedd tanwariant arall yn cynnwys: £1.8m o arbedion yn gysylltiedig agystad Llywodraeth Cymru; £1.2m o lithriant ar brosiectau TG Swyddfa Cyllid Ewropeaidd Cymru; ac arbedion o £2m yn erbyn y gyllideb gwybodaeth a Gwasanaethau Cynnal. Mae amrywiannau bach eraill yn ffurfio gweddill yr amrywiant.

Nodiadau

Gofyniad Arian Parod Net	Alldro 2017-18 £m	Alldro 2016-17 £m
Awdurdodwyd i'w gyhoeddi o Gronfa Gyfunol Cymru	15,657	13,754
Cyllid a dynnir i lawr	(15,330)	(13,507)
Cyllid heb ei dynnu i lawr	327	247

Cysoni'r alldro a CSoCNE	Alldro 2017-18 £m	Alldro 2016-17 £m
Alldro Adnoddau Net	16,382	13,846
Llai: Cyfalaf, benthychiadau ac addasiadau	(1,103)	(844)
Llai Addasiad Cyfunol	(154)	-
Gwariant fesul CSoCNE	15,125	13,002

Cysoni adnoddau i ofynion arian parod	Cyllideb 2017-18 £m	Alldro 2017-18 £m	Alldro o'i gymharu â'r Gyllideb £m	Alldro 2016-17 £m
Alldro Adnoddau Net	16,581	16,382	199	13,846
Dibrisiant	(364)	(318)	(46)	257
Amhariadau	(365)	(360)	(5)	(321)
Symudiadau yn y darpariaethau	(256)	(216)	(40)	(194)
Symudiadau mewn cyfalaf gweithio	60	(146)	206	(76)
Arall	-	80	(80)	43
Gofyniad arian parod net	15,656	15,422	234	13,555

Shan Morgan
Ysgrifennydd Parhaol a Phrif Swyddog Cyfrifyddu
17 Medi 2018

Tystysgrif ac adroddiad archwilydd annibynnol Archwilydd Cenedlaethol Cymru i Gynulliad Cenedlaethol Cymru

Adroddiad ar yr archwiliad o'r datganiadau ariannol

Barn

Rwy'n ardystio fy mod wedi archwilio datganiadau ariannol Llywodraeth Cymru a'r Grŵp ar gyfer y flwyddyn a ddaeth i ben ar 31 Mawrth 2018 o dan Ddeddf Llywodraeth Cymru 2006. Mae'r rhain yn cynnwys y Datganiad Cyfunol o Wariant Net Cynhwysfawr, y Datganiad Cyfunol o'r Sefyllfa Ariannol, y Datganiad Cyfunol o Lifoedd Arian Parod, y Datganiad o Newidiadau mewn Ecwiti Trethdalwyr a'r nodiadau cysylltiedig, gan gynnwys crynodeb o bolisiâu cyfrifyddu arwyddocaol. Paratowyd y datganiadau ariannol hyn o dan y polisiâu cyfrifyddu a amlinellir ynddynt. Rwyf hefyd wedi archwilio'r Datganiad o Alldro Adnoddau, y Datgeliadau Atebolrwydd a'r wybodaeth yn yr Adroddiad Cydnabyddiaeth Ariannol a Staff a ddisgrifir yn yr adroddiad hwnnw eu bod wedi eu harchwilio. Y fframwaith adrodd ariannol sydd wedi ei gymhwyso wrth eu paratoi yw'r gyfraith berthnasol a Llawlyfr Adrodd Ariannol Trysorlys ei Mawrhydi, sy'n seiliedig ar y Safonau Adrodd Ariannol Rhyngwladol fel y'u mabwysiadwyd gan yr Undeb Ewropeaidd.

Yn fy marn ni, mae'r datganiadau ariannol:

- yn rhoi darlun cywir a theg o sefyllfa Llywodraeth Cymru a'r Grŵp fel yr oedd ar 31 Mawrth 2018 ac o'r arian net sydd ei hangen arni, yr alldro adnoddau net a'r costau gweithredu net ar gyfer y flwyddyn a ddaeth i ben ar yr adeg honno; a'u
- bod wedi eu paratoi yn gywir yn unol â chyfarwyddiadau Trysorlys EM a gyhoeddwyd o dan Ddeddf Llywodraeth Cymru 2006.

Sail fy marn

Cynhaliais fy archwiliad yn unol â'r gyfraith berthnasol a Safonau Archwilio Rhyngwladol y DU. Mae fy nghyfrifoldebau i o dan y safonau hynny'n cael eu disgrifio ymhellach yng nghyfrifoldebau'r archwilydd ar gyfer yr archwiliad yn adran datganiadau ariannol fy adroddiad. Rwyf i'n annibynnol o'r corff yn unol â'r gofynion moesegol sy'n berthnasol i'm gwaith o archwilio datganiadau ariannol yn y DU, gan gynnwys Safon Foesegol y Cyngor Adrodd Ariannol, ac rwyf wedi cyflawni fy nghyfrifoldebau moesegol eraill yn unol â'r gofynion hyn. Credaf fod y dystiolaeth rwyf wedi'i chasglu ar gyfer yr archwiliad yn ddigonol ac yn briodol i roi sail i'm barn.

Casgliadau yn gysylltiedig â busnes gweithredol

Nid oes gennyf unrhyw beth i adrodd yn ei gylch yn gysylltiedig â'r materion canlynol y mae'r Safonau Archwilio Rhyngwladol (y DU) yn ei gwneud yn ofynnol imi gyflwyno adroddiad ichi amdanynt os bydd yr amgylchiadau canlynol yn berthnasol:

- nid yw defnyddio sail gyfrifyddu busnes gweithredol wrth baratoi'r datganiadau ariannol yn briodol; neu
- nid yw'r Prif Swyddog Cyfrifyddu wedi datgelu yn y datganiadau ariannol unrhyw ansicrwydd perthnasol a nodwyd a all fwrw amheuaeth sylweddol dros allu'r corff i barhau i ddefnyddio sail gyfrifyddu busnes gweithredol am gyfnod o ddeuddeg mis o leiaf o'r dyddiad pan awdurdodir cyhoeddi'r datganiadau ariannol.

Gwybodaeth arall

Nid yw Cyfarwyddiadau Trysorlys EM a gyhoeddwyd o dan Ddeddf Llywodraeth Cymru 2006 yn nodi cynnwys a ffurf unrhyw wybodaeth arall sydd i'w chyflwyno gyda'r datganiadau ariannol. Y Prif Swyddog Cyfrifyddu sy'n gyfrifol am yr wybodaeth arall yn yr adroddiadau blynyddol a'r cyfrifon. Mae'r wybodaeth arall yn cynnwys yr wybodaeth yn yr Adroddiad Blynyddol a'r Adroddiad Atebolrwydd, heblaw am y darnau o'r Adroddiad Atebolrwydd a ddisgrifir yn yr adroddiad hwnnw eu bod wedi eu harchwilio. Nid yw fy marn i ar y datganiadau ariannol yn cwmpasu'r wybodaeth arall ac, ar wahân i'r graddau a nodir yn benodol yn fy adroddiad, nid wyf yn mynegi unrhyw fath o gasgliad sicrwydd ar hynny.

O ran fy archwiliad o'r datganiadau ariannol, fy nghyfrifoldeb i yw darllen yr holl wybodaeth arall i nodi unrhyw anghysondebau perthnasol yn y datganiadau ariannol archwiliedig, ac i nodi unrhyw wybodaeth sydd i'w gweld yn anghywir yn seiliedig ar yr wybodaeth a gafwyd gennyf wrth gyflawni'r archwiliad, neu sy'n anghyson â'r wybodaeth a gafwyd gennyf wrth gyflawni'r archwiliad. Os dof yn ymwybodol o unrhyw gamddatganiadau neu anghysondebau perthnasol amlwg, ystyriaf y goblygiadau i'm hadroddiad.

Barn ar reoleidd-dra

Yn fy marn i, mewn pob ffordd berthnasol, mae'r gwariant a'r incwm yn y datganiadau ariannol wedi cael eu cymhwyso at y dibenion a fwriadwyd gan Gynulliad Cenedlaethol Cymru, ac mae'r trafodiadau ariannol a gofnodwyd yn y datganiadau ariannol yn cydymffurfio â'r awdurdodau sy'n eu rheoli.

Adroddiad ar ofynion eraill

Barn ar faterion eraill

Oherwydd nad yw Cyfarwyddiadau Trysorlys EM yn nodi ffurf a chynnwys unrhyw wybodaeth arall sydd i'w chyflwyno gyda'r datganiadau ariannol, ni allaf gadarnhau a yw'r Adroddiad Blynyddol a'r Adroddiad Atebolrwydd wedi eu paratoi yn briodol yn unol â'r Cyfarwyddiadau hynny.

Yn fy marn i, yn seiliedig ar y gwaith a wnaed yn ystod fy archwiliad, mae'r wybodaeth a roddwyd yn yr Adroddiad Blynyddol a'r Adroddiad Atebolrwydd, gan gynnwys y Datganiad Llywodraethu Blynyddol, yn gyson â'r datganiadau ariannol.

Materion yr adroddaf arnynt drwy eithriad

Yng ngoleuni'r wybodaeth a'r ddealltwriaeth ynglŷn â'r corff a'i amgylchedd a gafwyd yn ystod yr archwiliad, nid wyf wedi canfod unrhyw gamddatganiadau perthnasol yn yr Adroddiad Blynyddol na'r Adroddiad Atebolrwydd.

Nid oes gennyf unrhyw beth i adrodd yn ei gylch yn gysylltiedig â'r materion canlynol yr wyf yn cyflwyno adroddiad ichi amdanynt os, yn fy marn i:

- nad yw cofnodion cyfrifyddu priodol wedi cael eu cadw;
- nad yw'r datganiadau ariannol, y Datganiad Alldro Adnoddau, y Datgeliadau Atebolrwydd a'r rhan o'r Adroddiad Cydnabyddiaeth Ariannol a Staff sydd i'w harchwilio yn gyson â'r cofnodion a'r datganiadau cyfrifyddu; ac
- nad wyf wedi derbyn yr holl wybodaeth ac esboniadau sydd eu hangen arnaf ar gyfer fy archwiliad.

Adroddiad

Nid oes gennyf unrhyw sylwadau i'w gwneud ynghylch y datganiadau ariannol hyn.

Cyfrifoldebau

Cyfrifoldebau'r Prif Swyddog Cyfrifyddu ar gyfer y datganiadau ariannol

Fel yr esboniwyd yn llawnach yn y Datganiad o Gyfrifoldebau'r Swyddog Cyfrifyddu, mae'r Prif Swyddog Cyfrifyddu yn gyfrifol am baratoi'r datganiadau ariannol yn unol â Deddf Llywodraeth Cymru 2006 a chyfarwyddiadau Trysorlys EM o dan y gorchymyn hwnnw, am fod yn fodlon eu bod yn rhoi darlun cywir a theg ac am y fath reolaeth fewnol ag sy'n angenrheidiol ym marn y Prif Swyddog Cyfrifyddu i alluogi'r gwaith o baratoi datganiadau ariannol nad oes camddatganiadau perthnasol ynddynt, boed hynny drwy dwyll neu wall.

Wrth baratoi'r datganiadau ariannol, mae'r Prif Swyddog Cyfrifyddu yn gyfrifol am asesu gallu'r corff i barhau fel busnes gweithredol, gan ddatgelu fel sy'n berthnasol, materion sy'n ymwneud â busnes gweithredol a defnyddio sail gyfrifyddu busnes gweithredol oni ystyrir hynny'n amhriodol.

Cyfrifoldebau'r archwilydd o ran archwilio'r datganiadau ariannol

Fy amcanion yw cael sicrwydd rhesymol ynghylch a yw'r datganiadau ariannol yn eu cyfanrwydd yn cynnwys camddatganiad perthnasol, boed hynny drwy dwyll neu wall, a chyhoeddi adroddiad archwilydd sy'n cynnwys fy marn. Mae sicrwydd rhesymol yn lefel uchel o sicrwydd, ond nid yw'n gwarantu y bydd archwiliad a gynhelir yn unol â'r Safonau Archwilio Rhyngwladol (y DU) bob amser yn canfod camddatganiad perthnasol pan fo'n bodoli. Gall camddatganiadau ddeillio o dwyll neu wall ac fe'u hystyrir yn berthnasol os, yn unigol neu gyda'i gilydd, y gellid disgwyl yn rhesymol iddynt ddylanwadu ar benderfyniadau economaidd defnyddwyr a wneir ar sail y datganiadau ariannol hyn.

Ceir disgrifiad pellach o gyfrifoldebau'r archwilydd o ran archwilio'r datganiadau ariannol ar wefan y Cyngor Adrodd Ariannol yn www.frc.org.uk/auditorsresponsibilities. Mae'r disgrifiad hwn yn ffurfio rhan o'm hadroddiad archwilydd.

Cyfrifoldebau am reoleidd-dra

Mae'r Prif Swyddog Cyfrifyddu yn gyfrifol am sicrhau rheoleidd-dra trafodiadau ariannol.

Mae'n ofynnol i mi gasglu digon o dystiolaeth i roi sicrwydd rhesymol fod y gwariant a'r incwm wedi'u cymhwyso at y dibenion a fwriadwyd gan Gynulliad Cenedlaethol Cymru, a bod y trafodiadau ariannol yn cydymffurfio â'r awdurdodau sy'n eu rheoli.

Adrian Crompton
Archwilydd Cyffredinol Cymru
27 Medi 2018

24 Heol y Gadeirlan
Caerdydd
CF11 9LJ

Datganiadau Ariannol

Datganiad wedi'i Gydgrynhoi o Wariant Net Cynhwysfawr ar gyfer y flwyddyn a ddaeth i ben ar 31 Mawrth 2018

	Nodyn	2017-18		2016-17	
		Craidd LIC £m	Grŵp LIC £m	Craidd LIC £m wedi'i ailddatgan	Grŵp LIC £m wedi'i ailddatgan
Incwm o werthu nwyddau a gwasanaethau	2	(34)	(37)	(33)	(49)
Incwm gweithredol arall	2	(631)	(950)	(1,655)	(1,964)
Cyfanswm incwm gweithredol		(665)	(987)	(1,688)	(2,013)
Costau staff	3	284	3,586	272	3,485
Gwariant	3	15,174	12,014	13,937	10,940
Cost Darpariaeth	3	332	435	262	330
Cyfanswm gwariant gweithredol		15,790	16,035	14,471	14,755
Gwariant net am y flwyddyn		15,125	15,048	12,783	12,742
Gwariant net cynhwysfawr arall:					
Eitemau na chânt eu hailddosbarthu i gostau gweithredol net:					
Elw/colled net ar ailbrizio eiddo, peiriannau a chyfarpar		(480)	(611)	(548)	(560)
Elw/colled actiwaraidd ar rwymedigaethau cynlluniau pensiwn		9	3	(9)	(24)
Gwariant net cynhwysfawr am y flwyddyn		14,654	14,440	12,226	12,158

Mae'r Nodiadau ar dudalennau 74 i 108 yn rhan o'r cyfrifon hyn

Datganiad wedi'i Gydgrynhai o'r Sefyllfa Ariannol ar 31 Mawrth 2018

	Nodyn	Ar 31 Mawrth 2018		Ar 31 Mawrth 2017	
		Craidd LIC £m	Grŵp LIC £m	Craidd LIC £m wedi'i ailddatgan	Grŵp LIC £m wedi'i ailddatgan
Asedau anghyfredol:					
Eiddo, offer a chyfarpar	4	17,021	20,142	16,484	19,387
Asedau nad ydynt yn ddiriaethol	5	41	51	14	25
Asedau ariannol	6	4,098	3,470	3,635	3,218
Masnach a symiau eraill i'w derbyn	8	30	397	15	301
Cyfanswm yr asedau anghyfredol		21,190	24,060	20,148	22,931
Asedau cyfredol:					
Asedau sydd wedi'u dosbarthu fel mewn llaw i'w gwerthu		-	1	-	4
Stocrestri	7	185	245	194	255
Masnach a symiau eraill i'w derbyn	8	184	316	236	380
Arian parod a'r hyn sy'n cyfateb i arian parod	9	127	444	141	299
Cyfanswm asedau cyfredol		496	1,006	571	938
Cyfanswm asedau		21,686	25,066	20,719	23,869
Rhwymedigaethau cyfredol:					
Masnach a symiau taladwy eraill	10	(935)	(1,744)	(824)	(1,592)
Darpariaethau	11	(287)	(287)	(263)	(261)
Cyfanswm y rhwymedigaethau cyfredol		(1,222)	(2,031)	(1,087)	(1,853)
Cyfanswm asedau llai rhwymedigaethau cyfredol		20,464	23,035	19,632	22,016
Rhwymedigaethau anghyfredol					
Masnach a symiau taladwy eraill	10	(106)	(167)	(115)	(181)
Darpariaethau	11	(848)	(859)	(664)	(684)
Rhwymedigaethau Eraill	13	(77)	(109)	(83)	(118)
Cyfanswm y rhwymedigaethau anghyfredol		(1,031)	(1,135)	(862)	(983)
Cyfanswm asedau llai rhwymedigaethau		19,433	21,900	18,770	21,033
Ecwiti trethdalwyr a chronfeydd wrth gefn eraill					
Cronfa Gyffredinol		10,802	12,767	10,615	12,491
Cronfa ailbrisiadau		8,631	9,133	8,155	8,542
Cyfanswm ecwiti		19,433	21,900	18,770	21,033

Mae'r Nodiadau ar dudalennau 74 i 108 yn rhan o'r cyfrifon hyn

Shan Morgan

Ysgrifennydd Parhaol a Phrif Swyddog Cyfrifyddu
17 Medi 2018

Datganiad wedi'i Gydgrynhoi o Lifoedd Arian ar gyfer y flwyddyn a ddaeth i ben ar 31 Mawrth 2018

	Nodyn	Blwyddyn yn dod i ben 31 Mawrth 2018		Blwyddyn yn dod i ben 31 Mawrth 2017 2017	
		Craidd LIC £m	Grŵp LIC £m	Craidd LIC £m wedi'i ailldatgan	Grŵp LIC £m wedi'i ailldatgan
Llifoedd arian parod o weithgareddau gweithredol:					
Cost weithredol net		(15,125)	(15,048)	(12,783)	(12,742)
Trafodiadau nad ydynt yn arian parod		847	1,115	117	353
Incwm sy'n daladwy i Gronfa Gyfunol Cymru		-	-	(1)	(1)
Symudiadau mewn cyfalaf gweithio heblaw arian parod	14	57	35	11	(97)
Defnyddio darpariaethau	11	(111)	(221)	(67)	(143)
All-lif arian clir o weithgareddau gweithredu		(14,332)	(14,119)	(12,723)	(12,630)
Llifoedd arian parod o weithgareddau buddsoddi:					
Prynu eiddo, peiriannau a chyfarpar		(304)	(583)	(284)	(474)
Enillion yn sgîl gwaredu eiddo, peiriannau a chyfarpar		1	14	4	7
Prynu asedau nad ydynt yn ddiriaethol		(6)	(10)	(1)	(5)
Prynu asedau datblygu		(35)	(35)	(39)	(39)
Enillion yn sgîl gwaredu asedau datblygu		41	41	28	28
Rhoi benthyciadau a buddsoddiadau		(816)	(597)	(582)	(533)
Ad-dalu benthyciadau		115	112	95	95
All-lif arian clir o weithgareddau buddsoddi		(1004)	(1,058)	(779)	(921)
Llifoedd arian parod o weithgareddau ariannu:					
O Gronfa Gyfunol Cymru (Cyflenwi) – y flwyddyn bresennol		15,330	15,330	13,507	13,507
Elfen gyfalaf taliadau ar gyfer lesioedd cyllid a chontractau PFI ar y fantolen		(8)	(8)	(9)	(9)
Cyllido Net		15,322	15,322	13,498	13,498
Cynnydd net mewn arian parod a'r hyn sy'n cyfateb i arian parod yn y cyfnod cyn addasu ar gyfer derbyniadau a thaliadau i Gronfa Gyfunol Cymru		(14)	145	(4)	(53)
Symudiadau mewn derbyniadau anweithredol sydd i'w hildio i Gronfa Gyfunol Cymru		-	-	2	2
Gostyngiad net mewn arian parod a'r hyn sy'n cyfateb i arian parod yn y cyfnod ar ôl addasu ar gyfer derbyniadau a thaliadau i Gronfa Gyfunol Cymru	9	(14)	145	(2)	(51)
Arian parod a'r hyn sy'n cyfateb i arian parod ar ddechrau'r flwyddyn	9	141	299	143	350
Arian parod a'r hyn sy'n cyfateb i arian parod ar ddiwedd y flwyddyn	9	127	444	141	299

Mae'r Nodiadau ar dudalennau 74 i 108 yn rhan o'r cyfrifon hyn

Datganiad o newidiadau yn Ecwiti Trethdalwyr

Grŵp Llywodraeth Cymru

	Cronfa Gyffredinol £m	Cronfa Ailbrisiadau £m	Cyfanswm Cronfeydd £m
Gweddill ar 31 Mawrth 2016	12,072	7,718	19,790
Cronfa Gyfunol Cymru – ariannu net	13,507	–	13,507
Cost weithredol net am y flwyddyn	(12,742)	–	(12,742)
Enillion a cholledion ailbrizio	–	560	560
Trosglwyddiadau rhwng cronfeydd wrth gefn	(264)	264	–
Addasiadau eraill	(84)	2	(82)
Gweddill ar 31 Mawrth 2017 (wedi'i ailddatgan)	12,489	8,544	21,033
Cronfa Gyfunol Cymru – ariannu net	15,330	–	15,330
Cost weithredol net am y flwyddyn	(15,048)	–	(15,048)
Enillion a cholledion ailbrizio	11	596	607
Trosglwyddiadau rhwng Cronfeydd wrth gefn	15	(15)	–
Addasiadau eraill	(30)	8	(22)
Gweddill ar 31 Mawrth 2018	12,767	9,133	21,900

Craidd Llywodraeth Cymru

	Cronfa Gyffredinol £m	Cronfa Ailbrisiadau £m	Cyfanswm Cronfeydd £m
Gweddill ar 31 Mawrth 2016 (wedi'i ailddatgan)	10,234	7,335	17,569
Cronfa Gyfunol Cymru – ariannu net	13,507	–	13,507
Cost weithredol net am y flwyddyn	(12,783)	–	(12,783)
Enillion a cholledion ailbrizio	–	547	547
Trosglwyddiadau rhwng Cronfeydd wrth gefn	(273)	273	–
Addasiadau eraill	(71)	1	(70)
Gweddill ar 31 Mawrth 2017 (wedi'i ailddatgan)	10,614	8,156	18,770
Cronfa Gyfunol Cymru – ariannu net	15,330	–	15,330
Cost weithredol net am y flwyddyn	(15,125)	–	(15,125)
Enillion a cholledion ailbrizio	–	480	480
Trosglwyddiadau rhwng Cronfeydd wrth gefn	13	(13)	–
Addasiadau eraill	(30)	8	(22)
Gweddill ar 31 Mawrth 2018	10,802	8,631	19,433

Mae'r Nodiadau ar dudalennau 74 i 108 yn rhan o'r cyfrifon hyn

Nodiadau ar y cyfrifon

1. Datganiad o bolisiâu cyfrifyddu

Mae'r datganiadau ariannol cyfunol wedi'u paratoi yn unol â Llawlyfr Adroddiadau Ariannol y Llywodraeth (FReM). Mae'r polisiâu cyfrifyddu a gynhwysir yn FReM yn cymhwyso Safonau Adrodd Ariannol Rhyngwladol (IFRS) fel y maent wedi'u haddasu neu eu dehongli ar gyfer cyd-destun y sector cyhoeddus. Lle mae FReM yn caniatáu dewis o bolisi cyfrifyddu, mae'r polisi cyfrifyddu y bernir ei fod fwyaf priodol i amgylchiadau penodol Llywodraeth Cymru at ddibenion rhoi golwg gywir a theg wedi'i ddewis. Disgrifir y polisiâu penodol sydd wedi cael eu mabwysiadu gan Lywodraeth Cymru (ar gyfer y gweithgarwch adroddadwy) yn Atodiad A neu fel troednodiadau i'r nodyn perthnasol. Maent wedi cael eu cymhwyso'n gyson wrth ymdrin ag eitemau y bernir eu bod yn berthnasol i'r cyfrifon.

Yn ychwanegol at y prif ddatganiadau a baratoir o dan IFRS, mae FReM hefyd yn ei gwneud yn ofynnol i Lywodraeth Cymru baratoir prif ddatganiadau ychwanegol Mae'r crynodeb o Alldro sy'n dangos alldro gwirioneddol yn erbyn y gyllideb a nodiadau ategol sy'n cysoni alldro i gost weithredol net, ac adnoddau i ofyniad arian parod.

1.1 Confensiwn cyfrifyddu

Mae'r cyfrifon hyn wedi'u paratoi o dan y confensiwn cost hanesyddol, wedi'u haddasu i gyfrif am ailbrisio eiddo buddsoddi, eiddo, peiriannau a chyfarpar a rhai asedau a rhwymedigaethau ariannol.

1.2 Sail Cyfuno

Mae'r cyfrifon yn gyfuniad o Lywodraeth Cymru, y saith Bwrdd Iechyd Lleol, Banc Datblygu Cymru (gynt Cyllid Cymru ccc), Cronfa Buddsoddi Cymru mewn Adfywio LLP, WG Holdco Limited a Career Choices Dewis Gyrfa Limited. Mae'r sefydliadau cyfunol hyn yn cynhyrchu ac yn cyhoeddi eu hadroddiadau blynyddol a'u cyfrifon eu hunain.

Mae is-gwmnïau yn cael eu cyfuno o gyfrifon drafft, heblaw'r Byrddau Iechyd Lleol a WG Holdco Ltd, gan nad oes unrhyw wahaniaeth o sylwedd rhwng cyfrifon drafft a chyfrifon terfynol. Mae trafodiadau rhwng endidau a gynhwysir yn y cyfuno'n cael eu dileu.

Cyn 2017-18 roedd y datganiadau cyfunol yn cael eu paratoi ar sail cynnwys endidau a oedd yn berthnasol. O eleni ymlaen, y sail ar gyfer cynnwys endidau yw a ydynt wedi'u dynodi ac a ydynt yn berthnasol.

2.2. Incwm Gweithredol

	Blwyddyn yn dod i ben 31 Mawrth 2018		Blwyddyn yn dod i ben 31 Mawrth 2017	
	Craidd LIC £m	Grŵp LIC £m	Craidd LIC £m	Grŵp LIC £m
Incwm o werthu nwyddau a gwasanaethau				
Incwm o eiddo a buddsoddiadau	31	32	26	28
Arall	3	5	7	21
	34	37	33	49
Incwm gweithredol arall nad yw'n incwm yr UE				
Cyfraniadau cyllid iechyd Cyllid y Wlad	-	-	1,141	1,141
Llog Benthyciadau i Fyfirwyr sydd i'w derbyn	89	89	64	64
Incwm iechyd	36	446	40	326
Arall	13	(85)	26	32
	138	450	1,271	1,563
Incwm gweithredol arall yr UE:				
Rhaglenni Cronfeydd Strwythurol Ewropeaidd	174	181	100	118
Polisi Amaethyddol Cyffredin	315	315	280	279
Incwm arall yr UE	4	4	4	4
	493	500	384	401
	665	987	1,688	2,013

O ganlyniad i gynnwys Cyfraniadau cyllid iechyd Cyllid y Wlad yng Nghynnig y Gyllideb 2017-18 ar gyfer Cyllid Llywodraeth Cymru, o 2017-18, cyfrifir am y cyfraniadau cyllid iechyd fel cyllid trwy'r Gronfa Gyffredinol.

3. Gwariant

	Blwyddyn yn dod i ben 31 Mawrth 2018		Blwyddyn yn dod i ben 31 Mawrth 2017	
	Craidd LIC £m	Grŵp LIC £m	Craidd LIC (wedi'i allddatgan) £m	Grŵp LIC (wedi'i allddatgan) £m
Gwariant				
Grantiau ¹	14,333	7,621	13,761	7,439
Nwyddau a gwasanaethau ¹	298	3,652	296	3,415
Costau staff	284	3,586	272	3,485
Rhentu o dan lesioedd gweithredu	9	35	8	32
PFI a threfniadau consesiwn gwasanaeth eraill	19	27	16	16
Gwerth teg llyfr benthyciadau i fyfyrwyr	302	302	306	306
Dibrisiant	161	306	(481)	(341)
Amorteddio	4	8	5	8
Asedau sydd wedi'u rhoi gan y Llywodraeth	-	(9)	-	(9)
Amhariadau	58	85	15	63
Elw ar warediadau	(7)	(15)	15	15
Cyllid Pensiwn	(2)	3	(3)	(3)
Rhyddhau grant yr UE	(1)	(1)	(1)	(1)
	15,458	15,600	14,209	14,425
Darpariaethau				
Cynnydd yn nifer y darpariaethau	332	435	262	330
	15,790	16,035	14,471	14,755

¹ Mae gwariant ar Grantiau a Nwyddau a Gwasanaethau yn adlewyrchu dyraniad Alldro Adnoddau Cwmpasoedd.

Costau staff

Mae dadansoddiad llawn o gostau staff, gan gynnwys niferoedd staff a gwybodaeth gysylltiedig, wedi'i ddarparu yn Adroddiad Atebolrwydd y ddogfen hon.

Ffioedd Archwilio

Y swm sy'n daladwy i'r Archwilydd Cyffredinol am osod barn am ddatganiadau ariannol cyfunol Llywodraeth Cymru ar gyfer 2017-18 yw £368,703 (£379,141 2016-17) ac mae wedi'i gynnwys yn Nwyddau a Gwasanaethau a ddatgelir uchod. Cynhwysir uchod hefyd ffioedd a godir gan Archwilydd Cyffredinol Cymru mewn perthynas â chyfrifon eraill a baratoir gan Weinidogion Cymru fel a ganlyn:

	Blwyddyn yn dod i ben 31 Mawrth 2018 £	Blwyddyn yn dod i ben 31 Mawrth 2017 £
Cyfrif Cryno'r GIG	29,770	33,716
Cyfrif Ardrethi Annomestig Cenedlaethol	9,774	9,951
Cyfrif y Llywodraeth Gyfan	32,689	36,715
Cronfa Gyfunol Cymru	16,475	16,475

Datgelir ffioedd archwilio cyrff cyfunol o fewn eu cyfrifon unigol.

Yn 2017-18 roedd costau sefydlu Awdurdod Cyllid Cymru o £6,467,782 yn cael eu cynnwys yng ngwariant Llywodraeth Cymru.

	Blwyddyn yn dod i ben 31 Mawrth 2018
Cyfanswm rhoi ar waith	4,971,251
Cyfanswm Gweithredol	1,496,531
Cyfanswm	6,467,782

4. Eiddo, Offer a Chyfarpar

	Asedau'r Rhwydwaith £m	Tir £m	Adeiladau gan gynnwys Anheddau £m	Technoleg Gwybodaeth a Gosodiadau a Ffitiadau £m	Taliadau ar gyfrif ac Asedau sy'n cael eu hadelladu £m	Cyfanswm £m
Cost neu Brisiad ar gyfer y flwyddyn a ddaeth i ben ar 31 Mawrth 2017						
Ar 1 Ebrill 2016	17,610	403	2,515	777	511	21,816
Ychwanegiadau	89	-	33	90	298	510
Gwarediadau	-	(2)	(7)	(63)	-	(72)
Trosglwyddiadau	(34)	-	-	(2)	-	(36)
Amhariadau	-	1	(46)	(4)	(15)	(64)
Ailbrisiadau	558	11	-	-	-	569
Aildosbarthwyd i mewn llaw i'w gwerthu	-	(1)	-	-	-	(1)
Aildosbarthu	1	1	163	11	(176)	-
Ar 31 Mawrth 2017	18,224	413	2,658	809	618	22,722
Dibrisiant ar gyfer y flwyddyn a ddaeth i ben ar 31 Mawrth 2017						
Ar 1 Ebrill 2016	2,852	-	334	541	2	3,729
Codwyd tâl yn y flwyddyn (wedi'i ailddatgan)	(490)	-	84	65	-	(341)
Gwarediadau	-	-	(2)	(63)	-	(65)
Trosglwyddiadau	(5)	-	-	(2)	-	(7)
Amhariadau	-	-	3	-	-	3
Ailbrisiadau	13	-	3	-	-	16
Ar 31 Mawrth 2017 (wedi'i ailddatgan)	2,370	-	422	541	2	3,335
Swm cario ar 31 Mawrth 2017 (wedi'i ailddatgan)	15,854	413	2,236	268	616	19,387
Swm cario ar 31 Mawrth 2016	14,758	403	2,181	236	509	18,087
Cyllido asedau ar gyfer y flwyddyn a ddaeth i ben ar Mawrth 2017						
O dan berchnogaeth (wedi'i ailddatgan)	15,423	401	2,143	266	616	18,849
Wedi'u prydlesu o ran cyllid	-	-	2	1	-	3
Contractau PFI ar y fantolen	431	12	91	1	-	535
Ar 31 Mawrth 2017 (wedi'i ailddatgan)	15,854	413	2,236	268	616	19,387

4. Eiddo, offer a chyfarpar (parhad)

	Asedau'r Rhwydwaith £m	Tir £m	Adeiladau gan gynnwys Anheddau £m	Technoleg Gwybodaeth a Gosodiadau a Ffitiadau £m	Taliadau ar gyfrif ac Asedau sy'n cael eu hadeiladu £m	Cyfanswm £m
Cost neu Brisiad ar gyfer y flwyddyn a ddaeth i ben ar 31 Mawrth 2018						
Ar 1 Ebrill 2017	18,224	413	2,658	809	618	22,722
Ychwanegiadau	120	19	32	81	332	584
Gwarediadau	(120)	(1)	(3)	(36)	-	(160)
Trosglwyddiadau	(47)	-	-	-	-	(47)
Amhariadau	-	(11)	(80)	(5)	(7)	(103)
Ailbrisiadau	555	(29)	(167)	-	-	359
Ailddosbarthwyd i mewn llaw i'w gwerthu	-	-	-	-	-	-
Ailddosbarthu	-	-	92	10	(127)	(25)
Ar 31 Mawrth 2018	18,732	391	2,532	859	816	23,330
Dibrisiant ar gyfer y flwyddyn a ddaeth i ben ar 31 Mawrth 2018						
Ar 1 Ebrill 2017 (wedi'i ailddatgan)	2,370	-	422	541	2	3,335
Codwyd tâl yn y flwyddyn	151	-	82	72	-	305
Gwarediadau	(120)	-	(2)	(36)	-	(158)
Trosglwyddiadau	(2)	-	-	-	-	(2)
Amhariadau	-	-	(50)	-	-	(50)
Ailbrisiadau	75	-	(317)	-	-	(242)
Ar 31 Mawrth 2018	2,474	-	135	577	2	3,188
Swm cario ar 31 Mawrth 2018	16,258	391	2,397	282	814	20,142
Cyllido asedau ar gyfer y flwyddyn a ddaeth i ben Mawrth 2018						
O dan berchnogaeth	15,852	381	2,282	281	814	19,610
Wedi'u prydlesu o ran cyllid	-	-	12	1	-	13
Contractau PFI ar y fantolen	406	10	103	-	-	519
Ar 31 Mawrth 2018	16,258	391	2,397	282	814	20,142
Adran graidd ar 31 Mawrth 2018	16,258	46	121	30	566	17,021
BILI ac is-gyrff ar 31 Mawrth 2018		345	2,276	252	248	3,121
Adran graidd ar 31 Mawrth 2017 (wedi'i ailddatgan)	15,854	33	122	30	444	16,483
BILI ac is-gyrff ar 31 Mawrth 2017	-	380	2,113	238	172	2,903

4. Eiddo, Offer a Chyfarpar (parhad)

Asedau'r Rhwydwaith – ailddatgan

Roedd Cyfrifon Blyneddol Cyfunol 2016-17 yn ymgorffori newid mewn meddalwedd a ddefnyddir i amcangyfrif gweddill oes Asedau'r Rhwydwaith. Yn ystod cylch prisio 2017-18 nodwyd gwall yn y feddalwedd newydd a oedd yn golygu bod data 2016-17 a oedd wedi'i rhoi i Lywodraeth Cymru wedi cael ei gamgyfrif. Gwerth y gwall oedd £218m, a ystyrir yn berthnasol ac a arweiniodd at addasiad cyfnod blaenorol. Mae'r cyfrifon wedi'u hailddatgan i ymgorffori effaith y camgyfrif ar ddata a roddwyd i Lywodraeth Cymru mewn perthynas ag amrywio amodau yn ystod 2016-17.

Mae'r newid wedi arwain at ostyngiad yng nghyfanswm y gwariant gweithredol o £219m a chynnydd yng Ngwerth Net y Llyfr ar Asedau'r Rhwydwaith o £219m.

Tir ac adeiladau, gan gynnwys Anheddau

Cafodd y rhan fwyaf o dir ac adeiladau rhydd-ddaliadol Llywodraeth Cymru eu prisio ar 31 Mawrth 2015 gan GVA Grimley, Syrfewyr Siartredig, ar sail gwerth agored y farchnad gyda'r 'Appraisal and Valuation Manual', a gynhyrchir ar y cyd gan Sefydliad Brenhinol y Syrfewyr Siartredig, Cymdeithas Gorfforedig Priswyr ac Arwerthwyr a'r Sefydliad Ardrethu a Phrisio Refeniw. Mae tir ac adeiladau rhydd-ddaliadol a thir ac adeiladau lesddaliadol, lle'r oedd y les wreiddiol am fwy na chan mlynedd, wedi'u hailddatgan yn ôl y gost gyfredol gan ddefnyddio prisiau proffesiynol naill ai bod pum mlynedd, neu yn flynyddol, gyda mynegeion priodol yn y blyneddoddd eraill am brisiau nad ydynt yn flynyddol. Mae eiddo arbenigol yn cael eu prisio ar sail cost adnewyddu wedi'i dibrisio, yn unol â'r Llawlyfr Gwerthuso a Phrisio. Yn y blyneddoddd ariannol rhwng y prisiau pum mlynedd ffurfiol, mae tir ac adeiladau rhydd-ddaliadol yn cael eu prisio gan ddefnyddio'r mynegeion diweddaraf sydd ar gael ym Mawrth bob blwyddyn ariannol i ddarparu amcangyfrif rhesymol o werth.

Mae ffigurau Grŵp Llywodraeth Cymru'n cynnwys Tir ac Adeiladau'r Byrddau Iechyd Lleol a gafodd eu hailbrisio gan y Gwasanaeth Prisio Ardal gyda dyddiad dod i rym o 1 Ebrill 2017. Mae'r prisiad wedi'i baratoi yn unol â thelerau Safonau Prisio Sefydliad Brenhinol y Syrfewyr Siartredig, 6ed argraffiad. Mae'n ofynnol i BILL gymhwyso'r model ailbrisio a nodir yn IAS 16 a phrisio ei hasedau cyfalaf yn ôl gwerth teg. Diffinnir gwerth teg gan IAS16 fel y swm y gellid cyfnewid ased amdano rhwng partïon bodlon, sy'n meddu ar yr wybodaeth angenrheidiol mewn trafodiad hyd braich.

Mae hyn wedi'i wneud ar y rhagdybiaeth bod yr eiddo'n cael ei werthu fel rhan o'r fenter barhaus sydd wedi'i meddiannu.

5. Asedau nad ydynt yn ddiriaethol

	Technoleg Gwybodaeth			
	Ar 31 Mawrth 2018		Ar 31 Mawrth 2017	
	Craidd LIC £m	Grŵp LIC £m	Craidd LIC £m	Grŵp LIC £m
Cost neu brisiad				
Ar 1 Ebrill	28	55	40	63
Ychwanegiadau	6	10	1	5
Gwarediadau	-	(1)	(15)	(15)
Ailddosbarthiadau	25	26	2	2
Ar 31 Mawrth	59	90	28	55
Amorteddio				
Ar 1 Ebrill	14	31	24	38
Codwyd tâl yn y flwyddyn	4	8	5	8
Gwarediadau	-	-	(15)	(16)
Ar 31 Mawrth	18	39	14	30
Gwerth Net y Llyfr ar 31 Mawrth	41	51	14	25
Gwerth Net y Llyfr ar 1 Ebrill	14	24	16	25

6. Asedau ariannol – Buddsoddiadau a Benthyciadau

	Benthyciadau i Fyfyrwyr £m	Cyfalaf Difidend Datgelu Cyhoeddus Ymdd. y GIG £m	Asedau Ariannol Eraill £m	Cyfanswm £m
Gweddill ar 31 Mawrth 2016	2,585	167	276	3,028
Ychwanegiadau	439	8	109	556
Ad-daliadau benthyciadau	(108)	-	(14)	(122)
Llog wedi'i gyfalafu	65	-	-	65
Addasiad i'r gwerth teg	(306)	-	(3)	(309)
Gweddill ar 31 Mawrth 2017	2,675	175	368	3,218
Ychwanegiadau	506	(3)	87	590
Ad-daliadau benthyciadau	(119)	-	(27)	(146)
Llog wedi'i gyfalafu	89	-	-	89
Addasiad i'r gwerth teg	(302)	-	21	(281)
Gweddill ar 31 Mawrth 2018	2,849	172	449	3,470

Craidd LIC yn unig				
Ar 31 Mawrth 2018	2,849	172	1,077	4,098
Ar 31 Mawrth 2017	2,675	175	785	3,635

Cynhwysir yn y gweddill sy'n cael ei gario ymlaen £130m (2017 – £121m) sy'n ddyledus o fewn blwyddyn.

6. Asedau ariannol – Buddsoddiadau a Benthyciadau (Parhad)

6.1 Benthyciadau i Fyfyrrwyr

Cofnodir benthyciadau i fyfyrwyr o fewn buddsoddiadau a benthyciadau yn ôl cost wedi'i hamortieiddio. Gwerth gros y llyfr yn achos Benthyciadau i Fyfyrrwyr yw 4,009m (2016-17 – £3,560m), sy'n cynnwys gwerth gros y llyfr, ynghyd ag ychwanegiadau a llog wedi'i gyfalafu, a llai dileadau (a gynhwysir yn yr addasiad i'r gwerth teg, uchod) ac ad-daliadau. Nid yw gwerth gros y llyfr yn cynnwys amhariadau benthyciadau a llog effeithiol. Cedwir y llyfr Benthyciadau i Fyfyrrwyr gan y Cwmni Benthyciadau i Fyfyrrwyr.

Cost rhedeg amhariadau h.y. gwerth teg ac addasiadau i log effeithiol, yw £1,160m (2016-17 – £885m), gan roi'r gwerth cario uchod o £2,849m (2016-17 – £2,675m). Mae'r gwerth amharu yn cael ei gyfrifo gan y model Ad-dalu benthyciadau i fyfyrwyr (y model) sy'n cyfrifo gwerth cyfredol net benthyciadau gan gymryd i ystyriaeth amcangyfrif o werth benthyciadau i fyfyrwyr a roddwyd na chânt eu had-dalu oherwydd rhesymau polisi o achos marwolaeth, anabledd, oedran y myfyriwr neu'r benthyciad, canslo rhannol neu bolisiau eraill. Ystyrir bod y gwerth cario yn frasmcan rhesymol o werth teg benthyciadau myfyrwyr, yn absenoldeb marchnad fywiog, tueddiadau amlwg yn y marchnad neu drafodiadau hyd braich tebyg eraill. Cynhelir y model gan Lywodraeth Cymru.

Risg a rhagdybiaethau

Cyfrifir gwerth benthyciadau newydd gan ddefnyddio'r model sy'n defnyddio data am demograffeg myfyrwyr addysg uwch er mwyn darogan y tebygolrwydd y byddant yn ad-dalu benthyciadau. Mae modelau wedi'i addasu hefyd ar gyfer benthycwyr sy'n codi gwahanol fathau o benthyciadau – benthyciadau cyn 2012 a benthyciadau ar ôl 2012 (benthyciadau i is-raddedigion, myfyrwyr rhan amser a myfyrwyr ôl-raddedig. Mae'r modelau'n dibynnu ar set gymhleth o ragdybiaethau, ac yn arbennig enillion benthycwyr. Modelau hirdymor yw'r rhain, ond maent yn defnyddio rhagolygon hirdymor a byrdymor diweddaraf y Swyddfa Cyfrifoldeb Cyllidebol ar gyfer RPI, cyfraddau sylfaenol a thwf enillion. Wrth eu natur, mae gwerth y llyfrau benthyciadau i fyfyrwyr yn ansicr gan eu bod yn dibynnu i raddau helaeth ar amgylchiadau macroeconomaidd ac enillion graddedigion dros y 30 mlynedd nesaf, yn ogystal â nifer o rhagdybiaethau cymhleth eraill. O gofio pa mor newydd ydynt, nid oes fawr o ddata hanesyddol ar gael am ad-daliadau ar gyfer benthyciadau ar ôl 2012. Mae'r rhagdybiaethau a ddefnyddir yn y modelau ad-dalu'n cael eu had-dalu'n ffurfiol bob blwyddyn ac mae'r symiau a ddarperir ar hyn o bryd yn adlewyrchu'r amcangyfrif fel yr oedd ar 31 Mawrth 2018.

Rhagdybiaethau allweddol a ddefnyddir yn y model yw:

- **Cyfradd disgownt** – Mae Llywodraeth Cymru wedi ystyried yr egwyddorion o dan IAS 39 ac wedi defnyddio'r gyfradd fel y'i nodir y mhapur PES, sef RPI plws 0.7%. Hwn yw cyfradd disgownt hirdymor Trysorlys Ei Mawrhydi sef cost cyfalaf hirdymor Llywodraeth Cymru. Anaml y mae hyn yn newid, gydag unrhyw gynnydd neu yn gostwng gwerth cario Benthyciadau i Fyfyrrwyr.
- **Chwyddiant RPI** – Mae'r model yn defnyddio cyfraddau RPI yn unol â rhagolygon OBR (a ddaeth i law Tachwedd 2017) tan 2022-23. Tybir y bydd RPI yn y dyfodol yn dilyn tuedd linyddol o 2023-24 i 2026-27, ac wedyn newid sylweddol i 3.00% o 2027-28 ymlaen. Bydd RPI uwch yn cynyddu llog ar gyfer y mwyafrif o benthyciadau, a fydd yn arwain at ostyngiad yn y swm cario.

6. Asedau Ariannol – Buddsoddiadau a benthyciadau (parhad)

- **Enillion graddedigion** – Mae'r model yn rhagdybio y bydd twf enillion enwol cyfartalog byrdymor yn cydymffurfio â rhagolygon OBR tan 2022-23. Rhagdybir bod twf enillion yn y dyfodol yn yn 4.3% o 2026-27, gan mai dyma'r rhagolwg hirdymor, gyda newid llinynnol o werth 2023-24 bob blwyddyn hyd at 2025-26. Bydd cynnydd mewn Enillion Graddedigion yn cynyddu gwerth cario benthyciadau i fyfyrwyr.
- **Trothwy enillion graddedigion** – Ar 18 Hydref 2017 cyhoeddodd Llywodraeth Cymru y byddai'r trothwy ad-dalu ar gyfer pob benthyciad ar ôl 2012 yn cael ei gynyddu o £21,000pa i £25,000pa gydag effaith o 1 Ebrill 2018. Mae'r swm o £25,000 y flwyddyn wedi'i ddefnyddio o fewn y model ar gyfer benthyciadau ar ôl 2012. Bydd cynnydd yn y trothwy'n lleihau'r gwerth cario, gan y câi taliadau'r dyfodol eu lleihau.
- **Dosbarthiad Incwm Graddedigion** – Mae'r model yn rhagdybio y bydd dosbarthiadau incwm graddedigion yn y dyfodol yn debyg i rai graddedigion yn y gorffennol ac fe'u seilir ar yr Arolwg o'r Llafurlu, Panel Aelwydyd Prydain a data gweinyddol a ddelir gan y Cwmni Benthyciadau i Fyfyrwyr.
- **Dileu yn rhannol** – Polisi gan Lywodraeth Cymru yw dileu yn rhannol sy'n gymwys i fenthyciadau cynnal a chadw, lle y gellir cymhwyso dilead o hyd at £1,500 wrth gael yr ad-daliad cyntaf yn erbyn y benthyciad os nad oes gan y myfyriwr unrhyw daliadau, costau, treuliau neu gosbau heb eu talu mewn perthynas â'r benthyciad neu os ydynt ny torri cytundeb y benthyciad.
- **Cyfraddau sylfaenol** – Mae'r model yn rhagdybio y bydd cyfraddau sylfaenol Banc Lloegr yn cydymffurfio â rhagolygon OBR tan 2036-37, ac wedyn y cânt eu pennu'n 4.9%. Mae cap i'r gyfradd sylfaenol yn cael ei gymhwyso i'r gyfradd sylfaenol o 2017-18 ymlaen, gan leihau'r gyfradd sylfaenol i lefel y cap rhwng 2027-28 a 2035-36. Bydd cynnydd mewn Cyfraddau Sylfaenol yn cynyddu'r gwerth cario.

Defnyddir nifer o ragdybiaethau eraill yn y modelu, ond nid yw newid y rhain i canlyniadau rhesymol eraill yn cael effaith sylweddol ar werth y llyfrau benthyciadau. Mae llawer o'r rhagdybiaethau yn annibynnol ar ei gilydd ac fe allent newid ar yr un pryd.

6.2 Cyfalaf Difidend Cyhoeddus Ymddiriedolaethau'r GIG

Mae Llywodraeth Cymru'n rhoi offerynnau ariannol, yn enwedig benthyciadau, i gyrff eraill y sector cyhoeddus yng Nghymru megis cyrff y GIG. Mae'r benthg hwn yn digwydd fel rhan o'i gweithgareddau arferol ac nid yw Llywodraeth Cymru yn ymgymryd ag unrhyw weithgarwch masnachu yn yr offerynnau ariannol hyn. Mae Llywodraeth Cymru wedi manteisio ar yr esemptiad sydd ar gael ar gyfer peidio â chyfrif am ddyledwyr a chredydwyr byrdymor. Ar gyfer materion cyfalaf difidend cyhoeddus, cyfrifwyd gwerth teg fel asedau net y corff derbyn (wedi'i ddatgan ar ôl tynnu unrhyw ddarpariaethau ar gyfer asedau net rhwymedigaethau a thaliadau) llai swm unrhyw fenthyciad a gynhwysir yn y Datganiad o'r Sefyllfa Ariannol.

6.3 Asedau Ariannol Eraill

Mae asedau ariannol eraill yn cynnwys: Buddiannau ariannol Llywodraeth Cymru mewn cyd-fentrau, benthyciadau eraill a buddsoddiadau, benthyciadau Buddsoddi i Arbed gyda'r Awdurdodau Lleol; ac asedau a ddelir gan Fanc Buddsoddi Cymru CCC.

7. Stocrestri

	Ar 31 Mawrth 2018		Ar 31 Mawrth 2017	
	Craidd LIC £m	Grŵp LIC £m	Craidd LIC £m	Grŵp LIC £m
Asedau Datblygu	157	157	165	165
Cyffuriau	24	47	24	47
Deunydd telathrebu dros ben	1	1	2	2
Halen ffyrdd	2	2	2	2
Defnyddiau traul eraill	1	38	1	39
	185	245	194	255

8. Symiau derbyniadwy ar gyfer masnach, asedau ariannol ac asedau eraill

	Ar 31 Mawrth 2018		Ar 31 Mawrth 2017	
	Craidd LIC £m	Grŵp LIC £m	Craidd LIC £m	Grŵp LIC £m
Symiau sy'n ddyledus cyn pen un flwyddyn:				
Symiau derbyniadwy ar gyfer masnach	114	219	99	213
Treth arall	24	24	16	16
Rhagdaliadau ac incwm cronnus	46	73	121	151
	184	316	236	380
Symiau sy'n ddyledus ar ôl mwy nag un flwyddyn:				
Symiau masnachol i'w derbyn	18	381	11	19
Rhagdaliadau	12	16	4	4
Symiau eraill i'w derbyn	-	-	-	278
	30	397	15	301
Cyfanswm y symiau masnachol i'w derbyn ac asedau cyfredol eraill	214	713	251	681

9. Arian parod a'r hyn sy'n cyfateb i arian parod

	Ar 31 Mawrth 2018		Ar 31 Mawrth 2017	
	Craidd LIC £m	Grŵp LIC £m	Craidd LIC £m	Grŵp LIC £m
Gweddill ar 1 Ebrill	141	299	143	350
Newid net mewn gweddillion arian parod a'r hyn sy'n cyfateb i arian parod	(14)	145	(2)	(51)
Gweddill ar 31 Mawrth	127	444	141	299
Roedd y gweddillion canlynol yn cael eu dal yn:				
Gwasanaeth Bancio'r Llywodraeth	126	144	139	153
Banciau masnachol ac arian parod yn y llaw	1	300	2	146

10. Symiau masnachol a symiau taladwy eraill

	Ar 31 Mawrth 2018		Ar 31 Mawrth 2017	
	Craidd LIC £m	Grŵp LIC £m	Craidd LIC £m	Grŵp LIC £m
Symiau sy'n ddyledus cyn pen un flwyddyn:				
Trethi a nawdd cymdeithasol	1	58	6	61
Symiau masnachol a symiau taladwy eraill	558	935	488	860
Incwm Gohiriedig yr Undeb Ewropeaidd	86	86	56	56
Croniadau eraill ac incwm gohiriedig	280	646	262	599
Symiau sy'n daladwy i Gronfa Gyfunol Cymru	-	-	3	3
Rhwymedigaethau o dan lesioedd cyllid a contractau PFI	10	19	9	13
	935	1,744	824	1,592
Symiau sy'n ddyledus ar ôl mwy nag un flwyddyn:				
Rhwymedigaethau o dan PFI	103	164	110	177
Rhwymedigaethau o dan lesioedd cyllid	3	3	5	4
	106	167	115	181
Cyfanswm symiau taladwy ar gyfer masnach a rhwymedigaethau cyfredol eraill	1,041	1,911	939	1,773

11. Darpariaethau ar gyfer rhwymedigaethau a thaliadau

	Ar 31 Mawrth 2018		Ar 31 Mawrth 2017	
	Craidd LIC £m	Grŵp LIC £m	Craidd LIC £m	Grŵp LIC £m
Gweddill ar 1 Ebrill	927	945	733	758
Darperir yn y flwyddyn	319	557	284	459
Darpariaethau nad oes mo'u hangen ac a adferwyd	(2)	(111)	(23)	(93)
Trosglwyddo	-	(24)	-	(36)
Darpariaethau a ddefnyddiwyd yn y flwyddyn	(109)	(220)	(67)	(143)
Gweddill ar 31 Mawrth	1,135	1,147	927	945
Dadansoddi amseriad disgwylledig llifoedd wedi'u disgowntio:				
Ddim hwyrach nag un flwyddyn	287	287	263	261
Hwyrach nag un flwyddyn a dim hwyrach na phum mlynedd	343	354	253	322
Hwyrach na phum mlynedd	505	506	411	362
Gweddill ar 31 Mawrth	1,135	1,147	927	945

Grŵp Llywodraeth Cymru yn unig

	Arall £m	Iechyd £m	Cyfanswm £m
Dadansoddi amseriad disgwylledig llifoedd wedi'u disgowntio:			
Ddim hwyrach nag un flwyddyn	5	282	287
Hwyrach nag un flwyddyn a dim hwyrach na phum mlynedd	-	354	354
Hwyrach na phum mlynedd	-	506	506
	5	1,142	1,147

Nid yw'r ffigurau Grŵp Llywodraeth Cymru uchod yn sylweddol wahanol i'r rhai ar gyfer y Craidd.

11. Darpariaethau ar gyfer rhwymedigaethau a thaliadau (parhad)

(i) Darpariaethau Eraill

Mae hyn yn cynnwys rhwymedigaethau pensiwn a chyflogaeth posibl mewn perthynas â chyflogaeth blaenorol a darpariaethau amrywiol sy'n sensitif yn fasnachol sy'n tanysgrifennu prosiectau er mwyn gwella rhagolygon twf economaidd.

(ii) Darpariaethau Iechyd

Mae gan Lywodraeth Cymru ddarpariaethau sy'n gysylltiedig ag iechyd, ar gyfer Cynllun Cymorth Gwaed Heintiedig Cymru ac ad-daliadau Cronfa Risg Cymru a ddisgwyllir yn y dyfodol. Ar 30 Mawrth 2017 cyflwynodd Ysgrifennydd y Cabinet dros Iechyd, Llesiant a Chwaraeon drefniadau cymorth newydd i unigolion a'u teuluoedd y mae hepatitis C ac HIV wedi effeithio arnynt oherwydd eu trin â gwaed halogedig yng Nghymru. Cafodd un gwasanaeth symlach i Gymru ei gyflwyno ar 1 Tachwedd 2017. Mae hawlwr yn y cynlluniau newydd wedi cael eu symud i'r cynllun newydd. Mae Cynllun Cymorth Gwaed Heintiedig Cymru yn disodli hen Gronfeydd Skipton a Caxton ac yn ymwneud â darpariaethau ar gyfer taliadau ex gratia i'r rhai y mae hepatitis C ac HIV yn effeithio arnynt.

Mae Cronfa Risg Cymru (WRP) yn helpu cyrff GIG Cymru gyda rheoli risg a setlo hawliadau y mae anghydfod yn eu cylch ar gyfer honiadau o esgeuluster meddygol neu esgeuluster fel cyflogwr. Gweddill Cronfa Risg Cymru ar 31 Mawrth 2018 yw £1063m (2016-17: £867m).

Mae'r ddarpariaeth o Gronfa Risg Cymru yn parhau'n dyst i effaith newidiadau yng nghyfradd y disgownt niwed personol a gyhoeddwyd gan yr Arglwydd Ganghellor ar 27 Chwefror 2017, gyda grym o 20 Mawrth 2017. Newidiodd y gyfradd o 2.5% (y lefel sydd wedi parhau ers 2001) i -0.75%. Mae'r newid yn y gyfradd yn arwain at daliadau uwch ar gyfer elfen cyfandaliad hawliadau niwed personol, gan gynnwys y rhai y mae esgeuluster meddygol wedi effeithio arnynt.

Seilir amseriad disgwyliedig llifoedd wedi'u disgowntio ar yr wybodaeth orau sydd ar gael; ond fe allai newid yn dibynnu ar amgylchiadau'r achosion unigol.

12. Rhwymedigaethau digwyddiadol

	Ar 31 Mawrth 2018		Ar 31 Mawrth 2017	
	Craidd LIC £m	Grŵp LIC £m	Craidd LIC £m	Grŵp LIC £m
Hawliadau Cyfreithiol – honiadau o esgeuluster meddygol neu esgeuluster fel cyflogwr	815	849	854	891
Rhwymedigaethau contractiol posibl o dan Ddeddf WDA 1975	10	10	10	10
Hawliadau cyfreithiol a chontractiol eraill	115	175	39	70
	940	1,034	903	971

(i) Hawliadau Cyfreithiol – honiadau o esgeuluster meddygol neu esgeuluster fel cyflogwr

Mae hyn yn adlewyrchu'r ffaith bod rhaid i Lywodraeth Cymru o dan Ddeddf Cymru 2006 dalu rhwymedigaethau Cronfa Risg Cymru os bydd cyrff y GIG yn peidio â bodoli.

(ii) Hawliadau cyfreithiol a chontractiol eraill

Ni ddangosir manylion ar rhwymedigaethau cyfyngedig a rhwymedigaethau posibl nad ydynt wedi'u meintoli eto oherwydd eu sensitifrwydd a chyfrinachedd masnachol a chyfreithiol.

(iii) Rhwymedigaethau digwyddiadol nad ydynt wedi'u meintoli

Ar 29 Mawrth 2017, cyflwynodd Llywodraeth y DU hysbysiad o'i bwriad i ymadael â'r UE yn unol ag Erthygl 50. Mae tanio erthygl 50 yn dechrau proses negodi dwy flynedd rhwng y DU a'r UE.

Mae unrhyw newidiadau olynol mewn deddfwriaeth, rheoliadau a threfniadau ariannu'n destun canlyniad y negodiadau hyn, sydd yn eu dyddiau cynnar ond sy'n cael eu hadolygu'n barhaus.

12.1 Rhwymedigaethau Digwyddiadol Pell –Gwarantau ariannol, Indemnïadau a Llythyrau Cefnogaeth

Mae Llywodraeth Cymru wedi ymrwmo i'r rhwymedigaethau digwyddiadol heb eu meintoli canlynol trwy gynnig gwarantau, indemnïadau neu drwy roi llythyrau cefnogaeth. Nid oes yr un o'r rhain yn rhwymedigaeth ddigwyddiadol o fewn ystyr IAS 37 gan fod y posibilrwydd o drosglwyddo budd economaidd yn rhy annhebygol.

Gwarantau:

O dan amgylchiadau arbennig mae Llywodraeth Cymru'n gweithredu fel gwarantwr ar gyfer y cyrff a noddir ganddi. Nid oes yr un o'r gwarantau hyn yn sylweddol.

Indemnïadau:

Mae Llywodraeth Cymru wedi indemnïo'r Ysgrifennydd Gwladol rhag yr goll gamau, achosion, costau, hawliadau a galwadau gan drydydd partïon mewn perthynas â: unrhyw ddifrod neu rwymedigaeth a achosir gan neu sy'n deillio o Gyd-gytundeb y partïon ynghylch Trenau Arriva Cymru. Yn ôl yr asesiad mae'r posibilrwydd y bydd y rhwymedigaeth yn aeddfedu'n annhebygol.

Mae Llywodraeth Cymru wedi ymrwmo i indemnïo cyrff Trosglwyddo Stoc Tai rhag canlyniadau ariannol tynnu Cynllun Lliniaru Treth ar Werth yn ôl neu ei ddiwygio yn y dyfodol. Mae'r rhwymedigaethau'n cwmpasu 11 sefydliad am £437 miliwn ac mae'r cyfnod rhwymedigaeth yn amrywio. Nid oes unrhyw bryderon ar hyn o bryd ynghylch parhad y cynllun, a bernir bod y potensial i'r rhwymedigaeth aeddfedu'n rhy annhebygol i gael ei gynnwys fel rhwymedigaeth ddigwyddiadol.

12. Rhwymedigaethau digwyddiadol (parhad)

Mae Cynllun Indemniad y Llywodraeth yn darparu indemniadau i alluogi Llyfrgell Genedlaethol Cymru, Amgueddfa Cymru, a sefydliadau cymwys eraill i gael benthyg gwrthrychau a gweithiau celf. Bernir bod y tebygolrwydd y gweithredir ar y gwarantau hyn yn rhy annhebygol i gael ei gynnwys fel rhwymedigaeth ddigwyddiadol. Gwerth y gwarantau hyn ar 31 Mawrth 2018 oedd £46.3 miliwn.

Llythyrau o gefnogaeth:

Mae gan Lywodraeth Cymru rhwymedigaeth uchaf i tanysgrifennu fel cam olaf, gostau ynghylch tir halogedig yn Nhomen Brofiscin o £0.5 miliwn.

Arall:

Ni ddangosir manylion ar rwymedigaethau cyfyngedig a rhwymedigaethau posibl nad ydynt wedi'u meintioli eto oherwydd eu sensitifrwydd i gyfrinachedd masnachol a chyfreithiol.

13. Rhwymedigaethau Eraill

	Ar 31 Mawrth 2018		Ar 31 Mawrth 2017	
	Craidd LIC £m	Grŵp LIC £m	Craidd LIC £m	Grŵp LIC £m
Diffygion cronfeydd pensiwn	66	98	72	107
Cronfa Benthyciadau Cenedlaethol (yn ddyledus ar ôl pum mlynedd)	11	11	11	11
	77	109	83	118

14. Symudiadau mewn cyfalaf gweithio heblaw arian parod

	Ar 31 Mawrth 2018		Ar 31 Mawrth 2017	
	Craidd LIC £m	Grŵp LIC £m	Craidd LIC £m	Grŵp LIC £m
(Cynnydd)/gostyngiad mewn stocrestri	9	10	(3)	(3)
(Cynnydd)/gostyngiad mewn symiau i'w derbyn:				
cyfredol	52	64	73	35
heb fod yn gyfredol	(16)	(96)	(1)	(68)
Cynnydd/(gostyngiad) mewn symiau taladwy:				
cyfredol	111	152	5	44
heb fod yn gyfredol	(10)	(14)	(9)	(20)
	146	116	65	(12)
Llog Benthyciadau i Fyfirwyr	(89)	(89)	(65)	(65)
Symud mewn asedau datblygu	(8)	(8)	5	5
Addasiadau ar gyfer symud croniadau: asedau sefydlog	-	8	-	(31)
Elfen gyfalaf lesoedd cyllid/PFI	8	8	9	9
Addasiad arall	-	-	-	-
Llai symudiad mewn symiau sy'n daladwy i Gronfa Gyfunol Cymru a gweddill costau anweithredol eraill	-	-	(3)	(3)
	57	35	11	(97)

15. Cyfalaf ac ymrwymiadau eraill

15.1 Ymrwymiadau cyfalaf

Ymrwymiadau cyfalaf wedi'u contractio sydd heb eu cynnwys fel arall yn y datganiadau ariannol hyn.

	Ar 31 Mawrth 2018		Ar 31 Mawrth 2017	
	Craidd LIC £m	Grŵp LIC £m	Craidd LIC £m	Grŵp LIC £m
Eiddo, offer a chyfarpar	142	404	201	289
Buddsoddiadau a benthyciadau	181	181	264	264
	323	585	465	553

15.2 Ymrwymiadau o dan lesioedd

15.2.1 Ymrwymiadau o dan lesioedd gweithredol

Rhoddir cyfanswm isafswm taliadau o dan lesioedd gweithredol yn y tabl isod.

	Ar 31 Mawrth 2018		Ar 31 Mawrth 2017	
	Craidd LIC £m	Grŵp LIC £m	Craidd LIC £m	Grŵp LIC £m
Adeiladau				
Ddim hwyrach nag un flwyddyn	6	27	7	27
Hwyrach nag un flwyddyn a dim hwyrach na phum mlynedd	22	65	24	64
Hwyrach na phum mlynedd	47	92	54	94
	75	184	85	185

15.2.2 Ymrwymïadau o dan lesioedd cyllid

Rhoddir cyfanswm isafswm taliadau o dan lesioedd cyllid yn y tabl isod.

	Ar 31 Mawrth 2018		Ar 31 Mawrth 2017	
	Craidd LIC £m	Grŵp LIC £m	Craidd LIC £m	Grŵp LIC £m
Ddim hwyrach nag un flwyddyn	1	1	1	2
Hwyrach nag un flwyddyn a dim hwyrach na phum mlynedd	3	4	5	6
Hwyrach na phum mlynedd	–	–	–	–
	4	5	6	8
Llai'r elfen llog	(1)	(1)	(2)	(2)
	3	4	4	6

15.3 Ymrwymïadau o dan gontractau PFI

Mae gan y byrddau iechyd lleol ddeg contract PFI y mae wyth ohonynt at y Datganiad o'r Sefyllfa Ariannol. Nid oes unrhyw gontractau â chyfanswm ymrwymiad unigol o fwy na £500m.

Cynhwysir manylion y cynlluniau unigol yng nghyfrifon statudol y bwrdd iechyd lleol.

15.3.1 Ddim ar y fantolen

Contract PFI Bute Avenue

Ers 2000 mae Llywodraeth Cymru wedi ymrwmo i dalu £5.1m bob blwyddyn, yn gysylltiedig â'r mynegai, i'r contractwr preifat sy'n gysylltiedig â phrosiect Bute Avenue (PFI), tan fis Tachwedd 2025. Mae partner y sector preifat yn cynnal rhwydwaith ffyrdd Bute Avenue am 25 o flynyddoedd (o 2000/01). Ar ôl y cyfnod hwn caiff y ffordd ei throsglwyddo i Gyngor Sir Caerdydd. Nid yw'r ffordd yn ased i Lywodraeth Cymru. Y cyfanswm a godwyd yn y Datganiad o Wariant Net Cynhwysfawr mewn perthynas â thrafodiadau PFI nad ydynt ar y fantolen oedd £8,637,765 (2016-17: £8,460,103); a'r taliadau y mae Llywodraeth Cymru wedi ymrwmo iddynt, fel a ganlyn:

	Ar 31 Mawrth 2018 £m	Ar 31 Mawrth 2017 £m
Ddim hwyrach nag un flwyddyn	19	19
Hwyrach nag un flwyddyn a dim hwyrach na phum mlynedd	69	68
Hwyrach na phum mlynedd	44	64
	132	151

15.3.2 Ar y fantolen

Contract PFI A55

Cynhelir rhwydwaith ffyrdd yr A55 gan gontractwyr am gyfnod o 30 o flynyddoedd (o 1998), ac ar ôl hynny bydd perchnogaeth yr A55 yn mynd yn ôl i Lywodraeth Cymru. Mae'r ffordd yn cael ei thrin fel un o asedau Llywodraeth Cymru ac mae taliadau unedol yn cynnwys dwy elfen – taliadau lesioedd cyllid wedi'u priodoli a thaliadau gwasanaeth.

Y cyfanswm a godwyd yn y Datganiad o Wariant Net Cynhwysfawr mewn perthynas ag elfen gwasanaeth PFI ar y fantolen neu drafodiadau consesiwn gwasanaeth eraill oedd £10,152,153 (2016-17: £7,807,773). Rhoddir cyfanswm y rhwymedigaethau yn y dyfodol o dan PFI ar y fantolen a threfniadau consesiwn gwasanaeth eraill yn y tabl isod am bob un o'r cyfnodau hyn.

	Ar 31 Mawrth 2018 £m	Ar 31 Mawrth 2017 £m
Isafswm Taliadau Lesioedd		
Ddim hwyrach nag un flwyddyn	12	12
Hwyrach nag un flwyddyn a dim hwyrach na phum mlynedd	48	48
Hwyrach na phum mlynedd	72	83
	132	143
Llai'r elfen llog	(20)	(23)
	112	120

	Ar 31 Mawrth 2018 £m	Ar 31 Mawrth 2017 £m
Elfennau gwasanaeth sy'n ddyledus yn y dyfodol		
Ddim hwyrach nag un flwyddyn	10	10
Hwyrach nag un flwyddyn a dim hwyrach na phum mlynedd	32	32
Hwyrach na phum mlynedd	14	24
	56	66

15.4 Ymrwymïadau Ariannol Eraill

Mae Llywodraeth Cymru wedi gwneud contractau na ellir eu dileu (nad ydynt yn lesioedd neu'n gontractau PFI) ar gyfer gwasanaethau. Mae'r taliadau y mae Llywodraeth Cymru wedi ymrwmo iddynt, wedi'u dadansoddi yn ôl y cyfnod y mae'r ymrwymiad yn dod i ben ynddo, fel a ganlyn:

	Ar 31 Mawrth 2018		Ar 31 Mawrth 2017 (wedi'i ailddatgan)	
	Craidd LIC £m	Grŵp LIC £m	Craidd LIC £m	Grŵp LIC £m
Ddim hwyrach nag un flwyddyn	277	277	393	393
Hwyrach nag un flwyddyn a dim hwyrach na phum mlynedd	252	252	336	336
Hwyrach na phum mlynedd	421	421	349	349
	950	950	1,078	1,078

Mae Llywodraeth Cymru yn darparu cyllid grant ar gyfer nifer o endidau yn flynyddol.

Mae'r grantiau wedi'u hymrwmo yn rhan olaf y flwyddyn yn dod i ben 31 Mawrth 2018 er mwyn rhoi sicrwydd i'r corff sy'n eu cael. Gan eu bod yn ymwneud â'r flwyddyn a ddaw i ben ar 31 Mawrth 2019 ac yn cael eu hariannu gan ddyraniad cyllideb Llywodraeth Cymru am y flwyddyn yn dod i ben 31 Mawrth 2019 nid ydynt wedi'u datgelu o fewn yr ymrwymïadau uchod.

16. Trafodiadau Partïon Cysylltiedig

Mae Llywodraeth Cymru'n cael y rhan fwyaf o'i chyllid gan Gronfa Gyfunol Cymru.

Mae Llywodraeth Cymru'n ariannu'r awdurdodau lleol, cyrff y GIG yng Nghymru, is-gyrff a Chyrff a Noddir. Ystyrir y cyrff hyn yn bartïon cysylltiedig y mae Llywodraeth Cymru wedi cael amryw o drafodiadau perthnasol â hwy yn ystod y cyfnod. Yn ychwanegol, mae Llywodraeth Cymru wedi cael nifer o drafodiadau gyda chyrff eraill y Llywodraeth a chyrff y Llywodraeth Ganolog, yn bennaf Swyddfa Cymru, yr Asiantaeth Taliadau Gwledig a'r Adran Gwaith a Phensiynau.

Nid oes unrhyw rai o Weinidogion Cymru, staff rheoli allweddol na staff partïon wedi cynnal unrhyw drafodiadau sylweddol â Llywodraeth Cymru yn ystod y flwyddyn, ac eithrio fel y nodir isod:

Mae Carwyn Jones (Prif Weinidog) yn aelod o Gymdeithas y Cerddwyr ac mae Huw Irranca-Davies (y Gweinidog Plant, Pobl Hŷn a Gofal Cymdeithasol) yn Is-lywydd Ramblers Cymru. Cafodd Cymdeithas y Cerddwyr grant yn 2017-18 o £162,059 ar gyfer Dewch i Gerdded Cymru i wella iechyd.

Mae Dafydd Elis-Thomas (y Gweinidog Diwylliant, Twristiaeth a Chwaraeon) a Lesley Griffiths (Ysgrifennydd y Cabinet dros Ynni, Cynllunio a Materion Gwledig) yn is-lywyddion ac mae Ken Skates (Ysgrifennydd y Cabinet dros yr Economi a Thrafnidiaeth) yn Llywydd Anrhydeddus Eisteddfod Ryngwladol Llangollen a gafodd gyllid grant o £4,500 yn 2017-18. Mae Dafydd Elis-Thomas (y Gweinidog Diwylliant, Twristiaeth a Chwaraeon yn stiward yn Eglwys Gadeiriol Llandaf, a dderbyniodd gyllid grant Treftadaeth o £47,736; ac yn aelod o'r Academi Gymreig a weinyddir gan Lenyddiaeth Cymru a dderbyniodd gyllid grant o £70,581 yn 2017-8 ym maes amgueddfeydd, twristiaeth a hyfforddiant datblygu'r Gymraeg.

Mae gŵr Kirsty Williams (Ysgrifennydd y Cabinet dros Addysg) yn bartner mewn busnes ffermio a gafodd £56,672 yn 2017-18 o dan Bolisi Amaethyddol Cyffredin yr UE.

Mae Jeremy Miles (y Cwnsler Cyffredinol) yn aelod o Undeb Credyd Castell-nedd Port Talbot, a gafodd gyllid grant o £47,078 yn 2017-18.

Mae James Price a Peter Kennedy (aelodau'r Bwrdd) hefyd ar fwrdd Trafnidiaeth Cymru a gafodd gyllid grant o £17,909,362. Roedd Sioned Evans hefyd yn gyfarwyddwr tan 28/04/17.

Mae gŵr Gillian Baranski (Aelod o'r Bwrdd) yn bartner yng nghwmni Cyfreithiol Geldards LLP a gystadlodd am contract caffael am Wasanaethau Cyfreithiol gyda Llywodraeth Cymru. Talwyd £2,822,336 i'r cwmni yn 2017-18 am y Gwasanaethau Cyfreithiol hyn.

Mae Elan Closs Stephens yn aelod pwyllgor o awdurdod S4C a gafodd £30,000 yn 2017-18.

Syr Adrian Webb (cyfarwyddwr anweithredol) yw Cadeirydd Cymru y Gronfa Loteri Fawr a gafodd arian yn 2017-18 o £3,895,245 oddi wrth raglenni cymunedol.

Mae Ellen Donovan (cyfarwyddwr anweithredol) hefyd yn gyfarwyddwr anweithredol Cymwysterau Cymru a gafodd gyllid o £7,402,433 gan Lywodraeth Cymru yn 2017-18.

Datgelir trafodiadau partïon cysylltiedig Byrddau Iechyd Lleol Cymru ac is-gyrff eraill yn eu cyfrifon cyhoeddedig eu hunain.

16.1 Canlyniadau cwmnïau cyfunol o dan berchnogaeth lwyr

	Ar 31 Mawrth 2018		Ar 31 Mawrth 2017	
	Elw/(Colled) £m	Cyfalaf Cyfranddaliadau a Chronfeydd Wrth Gefn £m	Elw/(Colled) £m	Cyfalaf Cyfranddaliadau a Chronfeydd Wrth Gefn £m
Banc Datblygu Cymru PLC (i)	4,550,154	141,109,911	13,374,878	125,561,047
Cronfa Buddsoddi Cymru mewn Adfywio LLP	1,187,931	36,353,776	5,145,738	35,165,845
WGC Holdco Limited	–	61,300,000	–	55,300,000
Dewis Gyrfa Career Choices Cyfyngedig	(2,389,000)	(24,504,000)	(1,852,000)	(27,679,000)

(i) buddsoddiad o 49,999 o gyfranddaliadau £1 cyffredin, 25c wedi'i ran-dalu. Mae'r cyfrifon hyn wedi'u cyfuno gan ddefnyddio ffigurau drafft, gan nad ydynt yn sylweddol wahanol i'r ffigurau a ddatgelwyd.

16.2 Mân is-gyrff a buddiannau eraill

Mae gan Lywodraeth Cymru nifer o fân is-gyrff na ddatgelir unrhyw ganlyniadau masnachu ar eu cyfer yn y cyfrifon cyfunol hyn. Dyma rai ohonynt:

- DCFW Limited – Design Commission for Wales/Comisiwn Dylunio Cymru
- Hybu Cig Cymru Cyf/Meat Promotion Wales Limited
- Sector Development Wales Partnership Limited
- Life Sciences Hub Wales Limited (Hwb Gwyddorau Bywyd Cymru)
- Welsh Development Management Limited
- International Business Wales Limited
- Innovation Point Limited (Yr Arloesfa)
- Trafnidiaeth Cymru

Mae Llywodraeth Cymru'n berchen ar 50% o gyfalaf cyfrannau International Convention Centre Wales Limited, gyda'r 50% arall yn cael ei ddal gan y Celtic Manor Resort Limited.

Y Cwmni Benthyciadau i Fyfyrrwyr – un gyfran gyda gwerth enwol o £1. Delir perchnogaeth ar y cyd ag Adran Addysg Lloegr, Llywodraeth yr Alban a Llywodraeth Gogledd Iwerddon. Mae'r gyfran yn rhoi daliad o 5% i Lywodraeth Cymru yn y cwmni.

Airbus Group Endeavr Wales (gynt EADS Foundation Wales) – cyd-fuddiant mewn cwmni cyfyngedig drwy warant. Delir perchnogaeth ar y cyd gydag Airbus Defence and Space Ltd (gynt Cassidian Holdings Limited) a Phrifysgol Caerdydd.

Ni chynhwysir elusennau GIG Byrddau Iechyd Lleol yn y Cyfrifon Cyfunol gan nad ydynt yn destun Gorchymyn Ddynodi cyfredol gan Lywodraeth Cymru.

17. Ailddatgan Gwariant Net Cynhwysfawr a Datganiad o'r Sefyllfa Ariannol, 2016-17

Addasiadau cyfnod blaenorol

Roedd gweddill 206-17 yn unol â'r cyfrifon wedi'u llofnodi yn ymgorffori newid mewn meddalwedd a ddefnyddir i amcangyfrif gweddill oes Asedau'r Rhwydwaith. Yn ystod cylch prisio 2017-18 nodwyd gwall yn y feddalwedd newydd a oedd yn golygu bod data 2016-17 a oedd wedi'i rhoi i Lywodraeth Cymru wedi cael ei gamgyfrif. Gwerth y gwall oedd £218m, a ystyrir yn berthnasol ac a arweiniodd at addasiad cyfnod blaenorol. Mae'r cyfrifon wedi'u hailddatgan i ymgorffori effaith y camgyfrif ar ddata a roddwyd i Lywodraeth Cymru mewn perthynas ag amrywio amodau yn ystod 2016-17.

Mae'r newid wedi arwain at ostyngiad yng nghyfanswm y gwariant gweithredol o £219m a chynnydd yng Ngwerth Net y Llyfr ar Asedau'r Rhwydwaith o £219m.

Craidd Llywodraeth Cymru	Gweddill ar 31 Mawrth 2017	Newidiadau mewn Polisi Cyfrifyddu	Addasiadau cyfnod blaenorol eraill	Gweddill wedi'i ailddatgan ar 31 Mawrth 2017
	£m	£m	£m	£m
Datganiad wedi'i gydgrynhoi o Wariant Net Cynhwysfawr				
Gwariant	14,156		(219)	13,937
Cyfanswm gwariant gweithredol	14,690		(219)	14,471
Gwariant net am y flwyddyn	13,002		(219)	12,783
Datganiad wedi'i Gydgrynhoi o'r Sefyllfa Ariannol Gynhwysfawr				
Swm cario ar 31 Mawrth 2018	15,635		219	15,854
Grŵp LIC	Gweddill ar 31 Mawrth 2017	Newidiadau mewn Polisi Cyfrifyddu	Addasiadau cyfnod blaenorol eraill	Gweddill wedi'i ailddatgan ar 31 Mawrth 2017
	£m	£m	£m	£m
Datganiad wedi'i Gydgrynhoi o Wariant Net Cynhwysfawr				
Gwariant	11,159		(219)	10,940
Cyfanswm gwariant gweithredol	14,974		(219)	14,755
Gwariant net am y flwyddyn	12,961		(219)	12,742
Datganiad wedi'i Gydgrynhoi o'r Sefyllfa Ariannol Gynhwysfawr – Asedau anghyfredol:				
Eiddo, offer a chyfarpar	19,168		219	19,387

Atodiad A – Polisïau Cyfrifyddu

A.1 Eiddo, offer a chyfarpar

Tir ac adeiladau (gan gynnwys Anheddau)

Mae Llywodraeth Cymru a'i chyrrff cysylltiedig yn cyfalafu eiddo rhydd-ddaliadol lle mae'n cael ei gadw i'w ddefnyddio gan y corff ei hun. Mae eiddo ar brydles, lle'r oedd y les wreiddiol am lai na chan mlynedd, yn cael ei drin fel cost refeniw. Mae tir ac adeiladau rhydd-ddaliadol a thir ac adeiladau lesddaliadol, lle'r oedd y les wreiddiol am fwy na chan mlynedd, wedi'u hailddatgan yn ôl y gost gyfredol gan ddefnyddio prisiau proffesiynol naill ai bod pum mlynedd, neu yn flynyddol, gyda mynegeion priodol yn y blynyddoedd eraill am brisiau nad ydynt yn flynyddol. Yr eithriad yw eiddo o natur arbenigol a ddelir ar cost adnewyddu wedi'i dibrisio. Codwyd y mynegeion o fynegai misol diweddaraf y Banc Data Eiddo Buddsoddi (IPD) ar gyfer Canolbarth Lloegr a Chymru.

Asedau'r Rhwydwaith

Mae'r rhwydwaith ffyrdd wedi'i brisio yn ôl ei gost adnewyddu wedi'i dibrisio yn unol â'r canllawiau yn y Llawlyfr Adroddiadau Ariannol ar gyfer asedau arbenigol nad oes prisiau'r farchnad ar gael ar eu cyfer. Er mwyn cynhyrchu'r prisiad hwn mae angen defnyddio rhagdybiaethau, amcangyfrifon a chrebwyll personol. Y model a ddefnyddir i gynhyrchu'r prisiad yw Systemau Prisio Asedau Awdurdodau Ffyrdd (RAAVS), a redir gan ymgynghorwyr allanol W.S. Atkins. Mae syrfeyr proffesiynol allanol yn cynnal prisiad llawn o'r rhwydwaith ar adegau heb fod yn fwy na phum mlynedd. Cynhaliwyd y prisiad hwn yn 2014-15. Mae prisiau interim yn defnyddio cyfres o gostau safonol i brisio cydrannau unigol asedau'r rhwydwaith a mynegeion i ailbrisio'r rhain yn flynyddol.

Cydnabyddir bod y rhwydwaith cefnffyrdd yn ased seilwaith unigol yn unol â'r canllawiau cymwys a amlinellir yn FReM. Er hynny, mae'n cynnwys pedair elfen neilltuol y cyfrifir amdanynt yn wahanol: tir; palmant ffordd; strwythurau (megis pontydd a chwlffertau); a chyfathrebu (megis arwyddion negeseuon amrywiol).

Mae'r elfen palmant ffordd yn cael ei phrisio gan ddefnyddio cyfraddau y cytunwyd arnynt i nodi cost adnewyddu gros mathau cymwys o ffyrdd ar sail adeiladu newydd ar safle maes gwyrdd. Mae'r cyfraddau hyn yn cael eu hailbrisio'n flynyddol gan ddefnyddio mynegeion i adlewyrchu prisiau cyfredol.

Caiff strwythurau eu prisio gan ddefnyddio cyfraddau y cytunir arnynt i nodi cost adnewyddu mathau cymwys o strwythur ar safle maes gwyrdd lle mae'r rhain ar gael; ond mae strwythurau arbennig, sy'n tueddu i fod yn unigryw eu natur, yn cael eu prisio gan ddefnyddio costau penodol sy'n cael eu diweddarau i'r prisiau cyfredol.

Mae cyfathrebu'n cael ei brisio gan ddefnyddio cyfraddau y cytunir arnynt i nodi cost adnewyddu mathau cymwys o gyfathrebu.

Caiff yr holl waith cynnal a chadw sy'n cadw potensial gwasanaeth y rhwydwaith ffyrdd ei gyfalafu. Mae gwariant olynol sy'n ychwanegu at wasanaeth neu oes y rhwydwaith ffyrdd yn cael ei gyfalafu.

Mae ffyrdd newydd yn cael eu hailgatatgoreiddio o Asedau o dan Adeiladwaith pan fydd y manylion Strwythurol wedi'u darparu gan yr Awdurdod Asiant i'w mewnbwnnu i'r model, a allai fod beth amser ar ôl i'r ffordd agor.

Cyfeirir at drosglwyddo'r cyfrifoldeb dros gynnal a chadw darnau o'r ffordd fel rhan o'r rhwydwaith cefnffyrdd i rwydwaith yr awdurdod lleol neu oddi yno fel 'creu statws cefnffordd' neu 'tynnu statws cefnffordd' yn eu trefn. Mae 'creu statws cefnffordd' neu 'dynnu statws cefnffordd' oddi wrth yr awdurdodau lleol neu iddynt yn cael ei drin fel trosglwyddiad oddi wrth adrannau eraill o'r Llywodraeth neu iddynt. Ymdrinnir â ffyrdd a strwythurau y tynnwyd eu statws fel gwarediadau o safbwynt cyfrifyddu heb unrhyw gost ynghlwm wrthynt. Mae'r elw neu'r golled gysylltiedig yn cael eu prosesu trwy'r gronfa gyffredinol.

Y ffactorau mynegeo a gymhwysir yma yw:

- Palmant Ffordd a Strwythurau
- Mynegai Baxter
- Cyfathrebu
- Mynegai Baxter
- Tir
- Cynhyrchir mynegeion tir gan Asiantaeth y Swyddfa Brisió.

Cymerir symudiadau ar i fyny o ran gwerth i'r gronfa ailbrisiadau. Mae symudiadau ar i lawr o ran gwerth yn cael eu gosod yn erbyn unrhyw falans credyd a ddeler yn y gronfa ailbrisiadau nes i'r credyd ddod i ben a chânt eu gosod fel traul wedyn yn y Datganiad o Wariant Net Cynhwysfawr.

Technoleg Gwybodaeth a Gosodiadau a Ffitiadau

Mae technoleg gwybodaeth a gosodiadau a ffitiadau (sy'n cynnwys cerbydau, offer a chyfarpar), ar gost hanesyddol. Gan mai oes ddefnyddiol fer sydd i'r dosbarthiadau hyn o asedau, dim ond am grocbris y gellid cael ailbrisiadau dibynadwy o'r asedau hyn. Ni ddefnyddir unrhyw dechnegau amcangyfrif arwyddocaol wrth brisió'r dosbarthiadau hyn o asedau.

Asedau Treftadaeth

Mae Llywodraeth Cymru'n dal nifer o asedau treftadaeth anweithredol lle mae'r gwerth diwylliannol, addysgol a hanesyddol yn annhebygol o gael ei adlewyrchu'n llawn mewn gwerth ariannol sy'n deillio o fecanwaith neu bris y farchnad. Mae'r asedau hyn yn arbenigol eu natur a naill ai ni ellir sicrhau prisiadau dibynadwy neu ni ellid eu sicrhau ond am grocbris. Nid yw Llywodraeth Cymru, felly'n cyfalafu'r asedau hyn yn y cyfrifon.

Y lefel isaf ar gyfer cyfalafu asedau unigol ac asedau wedi'u grwpio yw £5,000.

A.2 Dibrisiant

Mae'r gost dibrisiant ar gyfer y rhwydwaith ffyrdd yn cynnwys tair elfen:

- i. tâl cynnal a chadw blynyddol;
- ii. amcangyfrif o ddirywiad parhaol yng nghyflwr y rhwydwaith yn y flwyddyn (a gyfrifwyd gan y model cyfrifiadur ar sail y data diweddaraf am gyflwr y rhwydwaith y cyfeirir ato yn y nodyn asedau nad ydynt yn gyfredol uchod); a
- iii. dibrisiant wedi'i gyfrifo o'r strwythurau a chyfathrebu.

Cyfrifir am ddibrisiant mewn perthynas â'r palmant ffordd trwy gyfeirio at y potensial gwasanaeth a asesir gan arolygon cyflwr a gyflawnir dros y rhwydwaith cyfan fel rhan o raglen dreigl sy'n cwmpasu pob darn o'r ffordd bob pum mlynedd. Y cost dibrisiant flynyddol ar gyfer arwynebedd y ffordd yw gwerth y potensial gwasanaeth a ddisodlwyd trwy'r rhaglen cynnal a chadw, plws neu lai unrhyw addasiad sy'n deillio o'r arolwg cyflwr blynyddol. Mae'r elfennau Strwythurau a Chyfathrebu'n cael eu dibrisio gan ddefnyddio'r dull llinell syth sy'n cael ei gymhwyso i'r costau adnewyddu wedi'u hailbrisio, a hefyd yn cael eu harchwilio bob pum mlynedd i nodi unrhyw newidiadau eraill. Nid yw tir yn cael ei ddibrisio.

Darperir dibrisiant yn ôl cyfraddau a gyfrifir i ddileu gwerth asedau nad ydynt yn ddiriaethol ac eiddo arall, asedau Peiriannau a chyfarpar trwy randaliadau cyfartal dros eu hoes ddefnyddiol a amcangyfrifir.

Arwyneb y rhwydwaith:	20 i 50 o flynyddoedd
Strwythurau'r rhwydwaith:	20 i 120 o flynyddoedd
Cyfathrebu'r rhwydwaith:	15 mlynedd
Tir ac adeiladau lesddaliadol:	Gweddill oes
Anheddau:	Gweddill oes
Adeiladau Rhydd-ddaliadol:	hyd at 60 mlynedd
Technoleg Gwybodaeth:	3 i 10 mlynedd
Asedau meddalwedd nad ydynt yn ddiriaethol:	2 i 10 mlynedd

Nid yw tir rhydd-ddaliadol ac asedau o dan adeiladwaith yn cael eu dibrisio.

Mae lleihadau asedau sefydlog diriaethol yn cael eu codi ar y Datganiad o Wariant Net Cynhwysfawr yn y cyfnod y maent yn cael eu tynnu.

A.3 Ymchwil a Datblygu

Mae gwariant ymchwil a datblygu yn cael ei godi ar y Datganiad o Wariant Net Cynhwysfawr yn y flwyddyn y mae'n cael ei dynnu, ac eithrio lle mae'n cyfeirio at brosiect pendant a lle gellir barnu bod y buddion yn sicr. Mae'r gwariant sy'n cael ei ohirio'n cael ei gyfyngu i werth buddion a ddisgwyllir yn y dyfodol ac mae'n cael ei amorteiddio trwy'r Datganiad o Wariant Net Cynhwysfawr ar sail systematig dros y cyfnod y disgwyllir elwa ar y prosiect.

A.4 Asedau ariannol

Benthyciadau a Chyfalaf Difidend Cyhoeddus

Dangosir benthyciadau a Chyfalaf Difidend Cyhoeddus (PDC) a roddir i gyrff cyhoeddus y tu allan i'r ffin gyfunol ar gost hanesyddol llai unrhyw leihad angenrheidiol i ddangos gwerth teg. Dangosir buddsoddiadau eraill, ar ffurf cyd-fentrau ar werth teg.

Benthyciadau i Fyfyrrwyr

Polisi cyfrifyddu Llywodraeth Cymru yw cydnabod ychwanegiad at y llyfr benthyciadau i fyfyrwyr pan fydd y Cwmni Benthyciadau i Fyfyrrwyr (SLC) wedi rhoi'r benthyciad i'r myfyriwr. Cesglir ad-daliadau benthyciadau gan SLC a Chyllid a Thollau Ei Mawrhydi (CThEM). Yn achos ad-daliadau a wneir trwy SLC, mae Llywodraeth Cymru'n cydnabod y taliad pan fydd SLC wedi cael yr arian parod a diweddarau cofnod y benthyciwr. Yn achos ad-daliadau a gesglir trwy'r system drethi, cydnabyddir hyn pan ddaw'r symiau sy'n ddyledus i Lywodraeth Cymru am y flwyddyn ariannol yn ôl amcangyfrif CThEM i law. Dangosir gwerthoedd benthyciadau i fyfyrwyr yn net o ddiddymiadau a amcangyfrifir yn y dyfodol ac maent yn cal eu hadolygu'n flynyddol.

Yn unol â dehongliad FReM o IAS 39, mae Benthyciadau i Fyfyrrwyr yn cael eu categoreiddio fel Benthyciadau a Symiau Derbyniadwy ac yn cael eu cyflawni yn ôl cost wedi'i hamorteiddio, gyda gwerth gros benthyciadau a roddir yn cael ei ddisgowntio i'r gwerth Presennol Net gan ddefnyddio'r dull cyfradd llog effeithiol. Gwneir datgeliadau sy'n ymwneud â risg, sy'n ofynnol o dan IFRS 7, yn cael eu gwneud o fewn y nodyn Benthyciadau a Symiau Derbyniadwy.

Asedau anghyfredol

Dynodir asedau nad ydynt yn gyfredol fel rhai sy'n cael eu dal i'w gwerthu os caiff eu swm cario ei adfer trwy ei werthu yn hytrach na defnydd parhaus. Bernir bod yr amod hwn yn cael ei fodloni yn unig pan fydd y gwerthiant yn debygol iawn a bod yr ased ar gael i'w gwerthu ar unwaith yn ei gyflwr presennol. Rhaid i'r rheolwyr ymrwymo i'r gwerthiant a dylid disgwyl cwblhau hyn cyn pen un flwyddyn i ddyddiad y dosbarthiad. Mae'r asedau anghyfredol sy'n cael eu dal i'w gwerthu'n cael eu mesur ar lefel isaf swm cario a gwerth teg llai costau i werthu.

A.5 Stocrestri

Mae asedau datblygu, gan gynnwys tir a ddelir i'w ddatblygu yn y dyfodol ac eiddo adeiledig nad oes mo'u hangen at eu defnydd eu hunain, a ddelir gyda'r bwriad o'u hailwerthu yn y pen draw, yn cael eu dangos ar lefel isaf cost hanesyddol a phrisio asedau proffesiynol, gan ddiddymu unrhyw amhariad adeg ailbrisio i SOCNE. Mae gwrthdroi sylweddol yn achos amhariadau blynyddoedd blaenorol yn cael eu hysgrifennu yn ôl i SOCNE lle ceir tystiolaeth bresennol o gynnydd mewn gwerth yn deillio o gwariant blynyddoedd blaenorol.

Mae stocrestrau eraill yn cael eu prisio ar lefel isaf cost adnewyddu a gwerth gwiredadwy net. Nid yw Llywodraeth Cymru o'r farn bod gwahaniaeth o sylwedd rhwng y cost adnewyddu a chost hanesyddol stociau. Mae stociau sydd ag oes economaidd ddefnyddiol gyfyngedig yn cael eu dileu ar ddiwedd eu hoes.

A.6 Incwm Gweithredol

Mae incwm gweithredol yn cyfeirio'n uniongyrchol at weithgareddau gweithredol Llywodraeth Cymru a'r cyrff cysylltiedig.

Mae refeniw o'r Undeb Ewropeaidd mewn perthynas â rhaglenni, cronfeydd a mentrau Ewropeaidd yn cael ei ddwyn i gyfrif yn unol â grantiau sy'n daladwy ac fe'i dangosir yn Nodyn 2. Mae'r cronfeydd yn cael eu talu i Swyddfa Cyllid Ewropeaidd Cymru. Mae'r cronfeydd hyn wedyn yn cael eu trosglwyddo i'r adran berthnasol yn Llywodraeth Cymru ac fe gyfrifir amdanynt yn Nodyn 3.

A.7 Treth ar Werth (TAW)

Mae Llywodraeth Cymru'n adennill rhai elfennau ar TAW ar gyfer gwasanaethau busnes a gwasanaethau sy'n cael eu contractio allan. Yn achos gwariant arall ar nwyddau a gwasanaethau cofnodir y rhain yn gynhwysol o TAW.

A.8 Pensiynau

Cynhwysir y mwyafrif o gyflogeion presennol a blaenorol Llywodraeth Cymru yn narpariaethau Prif Gynllun Pensiwn y Gwasanaeth Sifil (PSPCS) a ddisgrifir yn yr Adroddiad Atebolrwydd. Nid yw elfennau buddion diffiniedig y cynllun yn cael eu hariannu. Mae Llywodraeth Cymru'n cydnabod cost ddisgwyliedig yr elfennau hyn ar sail systematig a rhesymol dros y cyfnod y mae'n elwa ar wasanaethau cyflogeion trwy dalu i Brif Gynllun Pensiwn y Gwasanaeth Sifil (PCSPS) symiau a gyfrifir ar sail gronnus. Mae rhwymedigaeth i dalu buddion yn y dyfodol yn gost i PCSPS. O ran y cynlluniau cyfraniadau diffiniedig, mae Llywodraeth Cymru'n cydnabod y cyfraniadau sy'n daladwy am y flwyddyn. Cydnabyddir yr holl enillion a cholledion actiwaraid sy'n deillio o addasiadau profiadau a newidiadau mewn rhagdybiaethau actiwaraid trwy cronfeydd yn y cyfnod y maent yn codi.

Mae rhai cyn staff Awdurdod Datblygu Cymru, staff presennol Cyllid Cymru ccc yn cymryd rhan mewn nifer o gynlluniau pensiwn llywodraeth leol yng Nghymru sy'n gynlluniau a ariennir gan aml-gyflogwr. Mae rhai o staff Llywodraeth Cymru'n cyfrannu at: Yr Adran Iechyd. Yr Adran Iechyd ac Ymddiriedolaeth Ies y Nyrsys; a West Yorkshire Pension Scheme a weinyddir gan City of Bradford Metropolitan District Council.

Mae cyflogeion Byrddau Iechyd Lleol yn cymryd rhan yng nghynllun pensiwn y GIG. Mae gwybodaeth am y cynllun hwn i'w gweld yng Nghyfrifon Cryno BILL.

A.9 Costau ymadael cynnar

Mae'n ofynnol i Lywodraeth Cymru dalu cost ychwanegol buddion y tu hwnt i fuddion PCSPS arferol mewn perthynas â chyflogeion sy'n ymddeol yn gynnar. Mae Llywodraeth Cymru'n darparu yn llawn am y gost hon pan fo'r rhaglen ymddeoliad cynnar wedi'i gyhoeddi ac mae'n rhwymo. Caiff Llywodraeth Cymru, o dan rai amgylchiadau, setlo rhywfaint neu'r cyfan o'i rhwymedigaeth ymlaen llaw trwy wneud taliad i Wasanaeth Bancio'r Llywodraeth yn y Bank of England i gredydu Pledlais Blwydd-daliadau Sifil. Mae trefniadau tebyg yn bodoli ar gyfer cyflogeion BILL sy'n ymddeol yn gynnar.

Ar gyfer cyflogeion cyn uno a chyn-gyflogeion hen Awdurdod Datblygu Cymru yng Nghynllun pensiwn Rhondda Cynon Taf, mae Llywodraeth Cymru'n talu cost ychwanegol buddion y cynllun mewn perthynas â chyflogeion sy'n ymddeol yn gynnar.

A.10 Lesoedd gweithredol

Codir gwariant ar lesioedd gweithredol heb eu cyfalafu, gan gynnwys tir ac adeiladau, ar y Datganiad o Wariant Net Cynhwysfawr yn y cyfnod y mae'n ymwneud ag ef.

A.11 Grantiau

Cofnodir grantiau sy'n daladwy fel gwariant yn y cyfnod y mae'r digwyddiad neu'r gweithgaredd sy'n rhoi hawl i'r grant yn digwydd.

A.12 Y Fenter Cyllid Preifat/Trafodiadau'r Sector Cyhoeddus neu Breifat

Mae Trysorlys Ei Mawrhydi wedi penderfynu y bydd rhaid i gyrff y Llywodraeth gyfrif am gynlluniau PFI seilwaith lle mae corff y Llywodraeth yn rheoli'r defnydd o'r seilwaith a'r buddiant gweddilliol yn y seilwaith ar ddiwedd y trefniant fel trefniadau consesiwn gwasanaeth, gan ddilyn egwyddorion gofynion IFRIC 12. Mae'r BILI yn cydnabod, felly, ased PFI fel eitem o eiddo, offer a chyfarpar ynghyd â rhwymedigaeth i dalu amdano. Mae'r gwasanaethau a dderbynnir o dan y contract yn cael eu cofnodi fel treuliau gweithredol.

Mae'r taliad unedol blynyddol yn cael ei rannu i'r cydrannau canlynol, gan ddefnyddio technegau amcangyfrif priodol lle bo angen:

- a) Taliad am werth teg y gwasanaethau a dderbynnir;
- b) Taliad am yr ased PFI, gan gynnwys costau cyllid; a
- c) Taliad am ddisodli'r ased yn ystod y contract 'adnewyddu cylch oes'.

Cofnodir gwerth teg gwasanaethau a dderbynnir yn y flwyddyn o dan y penawdau gwariant perthnasol o fewn costau rhaglenni.

Cydnabyddir yr asedau PFI fel eiddo, offer a chyfarpar, pan ddechreuir eu defnyddio. Mae'r asedau'n cael eu mesur i ddechrau yn ôl gwerth teg yn unol ag egwyddorion IAS 17. Wedyn, mae'r asedau'n cael eu mesur yn ôl gwerth teg, sy'n cael ei ddiweddarau yn unol ag egwyddorion IAS 16.

Cydnabyddir y rhwymedigaeth PFI ar yr un pryd â'r ased PFI. Mae hyn yn cael ei fesur ar yr un swm â gwerth teg yr asedau PFI ac yn cael ei fesur o ganlyniad fel les cyllid yn unol ag IAS 17. Cyfrifir cost ariannu blynyddol trwy gymhwyso'r cyfradd llog ymhlyg yn y les i rwymedigaeth y les weithredol am y cyfnod ac mae'n cael ei chodi ar Incwm. Mae elfen y taliad unedol blynyddol sy'n cael ei ddyrannu fel rhentiad les cyllid yn cael ei chymhwyso i dalu'r cost ariannu blynyddol ac i ad-dalu rhwymedigaeth y les dros dymor y contract.

A.13 Enillion a Cholledion y Gyfradd Gyfnewid

Mae Swyddfa Cyllid Ewropeaidd Cymru yn gofyn am gyllid rhaglenni oddi wrth y Comisiwn Ewropeaidd ar lefel yr Ewro sy'n cyfateb i'r sterling y mae ei angen ac yn talu cronfeydd allan wedyn mewn sterling. Mae elw neu golled ar y trafodiadau hyn yn cael ei chyfrifo yn unol ag IAS 21.

Mae trafodiadau eraill mewn arian cyfredol tramor yn cael eu trosi'n sterling ar y gyfradd sydd mewn grym ar y dyddiad hwnnw. Cymerir gwahaniaethau cyfnewid i ystyriaeth yn y Datganiad o Wariant Net Cynhwysfawr.

A.14 Darpariaethau

Yn unol ag IAS 37 Darpariaethau, Rhwymedigaethau Digwyddiadol, ac Asedau Digwyddiadol, gwneir darpariaethau ar gyfer rhwymedigaethau a thaliadau ar ddiwedd y flwyddyn lle mae rhwymedigaeth gyfreithiol neu adeiladol bresennol yn bodoli (hy rhwymedigaeth bresennol neu'n deillio o digwyddiadau blaenorol), mae all-lif adnoddau y bydd eu hangen i setlo'r rhwymedigaeth yn debygol ac mae modd gwneud amcangyfrif rhesymol o'r rhwymedigaeth.

Lle mae gwerth arian o ran amser yn berthnasol, mae darpariaethau'n cael eu disgowntio i'r gwerth presennol gan ddefnyddio amser darpariaethau disgownt real Trysorlys Ei Mawrhydi.

A.15 Offerynnau Ariannol

IFRS 7: yn ei gwneud yn ofynnol datgelu gwybodaeth sy'n caniatáu i'r defnyddiwr werthuso arwyddocâd offerynnau ariannol ar berfformiad ariannol, a natur a graddau dod i gysylltiad â risgiau allweddol sy'n deillio o offerynnau ariannol.

Gan fod y mwyafrif o adnoddau Llywodraeth Cymru yn cael eu talu gan Gronfa Gyfunol Cymru, mae i offerynnau ariannol rôl fwy cyfyngedig wrth greu risg nag a fyddai'n gymwys i gorff o faint tebyg nad yw'n gorff y sector cyhoeddus.

Risg Credyd

Amcan Llywodraeth Cymru yw adfer dyled yn llawn, ac rydym yn mynd ar drywydd hynny yn weithgar. Y polisi yw gweithredu gweithdrefnau arferol ar gyfer rheoli credyd ar gyfer rheoli'r risg o ddiffyg daliad gan ddyledwyr masnach trwy'r swyddogaeth Cyfrifon Derbyniadwy. Oherwydd natur a gwerth dyledwyr bernir mai bach iawn yw'r risg credyd cysylltiedig. Gwneir darpariaethau ar gyfer dyledion amheus pan fydd dyledion dros 6 mis oed.

Mae gan Lywodraeth Cymru rwymedigaeth statudol i roi benthyciadau i fyfyrwyr, ac ni chaniateir iddi ddal benthyciadau yn ôl ar sail statws credyd gwael. Mae dod i gysylltiad â'r risg o beidio ag ad-dalu benthyciadau'n cael ei fonitro a chyfrifir am yr effaith trwy adolygiad amhariadau blynyddol.

Risg i'r Farchnad

Risg Arian Cyfred Tramor – mae Llywodraeth Cymru'n agored i risg arian cyfred bach iawn ar ei thrafodiadau ym maes arian cyfred tramor, ac eithrio Cronfeydd a ddaw i law oddi wrth yr Undeb Ewropeaidd i Swyddfa Cyllid Ewropeaidd Cymru. Nid yw dewisiadau lliniaru'r sector preifat ar gael. Er hynny, mae cyfanswm y cyllid a ddaw i law oddi wrth y Comisiwn Ewropeaidd yn cael ei reoli er mwyn sicrhau bod y cyllid sydd ar gael yn cael ei ddyrannu'n hyblyg i brosiectau, gan alluogi lefel gwariant wedi'u targedu i gael eu bodloni. Mae hawliadau cyllid oddi wrth y Comisiwn hefyd yn brydlon i gyfyngu ar oedi rhwng tynnu gwariant a'i ad-dalu.

Risg y Gyfradd Llog

Mae faint o log sydd i'w ad-dalu ar fenthyciadau i fyfyrwyr yn destun y gwamaliadau yng nghyfradd llog y farchnad ac RPI. Gall hyn arwain at risg wrth ragamcanu'n gywir faint o log sy'n daladwy ac felly lleihad posibl yn llifoedd arian parod y dyfodol.

Risg Hylifedd

Nid yw Llywodraeth Cymru yn benthyca ond oddi wrth y Gronfa Benthyciadau Cenedlaethol, ac mae'n dibynnu'n bennaf ar gyllid a ddaw i law oddi wrth y Senedd trwy Gronfa Gyfunol Cymru ar gyfer ei gofynion arian parod. Nid oes rheswm dros gredu na fydd cyllid ar gael yn y dyfodol, felly ar y sail hon nid yw'n agored i risgiau hylifedd. Hefyd nid oes ganddi adneuon sylweddol, ac mae'r holl asedau a rhwymedigaethau sylweddol wedi'u henwi mewn sterling, felly nid yw'n agored i risg cyfradd llog na risg cyfradd arian cyfred heblaw'r risgiau sy'n deillio o dderbyn cronfeydd oddi wrth y Comisiwn Ewropeaidd mewn Ewros.

A.16 Safonau cyfrifyddu newydd eu cyhoeddi nad ydynt mewn grym eto

Mae nifer o safonau a dehongliadau diwygiedig a newydd wedi cael eu cyhoeddi ond nid ydynt mewn grym eto ac nid ydynt wedi cael eu mabwysiadu eto yn y cyfrifon hyn, gan eu bod yn cael eu hystyried ar hyn o bryd gan y Bwrdd Cyngori ar Adroddiadau Ariannol (FRAB) i'w cynnwys mewn Llawlyfr Adroddiadau Ariannol (FReM) yn y dyfodol.

Y safonau a allai gael effaith sylweddol o'u mabwysiadu yw:

IFRS 16 Leases – i ddod i rym 1 Ionawr 2019. Bydd IFRS 16 yn darparu un model ar gyfer yr holl lesioedd a fydd yn rhoi pob les ar y Datganiad o Sefyllfa Ariannol oni bai fod tymor y les yn 12 mis neu'n llai neu fod gwerth isel i'r ased gwaelodol. Mae Trysorlys Ei Mawrhydi yn adolygu goblygiadau'r diwygiad hwn ar sector cyhoeddus y DU er mwyn ei gynnwys yn FReM 2019-20.

Safonau nad ystyrir bod ganddynt effaith sylweddol yn y dyfodol yw:

- IFRS 1 First time adoption of IFRS
- IFRS 4 Insurance Contracts wedi'i addasu ar gyfer IFRS 9
- IAS 28 Investments in associates and joint ventures
- IFRS 2 Share based payment
- IFRS 9 Financial Instruments
- IFRS 15 Revenue from Contracts with Customers
- IFRS 17 Insurance Contracts i ddisodli IFRS 4
- IAS 7 Statement of Cash Flows
- IAS 12 Income Taxes
- IAS 40 Investment Property Transfers of Investment Property
- Dehongliad IFRIC: 22: Foreign Currency Transactions and Advance Consideration.